

编集人：张一芳  
封面设计：冯魁



玉环古文拾遗

政协玉环县文史资料委员会

玉环古文拾遗

政协玉环县文史资料委员会

政协玉环县第七届委员会  
文史资料委员会

主任：南 钦

副主任：黄立轩（兼）钟光伟

委员：（按姓氏笔画为序）

马亚兵 方贵川

李伯俊 金爱花

夏霜芝

特邀委员：（按姓氏笔画为序）

张 瑾 张一芳

汪云霄 徐君义

黄开标 黄银玲

编集人：张一芳

校 对：林楚香

# 玉环古文拾遗

（玉环文史资料第25辑）

政协玉环县文史资料委员会

二〇一一年十月

## 凡 例

1. 本集汇编历代文献文案涉及玉环的人事风物之记述。以往史籍、志书收编之遗为主,以补地域文史之阙。
2. 本集所收,体裁不拘,形式不拘,题材不限。
3. 收集年限,止于清末,适延至民国。
4. 内容编排,以类为聚,按发端先后,纵而贯之。
5. 本集所收,以史籍、谱志、专著(含合辑)、碑铭等为据。
6. 史籍、志书在书名下录其内容,不同时期的版本,兼收并蓄,以应对照。谱志、碑铭以发端先后为序,不问门第。文牍内容随机摘取,不分先后,尽量标明出处。
7. 作者生平随作品首次出现作简扼介绍,力求客观平实;不详或无考者从略。
8. 尊重作品内容及蕴涵的各自解读,不对词义、引典等作诠释。有表达立场观点者,乃作者所持,读者自辩,引用时务请慎重。
9. 对文中涉及地名和处位,酌情括注今属、今名。

编 者

2011年10月

## 目 录

- 凡 例 ..... (1)

### 志遗辑录

- |                                   |
|-----------------------------------|
| 弘治温州府志(节选) ... (明)邓淮 修 王瓉 蔡芳 纂(3) |
| 明永乐乐清县志(节选) ..... (明) 无名氏 撰(36)   |
| 嘉靖太平县志(节选) ... (明)曾才汉 修 叶良佩 纂(48) |
| 清史稿(节选) ..... 赵尔巽 撰(56)           |

### 文稿拾余

- |                             |
|-----------------------------|
| 游雁宕山日记(节选) ..... (明)徐霞客(63) |
| 思本楼记 ..... (明)陈 钝(65)       |
| 雁山志自序 ..... (明)朱 谅(66)      |
| 附:潘演《雁山志序》 ..... (68)       |
| 附:潘傲《雁山志序》 ..... (69)       |
| 比部招议序 ..... (明)陈 章(70)      |
| 读史方舆纪要(节选) ..... (清)顾祖禹(73) |

海防论 ..... (清)杜冠英(82)

## 古文掇补

### 谱序家训

- 题玉环刘氏宗谱序 ..... (宋)朱 熹(91)
- 刘氏谱像序 ..... (宋)文天祥(92)
- 玉环续修倪氏宗谱序 ..... (宋)李 期(93)
- 倪氏续修宗谱序 ..... (明)叶孔昭(94)
- 竹岗陈氏家训 ..... (明)陈 钝(95)
- 下垟郭陈氏大宗祠记 ..... (明)陈 璋(97)
- 江家吴氏修谱序 ..... (清)林 芳(98)
- 江家吴氏修谱序二 ..... (清)张德标(100)
- 玉环徐都黄氏重修谱序 ..... (民国)黄登高(101)

### 碑记拾遗

- 赵氏书塾记 ..... (元)陈 高(103)
- 玉环义学记 ..... (清)张在浚(104)
- 移祀张公记 ..... (清)汤大宾(106)
- 重建城隍庙碑记 ..... (清)王廷相(107)
- 重修关庙碑记 ..... (清)姚鸣庭(108)
- 新建学宫记 ..... (清)阮 元(110)
- 西青岭义冢碑记 ..... (清)张德标(112)
- 诗冢铭 ..... (清)徐 荣(113)

- 诗冢铭序 ..... (清)蔡燮昌(114)
- 捐建学宫记 ..... (清)李树苑(115)
- 重修玉环文庙疏 ..... (清)戴湘云(116)
- 设立膏火碑记 ..... (清)杨 炳(117)
- 永禁粮米浮征德政碑记 ..... (清)蔡保东(119)
- 重建环山书院记 ..... (清)赵宝申(120)
- 新锹永利河记 ..... (清)黄维诰(122)
- 林公祠堂碑记 ..... (清)徐树楠(123)
- 玉环厅题名碑记 ..... (清)杜冠英(125)
- 重修学宫碑记 ..... (清)吕鸿翥(126)
- 义塾碑记 ..... (清)胥寿荣(127)
- 玉海书院碑记 ..... (清)杜冠英(128)
- 重浚溪河碑记 ..... (清)杜冠英(130)
- 重修关庙碑记 ..... (清)杜冠英(131)

### 碑铭告示

- 龟山残碑 ..... (明)佚 名(132)
- 奉宪勒碑 ..... (清)姚鸣庭(133)
- 奉宪革除玉环涂税碑 ..... (清)郝玉麟(134)
- 济理寺奉宪勒碑 ..... (清)朱 煌(135)
- 勘验夫马章程碑 ..... (清)杜冠英(136)
- 多宝院石碑 ..... (清·僧)山 融(138)
- 楚门城隍庙福佑社碑记 ..... (清)戴尧仁(139)
- 泗头路廊奉令勒碑 ..... (民国)江 恢(141)

筏头修路碑 ..... (民国)佚 名(142)

### 逸事轶闻

- 瓯越食俗 ..... (晋)王 会(147)
- 木榴山一名地肺山 ..... (南朝·宋)谢灵运(148)
- 东带采海门 ..... (南朝·宋)郑缉之(148)
- 尘屿 ..... (南朝·宋)郑缉之(148)
- 第七十一福地玉璫山 ..... (唐)杜光庭(148)
- 洞天福地 ..... (唐)杜光庭(149)
- 玉环山 ..... (宋)乐 史(150)
- 陶隐居 ..... (宋)陈 思(150)
- 双穗南北天富盐额 ..... (宋)姚 宽(150)
- 隐居高第 ..... (元)刘大彬(152)
- 刘元芳休休室 ..... (元)陈 高(153)
- 刘仲彬数学 ..... (元)陈 高(153)
- 刘仲彬养真院 ..... (元)陈 高(153)
- 玉环灵山 ..... (元)陈 高(154)
- 养真道院 ..... (元)陈 高(154)
- 灵山禅寺 ..... (明)《戴氏谱记》(154)
- 倭寇 ..... (明)谢 杰(155)
- 陶弘景《永嘉邑居图》 ..... (明)姜 准(155)
- 岁时节会 ..... (明)姜 准(155)

- 面花穿耳缠足蝉鬓原始 ..... (明)姜 准(157)
- 朱谏童年善对 ..... (明)姜 准(157)
- 朱君佐诗释优人 ..... (明)姜 准(158)
- 年祥朝拜 ..... (明)姜 准(158)
- 出哨遇飓 ..... (明)《世宗宪皇帝硃批谕旨》(159)
- 进士致仕 ..... (明)过庭训(159)
- 天花菜 ..... (明)过庭训(160)
- 县称神君 ..... (明)过庭训(160)
- 庆贺表文 ..... (明)过庭训(161)
- 司寇大理 ..... (明)过庭训(161)
- 宜令致仕 ..... (明)张 鼎(162)
- 王瓊知陈璋 ..... (明)过庭训(162)
- 往谏受杖 ..... (明)过庭训(162)
- 玉环东程陈氏 ..... (《介庸集》)(163)
- 玉环陈氏迁乐清 ..... (《汲古堂集》)(163)
- 林国材闭门著书 ..... (《万姓统谱》)(163)
- 温州全图 ..... (清)黄 汉(164)
- 闵鑑玉环之政 ..... (清)同治《南昌府志》(165)
- 玉环仙洞 ..... (清)徐 昆(165)
- 出使朝鲜 ..... (清)戚学标(166)
- 披山洋之役 ..... (清)梁章钜(166)
- 灵干岛飓灾 ..... (清)林 骏(167)
- 永嘉邑居图 ..... (清)劳大与(167)

- 死有异香 ..... (清)刘绍宽(168)  
 气候之异 ..... (清)梁章钜(168)  
 风痴(三则) ..... (清)劳大与 孙同元 郭钟岳(169)  
 俗务外饰 ..... (清)纳兰常安(171)  
 俗风近古 ..... (清)郭钟岳(171)  
 地僻人美 ..... (清)赵 钧(171)  
 楹联 ..... (清)郭钟岳(172)  
 祭灶 ..... (清)金 璋(172)  
 滚灯 ..... (清)孙同元、徐希勉(172)  
 煜春(二则) ..... (清)黄汉清 梁章钜(173)  
 清明(二则) ..... (清)孙同元、徐希勉 黄汉(173)  
 竞渡 ..... (清)孙同元、徐希勉(174)  
 龙船银 ..... (清)戴炳聰(174)  
 尝新 ..... (清)郭钟岳(174)  
 麻糍糖糕 ..... (清)郭钟岳(175)  
 筵坐 ..... (清)袁 枚(175)  
 聘死婚 ..... (清)郭钟岳(176)  
 少女画眉 ..... (清)郭钟岳(176)  
 解筵开路 ..... (清)戴炳聰(177)  
 新妇三朝坐筵 ..... (清)梁章钜(177)  
 截疫鬼 ..... (清)黄 汉(178)  
 获病祈禳 ..... (清)孙同元、徐希勉(178)  
 祛病 ..... (清)郭钟岳(178)

- 师公 ..... (清)郭钟岳(179)  
 纳猫法 ..... (清)黄 汉(179)  
 种稻之法 ..... (清)郭钟岳(179)  
 老师 ..... (清)陆 进(180)  
 馨 ..... (清)孙同元(180)  
 食物志 ..... (清)陆 进(181)  
 海错 ..... (清)梁章钜(183)  
 温郡多鱼 ..... (清)孙同元(184)  
 石首鱼 ..... (明)陆 容(185)  
 龙头鱼 ..... (清)郭钟岳(185)  
 章鱼 ..... (清)郭钟岳(185)  
 跳鱼 ..... (清)郭钟岳(186)  
 阴阳之产 ..... (明)杨 慎(186)  
 蜻蜓斗虎 ..... (清)黄 汉(186)  
 香螺海月 ..... (清)纳兰常安(187)  
 蜜螺 ..... (宋)唐慎微(187)  
 右旋螺 ..... (清)梁章钜(187)  
 红螺 ..... (清)黄 汉(188)  
 木履山 ..... (清)光绪《玉环厅志》(188)  
 张隐居 ..... (清)光绪《玉环厅志》(188)  
 谢公山 ..... (清)光绪《玉环厅志》(189)  
 石峰山 ..... (清)光绪《玉环厅志》(189)  
 正阳得名 ..... (清)光绪《玉环厅志》(189)

- 龙过门 ..... (清)光绪《玉环厅志》(190)  
白龙山有龙母 ..... (清)光绪《玉环厅志》(190)  
村落间鱼虾遍地 ..... (清)光绪《玉环厅志》(190)  
海鳅浮毙水中 ..... (清)光绪《玉环厅志》(191)  
陈岙青峰庙 ..... (清)光绪《玉环厅志》(191)  
鸚鵡鸟 ..... (清)光绪《玉环厅志》(191)  
天久晴 ..... (清)光绪《玉环厅志》(192)

## 志 遗 辑 录

弘治温州府志(节选)

(明)邓淮修  
王瓈蔡芳纂

明永乐乐清县志(节选)

(明)无名氏撰

嘉靖太平县志(节选)

(明)曾才汉修  
叶良佩纂

清史稿(节选)

赵尔巽撰

## 弘治温州府志（节选）

（明）邓淮修 王瓉蔡芳纂

按：弘治十六年，温州知府邓淮倡修府志，因王瓉“尝修国史、修《会典》”，敦请他重加编辑。王瓉对家乡志籍非常熟悉，认为“载籍有纪，盖起于晋，如《永嘉记》是已。维是为图经、为志、为谱、为编，作者迭兴，岁久湮毁。皇明洪武己未，任守敬尝一修之，然所纪悉启运初务，未及重熙累洽之盛也。况当详而略，当约而泛，其亦莫所钩考以为政化资哉！”于是会同蔡芳等在南塘日新寺辑理，“凡六越月而成编，总为二十二卷”。因“还朝戒期”，匆匆离温赴京，未及反复校核，期待蔡芳“补正缺疵而嗣理之。”

上述弘治《温州府志》保存着大量明以前古史的宝贵资料，和大量佚佚的古史资料。在历代方志中有承前启后的地位，全志体大思精，详略得当，言必有据，古今并重，总体上非常成功，堪称杰作。

时玉环属温州府乐清县地，为玉环南社、北社。

修纂人：

邓淮，字安济，江西吉水人，明成化十七年进士，弘治十二年任温州知府。

王瓉，字思献，号瓯滨，永嘉人。弘治九年进士，授编修，官至礼部侍郎。谥文定。著有《瓯滨文集录》。为首撰辑本志。

蔡芳，字茂之，平阳人，弘治十一年举人，五试春官不第，授光

禄署正，升福建运副。致政归，尝校《十三经注疏》，著《春秋训义》。

## 弘治温州府志·卷一

### 温州府

温，古东瓯也。虽僻在海隅，上应牵牛之宿，下当少阳之位，自晋时已立为郡。郡之有志尚矣，然世运既更，事实亦异，此志不可无作也。故纪故述新，举其纲而目随之，作《府志》。

### 建置沿革

唐、虞、三代属扬州之域。夏禹别九州，以淮海惟扬州。少康封庶子无余于会稽以奉禹祀。周敬王四十六年，无余二十馀世至勾践称王。显王三十五年，楚威王大败越，杀无疆，尽取吴地至浙江。越以此散亡，诸族子争立，或为王，或为君，滨于江南海上，朝服于楚。秦始皇二十六年，置三十六郡，最后使尉屠睢平百越，废为君长，以其地为闽中郡。《前汉·东越传》：闽越王无诸及越东海王摇皆勾践后，姓驺氏。秦并天下，废为君长，以其地为闽中郡。汉高祖五年，立无诸为闽越王，都冶。《汉志》云：诸侯叛秦，无诸、摇率越人从诸侯灭秦。汉击项籍，无诸率越人佐汉。五年，立无诸为闽越王，王闽中故地，都冶。惠帝三年，立摇为东海王，都东瓯。《汉志》：惠帝举高帝时越功，日：闽君摇功多，其民便附，乃立摇为东海王，都东瓯。世称东瓯王。武帝建元三年，东瓯王望举国内徙，处江淮间。末年置冶县、回浦县，属会稽郡南部都尉治。后汉光武改治县为章安，废回浦县，罢南部都尉。顺帝永和三年，分章安之东瓯乡为永宁县，末年置东、南二部都尉，东部临海，南部建安。吴孙权分

永宁置罗阳县，孙亮太平二年，以东部都尉为临海郡，以永宁属之。改罗阳为安阳县。晋武帝大康元年平吴，改安阳为安固县，分安固南横屿船屯置始阳县。四年，改始阳为横阳县。《晋志》：临海郡领县八：章安、临海、始丰、永宁、宁海、松阳、安固、横阳。明帝太宁元年，分临海之峤南永宁、安固、横阳、松阳及晋安之罗江，凡五县，立永嘉郡，属扬州，治永宁，峤南即今温州。孝武宁康二年，分永宁置乐成，以罗江还晋安。宋武帝孝建元年，置东阳州，以永嘉郡属焉，时统会稽、东阳、新安、临海、永嘉五郡。齐东昏侯永光元年，以东阳州并入扬州。梁武帝普通七年，置东阳州，统会稽、新安、临海、东阳、永嘉、建安、晋安。陈武帝永平三年，改永嘉郡为缙州，寻省东阳州并属扬州。文帝天嘉三年，复为永嘉郡，置东阳州，统会稽、东阳、临海、永嘉、新安、新宁、建安、晋安八郡。隋文帝开皇九年平陈，改东阳州曰吴州，置总管府，废永嘉郡，置处州，改永宁为永嘉，横阳大安固。十二年，改处州为括州，省安固、乐成并入永嘉，统括苍、永嘉、松阳、临海四县。炀帝大业元年，废诸州总管府，改吴州为越州。三年，废括州，复为永嘉郡。唐高祖武德四年，平李子通，改会稽为越州，置总管府，废东嘉郡，复括州。五年，杜伏威归化，分括州置东嘉州，析永嘉复置安固、横阳、乐成，统永宁、永嘉、安固、横阳、乐成五县。七年，改总管府为都督府，省乐成人永嘉。太宗贞观元年，废东嘉州，省横阳、永宁，以永嘉、安固属括州。是年，分天下为十道，越州督越、婺、泉、建、台、括六州，属江南道。高宗上元二年，分括州永嘉、安固二县置温州。《图经》：“永嘉民李行抚诣朔，请置州。四月，制以永嘉、安固二县置温州。其地自温峤山以西，民多火耕，冬月地常暖少寒，故名。”武后载初元年，分永嘉复置乐成。大足元年，分安固置横阳。睿宗景云三年，以温州属越州都督府，时分天下为二十四都督以统属州。玄宗开元十年，分属江南东道。天宝元年，改温州为永嘉郡，统永嘉、安固、

横阳、乐成四县。肃宗乾元元年，复为温州，属浙江东道，特建静海军使，兼统台、明州。《图经》：“徒湖州刺史戴日用牧温州，兼静海军使。”后梁太祖开平元年，封钱谬为吴越王，浙东属焉。晋高祖天福四年，建温州为静海军节度使。宋太宗太平兴国三年，钱俶纳土，降为静海军。至道三年，分天下十五路，以温州属两浙路，统永嘉、瑞安、平阳、乐清四县。徽宗政和七年，诏以石櫃山在永嘉县西北，乃黄帝缄玉板篆册之地；仙岩山在瑞安县东北，上有三皇井，泉涌其中，西南有瀑布，黄帝炼丹于此，宜升温州为应道军。高宗建炎二年，罢应道军，属两浙东路。金虜人寇，建炎四年正月丙午，帝舟次章安镇。甲子，泊温州港。丙寅，次馆头。戊辰，幸水陆寺，侍从台谏稍集，班列差盛。二月乙卯，次江心寺。庚寅，移驻温州。丙申，以虜退，赦天下。三月己未，驾诣天庆宫，朝辞九庙神主。庚申，回銮。度宗咸淳元年，升温州为瑞安府，初封永嘉郡王，即位故升。元至元十三年正月，平宋。十一月，瑞安府降。十四年三月，改为温州路总管府，统永嘉、瑞安、平阳、乐清四县。城内别立录事司，属浙东道宣慰司。甲午春，海寇方国珍就招安，令侄明善等据郡。至正癸卯，以平阳守臣周嗣德不附，明善遣兵攻而擒之。据平阳才月餘，为嗣德旧卒童环所逐。明善遣弟文举再往攻击，童环遂请援于国朝处州参军胡深，于是照磨孙安领兵东下，文举遁，平阳遂先归版图。甲辰春，参军胡深自括引兵临城，不克而退。吴元年丁未，参政朱亮祖率大兵数道并进。十月二十六日至郡西太平岭，明善等悉就俘擒。参政安抚既毕，大兵南征，晋瑞安知州杨时敏摄治事。洪武元年戊申，改为温州府。洪武二年己酉，改瑞安、平阳州为县，并永嘉、乐清凡四县。景泰二年，析瑞安、平阳西南界置泰顺县。

**【乐清县】**在府城东北六十里；本东汉永宁县地，属会稽郡。晋析置乐成县，属永嘉郡。宋、齐、梁、陈因之，属缙州。隋省，人永

嘉，属括州。唐武德五年，析永嘉，复置，属东嘉州。七年，复省，入永嘉，又属括州，载初元年复分置，属温州。后梁开平二年，钱氏以避梁祖讳，乐成为乐清。宋、元仍旧，本朝因之。编户一百六十八里。成化十二年析三十二里隶台州太平县。

### 疆域里至

**【乐清县】**东西广二百五里，南北袤一百九十五里。东至海渡一十里，越渡至温岭一百三十里，为黄岩县界。西至楠溪桐岭六十里，为永嘉县界，南至海五里，越海至玉环乡南社一百三十里为海洋。北至接莆岭六十里，为永嘉县界。东到黄岩县界一百一十里，自界到县二十里，共一百三十里。西到永嘉界六十里，自界到县六十里，共一百二十里。南到大海洋一百三十五里。北到仙居县界一百九十里，自界到县一百九十里，共三百八十里。东南到大海一十里。西南到永嘉县界六十里，自界到县六十里，共一百二十里。东北到黄岩县界一百二十里，自界到县六十里，共一百八十里。西北到仙居县界二百里，自界到县三百八十里，共五百八十里。

### 风 俗

凡通都巨邑，四方辐辏，俗沦以杂。吾瓯界于海山，聚惟土育，风淳俗良，盖自晋始而盛于宋。师友渊源，焯闻天下，而伊洛、武夷之学在焉。止斋所谓“家务为学，人务省事”，五成叟所谓“不啻家夷齐而人曾闵”，“比昔邹鲁”，陈益之所以谓“自昔文风为两浙最”，皆实录也。元以腥膻污天下，而温之礼仪文物常常自如，鲜乐仕进。我太祖铲胡运以搏正化，于是名贤又彬彬出矣。由今观之，冠婚丧祭之有礼，交际施报之有仪，族系新故之有辨，室庐华整，器用嘉致，冠裳洁饰，且知耻自爱，不嗜狠讼，验之他邦，鲜有及者。

间有斗置忿争，亦竞利尚气而然耳，固不得因一累万也。上而良有司转移之，下而吾儒生倡率之，则习尚以正，风俗恒美矣。古《总叙》。

三代以前，东南荒凉为甚。汉东瓯王敬鬼，而瓯俗多信鬼，乐巫词，是其为俗尚未变也。三国、南朝，郡人始有以行谊称者瞿素、张进之。自晋元(帝)南渡，东南文物渐盛。而鹿城既建，俗尚一新。王右军守郡，以礼仁导之，而人益知向方矣。

“永嘉之后，帝室东迁，衣冠避难，多所萃止，艺文儒术，斯之为盛。今虽闾阎贱品，处力役之际，吟咏不辍，盖亦因颜、谢、徐、庾之风(扇)焉。”杜佑《通典》

宋谢灵运在郡，《招学士讲书》诗云：“曾是展予心，招学讲群经。”《自横阳还》诗云：“幸莅建德乡，民怀虞芮意。”当是时，考之东南邻郡，盖未有若是者。

章俊卿云：“唐阐海隅之化，而江浙尽为衣冠。大中、天祐之际，郡人已有登科跻身显仕者。如颜鲁公之后，亦慕风土之美，举家徙居之。盖至是又非曩时比矣。”

汉魏以还，天下有变，常首难于西北。四方习俗所利，举萃东南。农桑工贾，曲尽其便，人物之繁，与京华无异，而土壤亦从而沃矣。加之乱离少弭，上下浸安，井里环聚，以粪其田，鸡豚畜之，牛羊牧之，荆棘芟而草莱辟，种植时而灌溉利，虽欲不为沃壤，得乎哉！徐以章官讲之言验之，盖于吾瓯尤切矣。

山堂云：“有宋之兴，东南民物康宁丰泰，遂为九围重地，夺往古西北之美而尽有之。是以邹鲁多儒，古所同也，至于宋朝，则移在闽浙之间，而洙泗寂然矣。关辅饶谷，古所同也，至于宋朝，则移在江浙之间，而雍土荒凉矣。”然则谓温为小邹鲁，是言昔之邹鲁也。邹鲁之书达之天下，而“道学”二字则郡人王景山始发之，后四十馀年而(后)二程出焉。周、刘诸公传其学以淑诸乡。文运之闇，

礼俗之懿，科目之众，制作之工，具可考见。南渡以还，益衍而炽，有得于乡哲渊源者，有得于武夷讲授者，义理之奥，经制之业，甲于天下。故曰：“南渡诸志以乾、淳为盛，乾、淳诸老以永嘉为盛。”其信然哉！

龙图学士楼钥曰：“伊洛之学，东南之士自杨时、游酢外，惟永嘉许、周敦颐亲得其传以归。中兴以来，言性理之学者宗永嘉。”又曰：“温居瀛堧，儒学之渊。”

永嘉之俗颇同豫章，而少争讼，尚歌舞，妇人勤于纺织，有夜院纱而且成布者，俗呼鸡鸣布。《隋志》

永嘉号小邹鲁，俗喜揖让。每岁旦，赤芾韦布，毕至郡庠，合拜先圣先师，退以齿立于堂，交拜郡守，致酒三爵而退，岁以为常。邑庠书院，各处义塾及乡曲，并设会拜如仪，以齿不以爵，自许右水景衡始。旧志。

岁将寒食，丈夫洁巾袜，女子新替笄，扫家以祭。水心记。

凡庆吊、问报之事，大抵相好，而又家务为学，人务省事，其俗甚厚。止斋序俗喜华靡，以盛饰相高，虽贫家亦勉强徇俗，假借以为饰。颇喜讴，虽儿童唇吻亦协宫徵。男好读书，细民亦知教子女。工织纴桑蚕，不事剪绣。其饮食，少刍豢，多重水族。土薄水浅，稟赋脆弱，然勤于本业，怯于斗讼，亦颇易治。旧志。

凡端午日，竞渡于会昌湖，里人游观弥岸，緒翠彩舰，鳞集数里，华丽为他郡最。至于诸乡，莫不皆然。旧志。

温居涂泥斥卤，土薄艰艺，民勤于力而以力胜，故地不宜桑而织纴工，不宜粟麦而梗稻足，不宜漆而器用备。《永宁编》

君子尚文，小人习于机巧妙丽。林泉生士记。

宋兴，崇尚文教。是邦僻在海隅，号小邹鲁，风流馀响，迄今犹存。张孟仪记。

永嘉自儒志公后，有元丰九先生、淳熙六先生，俱以性命道德

传程、朱之学。赵风仪记。

郡土狭民贫，人多浮侈，不务丰本昔用，嫁娶以财气相高，丧葬以绵黄自固，近乃渐有依礼行者。至于端午之竞渡，元夕之张灯，本非美事，而自为美焉。属邑有五，大略皆同，惟平阳、乐清习或颇异，泰顺山乡，朴率尤甚。续志。

永嘉道德之乡，贤哲相踵，前辈虽往，风流犹存。张九成语。

素号多士，学有渊源，近世名流胜士，继踵而出。旧志。

乐清“傍山沿海，土播民贫，虽竭力稼穡，仅支一岁之食。山乡悉事陆种，或遇水旱，艰食者多，罕事桑柘，丝绢之属，悉资邻邑，惟勤纺绩，故布帛粗给。濒海之家，多藉鱼盐之利，然谨厚者出于天资，而浇薄者成于气习。近年来，冠婚丧祭，邻里相资，虽闾阎之家，颇存揖让之风焉。”乐清旧志。他县亦有然者。

## 岁 时

元日 吾邦最重元日，户无大小贫富，皆服鲜明衣服。洁祀祖先毕，以序拜尊长，然后出谒亲族邻里，或即相留饮啜，不相见者投拜帖，自初一至初五日谓之节假日，交相展庆。

上元 自十二三夜点灯起，谓之试灯。十四、十五、十六谓之正夜。或结鳌山，搭灯棚，放烟火，士女通衢游赏。十七夜以后谓之残灯。

清明 人家皆以此日祭扫祖考坟墓，多邀姻戚朋友，乘船击鼓铿金，似以游湖为乐者。思亲人子，容或不然。

端午 先一日用箬叶裹米为粽，俟此日祭先。是日插菖蒲蒿艾于户，饮菖蒲酒，童子以五色线系臂，名曰长命缕。独平阳江南初四日做节，谓之重四；昔宋小王是日经过其地，民包角黍享之，至今传以为俗。是月，各乡皆造龙舟竞渡，叶水心所谓“一村一船遍一乡”，“祈年赛愿从其俗”是也。但互争胜负，至殴伤溺水者。近

来官府虽有禁，而人心技痒不能禁，庸非俗使然乎？

七夕 亦有妇人以彩缕穿针，陈瓜果酒撰于中庭，祈恩于牛、女二星以乞巧者。 中元：郡人于是日设盂兰盆，请僧人诵经追荐祖考。亦有具酒淆致祭词堂，不用僧者。

中秋 人家多于此夜邀宾朋饮酒赏月达旦。

冬至 是日人家粉糯米为丸，或炊春糯米为糍·陈酒馔祭先。

交年 十二月二十四日，家家备酒馔送神，烧纸马于灶中。次日各斋案一日。

除夜 人家各具淆蔽，以为迎新聚饮之储。仍预炊半熟之饭，以备节假日内食享。是日换桃符，粘春帖。至夜，放火爆，满室点灯照岁，饮分岁酒，或不寐守岁。

## 民 事

耕织 春分时节平田浸种，下秧通田。春夏之交分早秧，日插田。又分晚秧插于空行之中，日补晚。越二十日耘苗，至再耘、三耘而止，旱时用手车引水灌田。秋获毕，以竹蕕取河泥壅之，开旱稻根，灑晚苗，冬初收获毕，随即犁田晒过，间有低瘠田面，则单插一季稻苗，其种麦者甚少。旧志谓“地不宜麦而粳稻足”是也。山乡陆地则种麦豆桑麻木棉花。其女红不事剪绣，勤于纺绩，虽六七十岁老嫗亦然。贫家无棉花、苎麻者，或为人分纺分绩，日不肯暇。其女工巧拙，视布之粗细为差。旧志谓“地不宜桑而织纤工”是也。

服食 人家早晚食米粥，饷午食米饭，罕食麦面。其下饭则水族居多。男子服饰皆衣青棉布，不尚罗缎彩色。妇女亦布衣布裳，惟初婚及节序、喜庆、归宁父母，则饰珠翠、服锦绣，不为常焉。

## 弘治温州府志·卷二

## 公 署

【乐清县治】

.....  
天富北监场盐课司 在玉环乡。

## 弘治温州府志·卷三

## 山

(永嘉县)

.....  
中界山 在海中，张守又新序云：“木榴屿，玉流山也，居海中，去郡城三百里。东晋居人数百家，为孙恩所破，至今湖田尚存。”

(乐清县)

.....  
鹿西山 在海中，沧滨四环，据海道之冲。  
倪岙山 在海中，有龙潭。  
松山 在海中。

石塘山 在海中。  
殊磊山 在海中。  
洋青山 在海中。  
灵昆山 在[有]大灵昆，小灵昆，并在海中。

温岭 去县东北一百六十里，其地多温少寒。  
乌根岭 旧俱属三十都，今属太平县。

佛岭  
车岭  
横山  
黄屿山  
蛎香山  
青屿山  
大闾山 小闾山  
大乌山 小乌山  
苔山

玉环山 山北有峽如门，名楚门。  
大竹冈山 小竹冈山  
浅鸡啼屿  
九屿山  
黄门山  
大鹿山 小鹿山  
沙岙山  
应公屿 以上山俱在海中。

## 弘治温州府志·卷四

水

(永嘉县)

**瓯海** 一名蜃海。谢灵运诗云：“晚来爱馀荣，憩泊瓯海滨”。去郡城东六十里。城北瓯江即海之支江也。江流东至盘石、宁村，会于海洋，茫无际涯，是谓瓯海。自宁村而南，积沙成城以捍潮势。沿海皆沙涂，亭民取咸潮溉沙晒卤煮盐，鱼虾百利亦在焉。其取鱼也，有箒有簿以竹为之，箒音薄，有网有缉结绳线为之，潮之长[涨]落俱有定候，而海山之际尝有蜃气凝结，忽为楼台城橹，忽为旗帜甲马锦幔者。大抵永嘉、瑞安、乐清、平阳皆东跨巨海，随地异名。其南至于闽、广、东至倭夷，北至于淮扬、直沽、高丽，盖无适不达焉。商舶往来，物货丰聚，亦东南要会也。瓯海之长[涨]潮，西至白沙、安溪由江南岸，则自北[门]憩节亭，历江山、永清、定安、迎恩门、西郭、过吴崎、桑浦、屿头、岩门、竹浦、塔山、林头、吴渡、上戍、浦口、江南、张岩、外村、酉洲、驿头、殷溪、桑溪、至茭洋渡抵青田县界。由北岸侧自罗浮，河田、泥涂、马岙、焦头、梅岙、鸡口屿、小荆、荆溪、港口、白上、孤溪港口、凌福、白沙、茭洋至安溪港，亦抵青田县界。北至潮际，接楠溪舟过北岸，由千石人楠溪港、潮至潮际；退潮东去，北至馆头抵乐清界，南次乐湾，次崎头。舟行至此，始出江口大海，分南北行，谓之“转崎”，北至青岙门，而永嘉之海境尽矣。由江南岸，则自双门外，历宁村、沙城、梅头抵瑞安界，由江北岸，则自罗浮、华严、楠溪港、强岙、挂彩、象浦口、馆头、青岙、鹿西、东抵乐清界。

• 14 •

(乐清县)

(前略)

**楚门海** 一名楚门港 去县东南一百九十里，港门之外，海洋无际，海舰由此出入。

**清江** 一名清江港 去县东南一百六十里，在玉环乡。水从山门乡北出，南入于海。

## 弘治温州府志·卷五

水 利

(乐清县)

诸乡水道

东乡水源自黄塘、瑶岙诸溪流出至新市，广七丈，以芳林、白沙诸山岭隔绝，不与县河通。运河分流散人瑞应一乡，溉田十万亩。其河深丈许，不甚涨淤，涝则溢，旱河涸竭，故无干旱之患。其山乡玉环乡，山溪无河。西乡水源 自县至馆头，运河六十里，发源于县之两溪并白石诸溪流出，驿船客艇往来如织。又分为支河，散人永康、长安、茗屿三乡，灌溉民田二十馀万亩。河仅深六七尺，易淤，雨溢晴涸。塘埭不葺，海水流入化为斥卤，全赖有司常加浚治。其象浦水源溪流十数里，南与馆头江水相接，隔下庠诸山，与西乡水道不通。

塘埭斗门

.....

**九眼斗门塘** 在山门乡三十一都，起自九眼斗门，至三十二

• 15 •

都崇德塘界。崇德塘 在玉环乡,起自崇德塘头,至三山北。三山塘 在玉环乡,起自三山,至清港口,二千六百丈。能仁塘 在玉环乡,起自清港关边,至白榻七百丈。江心塘在 玉环乡,起自徐都,至能仁塘界。横山塘 一名庆环塘。云会塘、麻麦塘 以上三塘共一带,在玉环乡,起自三十二都九里,至十里,计长二千八百丈。吊山塘 在玉环乡三十二都,起自横山南,至吊山山头。隆黄塘 在玉环乡,起自横山南,至楚门山。 上湾塘 在玉环乡,起自三十三都上湾,至三十四都界,一百八十五丈。渡头塘 在玉环乡,起自三十三都东山头,至楚门西边山根。万安塘 在玉环乡,起自三十三都五里新塘,至三十四都东山。陈司徒塘 在玉环乡三十三都,起自峡门盐仓边,至马家湾。灵山塘 自三十三都五里,至古榻。枫林塘 在玉环乡,自三十四都石壁,至三十三都盐场为界。花严塘 在三十四都七里, 至九里。 神山塘 在三十三都界,至三十四都蝤蛑岙。抚安塘 在瑞应乡,弘治庚申(十三年),张副使鸾,邓守淮,何推官鼎重筑,甚固,得田七百亩,徙海岛苔山之民居之,详见编修王瓊《记》

(前略)

林家塘斗门、九眼斗门 已上俱在山门乡。崇德塘斗门、三山塘斗门、能仁塘斗门、江心塘斗门、横山塘斗门、吊山塘斗门;隆黄塘斗门、上湾塘斗门、渡头塘斗门、万家塘头门、陈司徒塘斗门、灵山塘斗门、花严塘斗门、神山塘斗门 已上俱在玉环乡。

### 桥 梁

(乐清县)

.....

浪根桥、徐都桥、仁洞桥、镇宁桥、永宁桥 已上桥所俱在玉环乡。

### 津 渡

(乐清县)

.....

清港渡 在玉环乡清港口

## 弘治温州府志·卷六

### 坊 门

(乐清县)

.....

进士坊 为朱谏立

## 弘治温州府志·卷七

### 土 产

《禹贡,扬州》:“厥匪织贝,厥包桔袖,锡贡。”《周礼·职方·扬州》:“其利金锡竹箭”,“其畜宜鸟兽,其谷宜稻。”《隋志》:会稽数郡,饶于海陆。此非专指温,而温实在焉。盖倚山濒海,土薄艰殖,民勤于力而以力胜。旧志所谓:“织纴工,器用备,杭稻足,海育多于地产。”信其然矣。由今观之,则水陆之产兼有并致,腴田沃壤一岁三获,层峦广谷,材木丛植,矾铁鱼盐、谷粟柑桔之类贍于境而他郡资焉。斯民之安土重徒,凡以此也,作《土产志》。

## 海族

鯀鱼 温之所产多种，曰屏鯀、鱼筒鯀、犁头鯀、丫髻鯀、香鯀、刺鯀、锯鯀、乌鯀、雷鯀、梭鯀、斗鯀、大鯀、虎鯀、牛鯀、鹿鯀，皆以皮有沙名。

鮫鱼 《唐六典》：“温州贡绞鱼皮。”宋绍圣定土贡格：绞鱼皮五。《本草》：“鮫鱼皮即装刀靶腊鱼皮也。”陈藏器云：“一名鯀鱼，一名腹鱼。《蜀本》云：圆广尺馀，尾长尺，背皮粗错。”又云：“腹鱼皮是装刀靶者，即鯀鱼也，鯀鱼一名鮫鱼，子随母行，惊则从母口入腹。《山海经》谓鮫沙鱼皮可饰剑，则鮫沙一种也。”

魟鱼 形圆似扇，无鳞，色紫黑，口在腹下，尾如狸鼠，长于身，曰：斲魟、锦魟、黄魟、斑魟、牛魟、虎魟、魟纤。又有地青鱼，地白鱼。

黄驹 又有河琢，鷓夷、鷄鱼、吹肚鱼，舵鱼，嗔腹鱼、规鱼之名。《本草》云：“肝及子有大毒，入口烂舌，入腹烂肠，惟橄榄木，鱼茗木，芦根，乌蓝草根，甘草汁可解其毒。永嘉生于海者，其形不端正，有毒；独眼者尤毒，地人以甘蔗同煮验之，有毒则黑。”又一种名乌郎。

鳗鱼 似蛇，无鳞，身圆如杵，嘴尖齿厉，背色青，味甘。

吴鲚 形似笠，口在腹下，何承天云：“鱼之大口者日吴。”此无鳞，皮紫黑色，骨脆，吴音华。

鲈鱼 巨口细鳞，上有黑点纹，肉白肥美，又一种脆鲈，皮肉俱脆，淡水产者胜。

鮰鱼 似鲈，鳞粗，大者寻丈。

石首鱼 脑中有白石如棋子，故名，小者曰蝶鱼。《遁斋闲览》云：“石首盖鱼之极美者，取其石，次以为器，载饮食，遇毒则暴裂。”

鲳鱼 一作鱠鱼，身扁，尾如燕尾，细鳞如粟，骨软肉白，其味

甘美甜滑。

箭鱼 即鲋鱼，身扁，海产者大而甘肥，腹下细骨如箭簇，俗名箭鱼，味在皮鳞之交，带鳞煮食之尤佳。

掣鱼 板身多鲠，味极甘腴可供。晋虞啸父答晋帝云：天时尚温，掣鱼蚌末熟，即是此鱼也。

勒鱼 似箭鱼而小，身薄多骨。

青鱼 似鲻鱼而大，鳞青。《本草》：青鱼头中就，蒸取干，代琥珀用之。《图经》云：“青鱼似鲤，背青，曰华子，作鲭字，正所谓五侯鲭是也。”

乌鱼 似鲻鱼而色黑。

潺鱼 身柔无骨，鳞细口阔齿多，潺一作濺。

银鱼 身如银条，与江浙间同，而永嘉江溪交流处产者大。

针鱼 嘴似针，身类银鱼，长三四寸，产河海间。

比目鱼 形类箬叶，紫鳞细纹，两鱼各一目，骈头比而为一，侧行，其身一边相比处鳞白。

鰐鳗 类蛇，无鳞，嘴尖齿厉，背色青黄，腹白。

鱠鱼 无鳞，状类鲻鱼，背青白，似乌郎皮，《本草》：“云鱠鱼，岭卿南作鮀鱼，其额目傍有骨名乙。”《礼》云：“鱼去乙。”郑云：“东海鱠鱼也。”

马鲛鱼 形似鱠，味似鲳鱼。

鲻鱼 似鲤，生浅海中，食泥，身圆口小，骨软肉腴，吴王论鲻为匕。

竹夹鱼 似比目，而肉坚身圆尾尖。

红鳞鱼 鳞细而红，如鲫而大。

青鳞鱼 鳞细而青，身小。

海鲫鱼 与河鲫同，而大倍之。

海鶲鱼 《本草》：“形似鶲，有肉翅，能飞上石头，齿如石版。”

**海鳅鱼** 生溪江间，背有黑点，昔仙人刘凭常食石桂鱼十，又名鳅鱼。永嘉梅溪有之。海中又有一种形似鳅，色微赤，肉坚，名鳅短，亦名短鱼，通身色赤肉美。

**鳗鲡鱼** 《本草》：“似鳅鱠而腹大，青黄色。”

**黄脊鱼** 似鯵鱼，而身扁尾鬣黄。

**白脊鱼** 与黄脊同，而尾鬣连身俱白。

**石勃卒** 似短鱼，而形尤短，圆三寸，长四寸，身赤腹泡急，其形勃卒，故名之。

**饴鱼** 味甘。

**带鱼** 无鳞，身长数尺，阔三四寸，如带，故名。

**海蚝鱼** 如小蜊，色青黑。

**黄混鱼** 形似大鳅而扁，有鳞细密，可晒鲞。

**弓鱼** 形小，长不满二寸，身扁洁白。

**毛鱼** 背青腹白。以辨蛇卤之为咸。

**栏胡** 形如小鳅，头有斑点如星，潮退跳涂中，一名弹涂，以跳踯涂上，故名，孟覆活者数百于地，旦发视之，皆骈首拱北。

**章巨** 大者曰石拒，居石穴，人取之，能以脚粘石拒人，故名，形类算袋。八足，长二三尺，足上瑰垒戢戢如钉，每钉有窍，浮海沙中如死物，鸟啄之，即捲入水，嘘足钉，啜之以饱。又名章鱼、章举皆小者。

**望潮** 身长二寸。锁管脚短无钉。

**鸟贼** 《本草》云：“是暴鸟所化，其口有鸟喙，腹有墨。”陈藏器云：“秦王东游，弃算袋于海，化为鱼，其形一如算袋，两带极长。”《蜀本》云：“背上骨厚三四分。”《日华子》云：“又名缆鱼，须脚旨在眼前，风波稍急，即以须粘石为缆。”《图经》云：“一名乌鲗，能吸波喷墨溷水以自匿。”又云：“性嗜鸟，每暴水面，飞鸟过之，谓其已死而啄其腹，则卷人水而食之，故名。”《南越志》云：“鸟

贼有碇，遇风便虹前须下碇而住，碇亦缆之义。腹中血并胆如墨，世谓乌贼怀墨而知礼，其最小者曰墨斗。”

**蟹** 陶隐居云蟹类甚多，曰：蟇，肉壳而多黄，其螯最锐，断物如芟刈焉。食之行风气，有圆脐，考为母蟇，俗名母蟹。有膏者名膏蟹，有子者名子蟹，土人以为上品。若其脐尖者，俗名航蟹，《周礼·庖人》注：“青州蟹胥。”《广韵》作婿，盐藏蟹也，土人名为蠔婿。

**蝤蛑** 《图经》云：“后足为蝤蛑，南人谓之法卓。”蟳蝤蛑之大者，身足尺馀，两螯无毛，随大潮至。

**拥剑** 似蟹而小，一螯大，一螯小，又一名桀步，常以大螯圆小螯食物。

**彭靖** 吴人讹彭蟇，《尔雅》云：“蜎蜎”郭璞：“即彭靖也”膏可食。

**彭蜞** 似蟹而赤。

**螠** 似彭越[蜞]而小。

**虾** 身屈，有长须，有青虾，黄虾，赤虾，白虾，狗虾之殊，又有虾狗，虫口，虾姑，能食虾。

**鲎** 形如覆釜，青褐色，口足皆在覆釜之下，足有十二，长五六寸，尾劲而尖长，壳坚硬，腰间横纹一线，软可屈折，每一屈一行，牝常负牡，渔人双得之，牡大于牡，多子，大如麻，《本草》云：“牝牡相随，牡者背上有目，牝得牡始行，牝去牡死。”韩退之诗：“鲎实如惠文，骨眼相负行。”

**沙噀** 生海涂中，又名涂筭。

**宅鱼** 《本草》曰：“蜡，一名水母，一名樗蒲。鱼生海中，形如覆笠，肉如血，腹下如垂缨，纯赤，无肠胃，以虾为目，虾动则沉。”唐李柔谓：“蠣鱼为银羹，水母为玉脍。”

**蛎房** 亦名牡蛎，乃百岁雕所化。道家以左顾者是雄，故名牡蛎，其生着百魂儡相连如房，故牡房一名蚝山，初生才如拳石，四

面渐长崩岩如山，每房有蚝肉一块，大小随房广狭。海人取之，皆凿房以烈火逼开，取肉食之。渔者于海浅处植竹为扈，竹人水处累累而生，斫竹取，名曰竹蛎。

**螺** 有花螺，香螺，刺螺，蓼螺，马蹄螺之殊。

**西施舌** 一名沙蛤，大小似车螯，而壳白，肉中突出，长可二寸如舌，产江溪间。

**畜** 其大者名老婆牙，壳丛生如蜂房，肉含黄膏，一名喉头，以其簇生，故名。（张按：即蠔，闽南话称蠔仔；温州话喉嘴者，也以其簇生，而称截嘴，则以食时壳刺伤嘴言）

**海蛳** 壳小尾大，肉微。

**江瑶** 一名玉姚。《广韵》云：“玉姚，蜃甲。《山海经》名蜃姚。”郭璞云：“班蛙属，土人惟取柱肉脆美，故名江珧柱。”

**车螯** 《本草》名魁蛤，一名蠔，治海毒。

**蛤蜊** 《本草》：“蛤蜊煮之，解酒毒，止消渴，开胃气，其性冷，与丹石相反服丹石人食之腹痛，以萝卜煮，则其柱易脱。”

**壳菜** 生海岛岩石上，一名淡菜，形类珠母。

**蛏子** 生海涂，长二三寸如指，时病忌食。

**蚶** 壳实有界纹如瓦缝，遂名瓦陇蚶。又有毛蚶，口微带毛如睫；甜蚶，味甘；沙蚶，带沙；酣母，大如拳。

**碱蜒** 似小蛤而长扁，土人名曰生雌，壳有毛。

**肘子** 壳下尖而面阔。

**龟脚** 形如龟，脚有指爪，一名长裙，色青黄，其柄褐色而软，谓之裙，肉如小者。

**蚬** 小于蛤蜊，生海涂中，壳薄，肉含沙，候风雨，能以壳为翅飞。《本草》云：“蚬壳，陈者性冷，无毒。”

**鲜蛤** 大者如栗，小者如榧。

**沙棱** 音寝，大如白扁豆，肉微，农取以溉田。

## 盐 课

**永嘉场** 额办盐六千七百四十五引三百三十一斤一十五两二钱，该支工本钞一千三百四十九锭入百二十八文。

**双穗场** 额办盐五千四十七引三百三十六斤一十五两八钱，该支工本钞一千九锭二贯八百四十三文。

**长林场** 额办盐二千七百四十一引一百七十二斤一十一两九钱。该支工本钞五百四十八锭一贯四百三十二文。

**天富北监场** 额办盐一千六百四引三百六斤一钱，该支工本钞三百二十锭四贯七百六十五文。

**天富南监场** 额办盐三千六百五十六引二百三十一斤六两四钱，该支工本钞七百三十一锭一贯五百七十六文。

## 土 贡

### (乐清县)

**岁进** 水母线，石首鱼，鳌鱼，炉鱼，鱠鱼，黄鮀鱼，石发菜，虾米，龟脚，簇婿，生葛，茶一十斤。

**岁办** 弓三百六十张，箭三千二百七十二枝，弦一千八百条，杂色毛皮一百七十张，鹅翎二万五千根。

**岁造** 缎匹。

## 弘治温州府志·卷十

## 人物一·艺文

宋

林干 字国材，乐清人。崇宁初，士皆以舍法论秀登名，干独不事举业，屏迹田里，闭门著书，居木榴山，因号“木榴子”，著《渊通》四十八篇以仿老子《道德经》，著《覃思》十三篇以仿扬子《法言》。其他著述颇多。邑令鲍辉以书遗公云：“十室之邑必有忠信，某效官餘两年，求所谓忠信之士，未得其人。倾耳阁下屏居不出，今又得阁下所为文，始知圣人之言为不诬，阁下之文汤汤如长江大河，其论韩文确矣。伏读《覃思》至第六篇《或问言行》曰：‘流凝猛伏，涉凝触伏。’则知自古大圣人治心养性尽于此矣。《渊通》一书，理义精微，非晚学所能窥其涯涘。”一日见公草衣木屐，进退疏野，始知为遁世士，益尊事之。程守迈委撰时政以进，干为《进策》五十篇，稿成而卒。《渊通》、《覃思》二书及其他著述，以子孙不传，今已散逸。

## 弘治温州府志卷·十二

## 人物三·隐逸

晋

张文君 水嘉人，逸其名，隐居乐清丹霞山修炼，尝乘白鹿，吹玉箫，游诸峰幽胜。郡守王羲之慕其名往焉，文君即遁入山之苦竹中，羲之不获见而去。其地尝有白鹤飞翔，故名白鹤山。

编注：明永乐《乐清县志》卷八《仙释记》：“晋张文君，字子雁，乐清人。”“郡守王羲之慕其名往访焉。文君以徐药掷溪中，遁于竹中。”《太平御览》卷九六三《竹部》引《永嘉郡记》：“乐成县民张荐者，隐居颐志，不应辟命。王右军闻而造之，荐逃避竹中，不与相见。”据此，张文君名荐，字子雁。

## 弘治温州府志卷·十三

## 人物四·科第

.....  
朱 谦 丙辰进士，授歙县知县。 章玄梅 陈 瑞 俱乐清人。 季 敦 壬戌进士，授吏郡主事，瑞安人。

## 弘治温州府志卷·十五

### 古迹

玉环古城 在乐清玉环山上。洪武二十年徙沿海居民于搬里，其址今为荒墟。

## 弘治温州府志卷·十六

### 祠庙

(乐清县)

朱侯庙 在玉环乡。  
陈侯庙 在玉环乡竹冈。

### 寺观

(乐清县)

灵山院 在玉环乡，(石)晋天福间建。  
石龟院 在玉环乡北社。

灵峰院 在玉环乡南社牛头山。  
普济院 在玉环乡南社铁场。

谷顺院 在玉环乡南社。  
福生院 在玉环乡南社。  
福严院 在玉环乡南社。

江山堂 在玉环乡江山下。  
水心堂 在玉环乡能仁塘。  
云会堂 在玉环乡清港头。  
选佛堂 在玉环乡小间。  
东林堂 在玉环乡邢田。  
明善堂 在玉环乡小竹冈。  
福缘堂 在玉环乡大竹冈。

石佛庵 在玉环乡大徐都。  
南山庵 在玉环乡田岙。  
白云庵 在玉环乡田岙。

## 弘治温州府志卷·十七

### 遗事

防海

国朝 洪武十一年二月，本府奉浙江承宣布政使司札付，该

准浙江郡指挥使司咨：“为照本司概管温、台、明州、绍兴等处沿海地面，设置烽堠，累尝行移温州卫并本府常切督令所在沿海巡检司，差拨弓兵、民夫，衣装、旗帜、器械严肃，多积柴草，昼夜用心看守瞭望。如遇寇船有警，昼则举烟，夜则举火，以凭策应。”“今照即目春首，正系南风汛动，倭寇出没时月，务在委官整点，若有烽堠损坏，随即修理坚完，毋致临期失误策应。”

“沿海巡检司一十处，管烽堠九十三所。

馆头巡检（司）管拨：白沙山、南岸面、三屿山、屿头山、黄华山、洋田山、盘屿山、田湾山、馆头山、茅竹山、下关山、上关山、瞿屿山。

中界山巡检司管拨：枫叶山、东白山、密竦山、黄家山、殊磊山、川石山、大岙山、长沙山、沙下山、沙汇山、洛湾山。

北监巡检司管拨：楚门山、茗坑山、乌岩山、苏家冈、后轿山、西团山、湖头山、獮头

山、前山、化山、下山头、芦湾。

小鹿巡检司管拨：马鞍山、灵门山、鱼井头、干江山、丫髻山、三山、石桥、西门、乌沙门、亭头、东门。

蒲峡巡检司管拨：岐头山、水岙山、高松山、南浦山、缆屿山、蒲岙山、梔头山。

梅头巡检司管拨：鲍田、前山、钱家步、前塘路、岩井山、白岩、南岸渡头、横河、塘路、郑家庄。

下村巡检司管拨：拦头、濛湾、刘家山、小王孙、大王孙、后嵯、关山、玄中岩、下村头。

小渔野巡检司管拨：大岱山、卑湾、上洋山、奠山、凤凰山、白崎山、浪荡头、半塘。

江口巡检司管拨：屿门山、蔡家山、麦城山、福全山、司前塘、塘岸。

仙口巡检司管拨：白洋、百刺山、斗门、风门、塞平山、烽火山。

防御倭寇官军战船于蒲门、小渔野、青奥门、中界山、楚门等处海口湾泊提备。遇有警急，即便策应追捕。”

洪武二十年，信国公汤和奏准添设沿海卫所防御倭寇。于平阳地方置金乡卫，壮士、蒲门二千户所。乐清地方置盆（盘）石卫，蒲歧、楚门、隘顽三千户所。永嘉地方置宁村千户所，瑞安地方置沙园、海安、瑞安三千户所。

永乐十五年，倭寇登岸燔劫，朝廷以失机戮指挥、千户三十餘人，子孙不世袭。自后防制周备，海道平静。

## 弘治温州府志·卷十九

### 词翰一 记

#### 瑞安县陶隐居丹室记

周行己

崇宁三年夏，六月，维阳吕君少逸来莅是邑，敏明夷易，未期政成，以其馀暇，历览山川，得陶隐居先生丹室于陶山佛寺。先生本史故不载，尝至斯方。贾嵩采《登真诀》作别传云：“梁天监中，自海道至永嘉，得木榴屿居之，以作丹（室）。”今永嘉境中，无所谓木榴屿者，而室之下，有仙坛丹井，虽岁久，相传不可验考，然陶山之为陶山，旧矣。岂山以人著？今名遂传，昔名遂没乎？

按诸家传，皆云：“先生长七尺二寸，神仪明秀，肤色皙泽。”今其像绘，赵清献公得阁下本，传置室中，岂其然乎？先生当齐、梁抢攘之间，脱身轩冕，世传仙去，滋味非其好也。乡民祝而尸之，方且

舞倡，优而荐葦牋，于是少逸不以为宜，乃下令，岁时词享，易以蒲塞之供。敢如故者，以淫祀论。

昔子路间为政奚先，子曰：“必也正名乎！”虽子路，孔门之高弟，尚不能知其意，而孔子推其本末，语之，苟名之不正，至于民之无所措手足，然果不可以不先也。是名也，又况于事，可以观政矣。

行己邑民而仕于乡校者也，属叙其说，以著于后，欲先生之实不诬，而奉祀之礼得宜也。既又系之以祝辞，使祝世守之，且以不忘乎其政也。

词曰：香无极分道之精，倏无迹令仙之灵。洞神想分神乃凝，眸子方分寿万龄。骨肉融兮欺上升，游八极兮登太清。驾云车兮饵云旋，摺明月兮望仪形。翱倘佯兮伫中庭，屏葦牋兮撤腐腥。奠椒浆兮肴木英，荐青精兮达芬馨。聊徘徊兮感故情，来弗兆兮去莫程，天寥寥兮地冥冥。

### 【作者简介】

周行己(1067~1125) 字恭叔，世称浮沚先生。祖籍瑞安县芳山乡文周湾，(今瑞安市湖岭镇)。自幼好读书，七岁诵经书，十余岁学属文。少年时与同里许景衡等私淑林介夫先生。十四岁其家迁往郡城永嘉。十五岁随父宦游京师。元丰六年(1083)时年十七岁补太学诸生。从学于陆佃、龚原“新学”。元佑二年(1087)改从太学博士吕大临“关学”。五年(1090)又赴洛阳师从程颐受学。行己“从学伊川，持身艰苦，块然一室，未尝窺”，遂成为程门著名弟子。元佑六年(1091)赴试汴京，登癸未科进士第。

行己登第后，在京贵人欲以女妻之，行己终以“吾未达时，有姨母贫家女，得吾母意属许婚之约”辞婚。后贫女双瞽，仍归娶焉。其师程颐得知，与人语赞其行。而该京师贵人乃宰相富弼女婿右丞相冯京。行己门高不攀，家贫不弃，美德昭然。

周行己中进士后，迟迟未能得官。直到绍圣四年(1097)冬去洛中自行谋职，在水南余场监当官。五年(1098)改在酒务监当官。是年，宋哲宗崩，瑞王信即位，即宋徽宗。翌年，改元崇宁元年(1102)，行己已三十六岁，被任为太学博士。但他愿分教乡里，以便养亲，请奏于朝，诏许之，授温州教授，在温州兴学，主授《中庸》之旨。邦人始知有《伊川之学》。五年(1106)除齐州教授。至大观三年(1109)新党侍御史毛注，弹劾程颐，行己因师事程氏而被罢官，在谢池坊筑浮沚书院，招徒讲学。政和七年(1117)又被权知乐清县令，未几寓居柳市。宣和二年(1120)徽宗重道，温州道士林灵素得宠，推荐行己，授其为秘书省正字。是年，他写了《上宰相书》。六年(1124)夏，卧病京师，得许景衡资助接济，七年(1125)起复被任河南原武县令，旋又辞官。时因方腊在浙江起义，归途被阻，改赴山东郓州，应太学旧友郓州知府王覩之聘，入幕府为司隶之职，不久病卒于郓。归葬于瑞安芳山乡杉坑山之原。

周行己一生著作颇丰，有《浮沚文集》十六卷，《后集》三卷，宋、元、明、清各有刊行。今尚存清《四库全书》及永嘉《故乡楼丛书》中。此外还有《易讲义》及《礼记讲义》等。是永嘉学派开山祖。他是关中张载之学，伊洛二程之学在温州最主要的传承者。

### 抚安塘记

王 璞

温濒海而郡，而苔山之民则岛处巨海之中，倭夷时觊登掠，且有海盗自他至者。其民以有司遇阻，或乃纵轶于绳法之外，往往迄遭戾咎；有事邑里，辄泛蚊虹涛波不测之险。匪惟官病之，而其民亦且自病，故尝议徙内地。洪武庚戌(三年)，安禄侯奏徙于万安寺前，沿海筑塘，田其涂以食其众。未几，风潮奔啮，田复为海，民无

恒业，潜还岛处。永乐甲午（十二年），倭夷肆毒，官兵难于赴救，以罪戮巡检官。继是而后，守土重臣虽强起遣之，已至复去，殆不知其几役矣。夫徒民而无恒业以维其心，谁肯捐其稍可资之故所，而自蹈食衣难必之野哉！

弘治己未（十二年）春，吉水邓君安济知郡事，政通民康，蠹剔利起，合五邑而膏施之。间念苔山之民独远煦育，以为欲徒民以安其生，必治田以足其食。惟经理营置之成淑，然后塘可固，田可成。海道副使张君应祥，尤以澄清海徼为志者，敷察人瘼，播宣德令，历其境而烛其详焉，遂力主其事。于是请于镇守太监麦公、巡按御史邓君履方、兵备副使林君舜举，议以悉协。然役巨费繁，难于损下，乃借出宫银八百两以具木石灰铁之材及徒庸畚桶糇粮之需，期于塘成，以所馀田易银补焉。节推阆中何君重器实承督理之寄。相度地形，区画群务，联木为楗，累石为防，先塞浦口四处，填条加干，柞而实之（土），并甃以石。外内同制，广与崇方，纵横深浅，因势施功，纤悉完善，屹为经久之规。首事于庚申（十三年）七月，竣事于九月二十四日，于是集僚吏祖海神以落之。凡为塘七百七十丈有奇，塘内为咸河五百丈，以防咸潮之内侵者；又其内为淡河七百丈以储水溉田，且育鱼鳖以济民用。倚枕山趾为二斗门以时蓄泄。凡得田七百五十馀亩，徙海岛苔山之民居之，男女一千三十四人，各有定业，始以是徒为永安矣。盖自洪武迄于今，官设法以徒民，民畏法以从徒，殆不知其为几伊。然屡徒屡复，良以无定业以系挛其心故也。于戏，孰谓百年难成之事而遂成于今日也哉！赞是役者，镇守太监麦公、巡按御史邓君履方、兵备副使林君舜举也。主是役者，海道副使张君应祥也。经其始而督其凡者，郡守吉水邓君安济也。极区画之方以终树其事者，节推阆中何君重器也。

夫均是民也，非昔畏徒而今载乐也，业定斯有可安之资。否则，峻法以驱，弗率也。呜呼！孰谓百年难集之事而大集于今日也哉！塘埭极巩固之巧，风潮免冲突之危。捍乌卤荒弃之场而变为沃壤，援岛寄洲息之民而纳之宁宇，盖虽一事而众善莽焉。泯惹寇之衅而疆域以宁，不防之防也；因天造地遗之旷涂而恒业以足，不利

之利也；民知可安，无庸迫促而自乐于徒，不威之威也；鬻馀田以偿帑庾而官钱仍旧，不费之费也；抚海洲之民而安之，则塘曰抚安，诚亦章阐惠民之宿志欤！昔钳卢、鸿隙、芍陂、龟塘类奏功于内地，惟范文正公筑捍海而堤遂姓之，执此程彼，果孰多孰寡哉？民茹恩怀仁，罔攸自见，求余录颠末以文诸石，余方嘉诸大夫竭诚殚虑，树为长利，以休吾邦民，安敢不备书以诏来者。他日河渠之书、沟洫之志亦宜有取焉。

**编注：**本文首见于此，故乡楼本《瓯滨摘稿》未见收录。文中《易》曰下八字，见《易·萃卦》，原文是：“《象》曰：泽上于地，率，君子以除戎器，戒不虞。”“除”指整治。

### 抚安塘记

王 璞

弘治庚申（十三年）秋九月二十四日，温州乐清县抚安塘成。塘七百丈有奇，塘内为咸河五百丈，以防咸潮之内侵者；又其内为淡河七百丈，以储水溉田，且育鱼鳖以济民用；为二斗门以时蓄泄。凡得田七百五十馀亩，徙海岛苔山之民居之，男女一千三十四人，各有定业，始以是徒为永安矣。盖自洪武迄于今，官设法以徒民，民畏法以从徒，殆不知其为几伊。然屡徒屡复，良以无定业以系挛其心故也。于戏，孰谓百年难成之事而遂成于今日也哉！赞是役者，镇守太监麦公、巡按御史邓君履方、兵备副使林君舜举也。主是役者，海道副使张君应祥也。经其始而督其凡者，郡守吉水邓君安济也。极区画之方以终树其事者，节推阆中何君重器也。

塘成，又明日，重器集僚吏祖海神以落之。耆童沓来，鼓蹈肯庆，请余备始末以记成绩，其词曰：

海络瓯东，万川攸宗。淋融浮谲，浮天无穷。苔山之民，岛处其

中。有事邑里，鼓楫以通。飞沫起涛，临汛伺风。卒致倭夷，肆非自  
戾。官司隔越，宪令罔制。爰自国初，促迁内地。恒产无所，舆情焉  
系。永乐以还，人人议迁。屡迁屡复，经今百年。维突末黔，维壁未  
干，昼夜夜浮，老讌幼叹。猛图安民，民终未安。皇仁博被，靡间遐  
域、守土庶尹，寅修颠职。肃肃宪臣，睹闻斯的。思委良吏，相宜兴  
役。郡有贤守，佐有节推，虑远议协，锐情进为。谓兹穷民，惟业是  
依。匪衣则寒，匪食则饥。寒饥弗支，曷率势驱。沿海夷涂，可以陶  
吠。塘以捍之，涂亦恒产。庀材鸠工，众力齐展。累石为堤，联木为  
棟。填築加工，塞深补浅，曾不逾时，膏腴弥眼。咸河外流，淡河内  
满，两建斗门，横闸维板。时蓄时泄，备涝防旱。饮溉兼资，潮汐斥  
免、劳哉节推，躬督旅馆。心思既竭，区处咸善。警懈嘉勤，其谁敢  
缓。乐哉新乡，山明水清。风气旋萃，厥居用于。东西棋列，中峙街  
亭。宪副郡侯，谕戒详明。尔民有知，盍体上情。傅尔业定，实由塘  
成。塘以溥利，塘宜有名，请名于守，守弗自有。请名节推，节推载  
辞。请余定名，谓余史官。余溯上意，名曰抚安。凡兹念及，惟尔父  
母。尔抚尔安，徒岂尔苦。拔尔危洲，奠尔乐土。而[自]今而后，庶  
其安堵。优游庐居，储与大溥。以耕以艺，各获尔所。俪嘉钳卢，媲  
绩龟塘，匪维水利，用绥是疆。我为录实，勒石道旁。百千其载，永  
终靡志[忘]！

**编注：**本文首见于此，《万历志》末录。查本卷有两篇《抚安塘记》，同为王瓛作，前者详于史实，以备志书采择，本文熔铸新词，以便刻石垂后，但同志并收二文，未免失检。

## 弘治温州府志·卷二十二

### 词翰四 诗

元

#### 抵楚门 李仕兴

楚门山色散烟霞，人到江南识永嘉。半陇石田都种麦，一冬园  
树尚开花。海天日暖鱼堪钓，潮浦船回酒可赊。傍水人家无十室，  
九凭舟楫作生涯。

**编注：**楚门 城北三十里丫髻山北，有西青山断而复起，平空  
横立。宋、元间其地多楚树（牡荆），故为之名。明洪武二十年信国  
公汤和于此筑城，为楚门所。

#### 【作者简介】

李仕兴 元朝河北藁城县人。元代儒家静修学派代表人物之一。少年远游，博求深造。多有训彝，人争师之。以隐遁终居乡里。  
名下原注：“翰林学士、承旨。”本诗首见于此，《万历志》卷十四广  
照录。

## 明永乐乐清县志(节选)

(明)无名氏 撰

按:永乐为明成祖朱年号(1403~1424)。这部县志原藏宁波天一阁,无名氏作,为乐清现存最早一部县志。共四册八卷。本辑资料自1964年上海古籍书店据宁波天一阁藏明刻本影印选。

时玉环属乐清县地,为玉环乡,有里名三十三。

## 永乐乐清县志 卷二

### 山 川

- 42、鸡冠山 去县东南七十里,在山门乡
- 43、茅岘山 去县东南水程七十里,在山门乡
- 44、大乌、小乌山 去县东南水程七十里,在海中
- 45、苔山 去县东南水程七十里,在海中
- 46、大青、小青山
- 50、大应公山、小应公山
- 51、屿山  
以上三山县东南水程一百里,在海中

- 52、三山山 去县东南水程一百七十里,在海中
- 53、大竹冈山、小竹冈山 去县东南一百七十里,在玉环乡北社。
- 54、楚门山 去县东南一百九十里,在玉环乡海中,其峡如门,广二十步,海舰皆由此出入。
- 55、马鞍山 去县东南一百一十里,在海中。
- 56、鱼井山 去县东南一百二十里,在海中。
- 57、塔山 去县东南一百九十二里,在海中。
- 58、干江山 去县东南二百里,在玉环乡。以临江数名。
- 59、大鹿山、小鹿山 去县东南二百里,在玉环乡。以状为名。
- 60、玉环山<sup>①</sup> 去县东南二百里,去海中。顾野王《舆地志》:“乐清东南海中有地肺山,一名木榴山,避钱王讳,改今名。”曾觌<sup>②</sup>《题咏》:“天宝风尘暗两京,祸从妃子笑中生。玉环两字正堪恨,好与青山改别名。”王十朋<sup>③</sup>《送凌知监赴任玉环》:“清有濯缨水,白有漱齿石;悠然水石间,官情聊自适。朝焉游其南,暮焉戏其北;彼微山中鸟,亦将识公德。”

- 61、隘山 去县东南一百七十里,在玉环乡。
- 62、大间山 一名大驴山;小间山,一名小驴山。  
以上二山去县东南二百五十里,在玉环乡北社。高四百丈,周回莫知其数。

<sup>①</sup>玉环山 海中玉环诸山总名。

<sup>②</sup>曾 觚(1109—1180) 字纯甫,号海野老农。河南汴(今开封)人。宋绍兴中以父任补官。与龙大渊同为建王内知客。孝宗受禅,以潜邸旧人授权知阁门事兼僕办皇城司,常侍宴应制,奉旨填词,恬宠依势,为大臣所劾。乾道初出为准西副总管,移浙东。淳熙元年(1174),除开府仪同三司。六年,加少保、醴泉观使。用事二

十年，权震中外，后帝知其奸，渐疏之。淳熙七年卒。《宋史》列于《佞幸传》。有《海野词》一卷。

③王十朋 号梅溪，乐清四都左原（今乐清市梅溪村）人。宋代名臣。详见《玉环倪氏渊源序》作者简介。

## 海 2

1、白沙海 去县东南、横亘三百余里。属县之东，为白沙、赤水、蒲岐、铧锹、清江、白溪、北港、温岭，转至玉环而止；居县之西，为石马、章岙、三屿、塔头、岐头、黄花、曹田、池岙、洋田、盘石、馆头，至象浦而止；南望海之外，则有青屿、倪岙、灵昆；东望海之外，则有玉环、鸡笼、洋青、鹿西横列海旁，历历可数。海居其东，至岐头折而南，波涛崩激汹涌，凡海舰西入郡城，至此必舣舟，谓之转岐云。自摺叠岙、次黄门、次钱坎、次小鹿、次茅岘，次台州驴洋，至台州松门寨。

2、楚门海 一名楚门港，在县东南一百九十里。港门之外，则海洋无际，海帆由此出入。

## 江(3处)

3、清江 一名清江港。去县东南一百六十里，在玉环乡。水从山门乡此出，南入于海。

## 乡都(6处)

### 6、玉环乡

里名三十三：竹冈、横山、樊塘、三山、芳杜、钱岙、徐都、莆田、清港渡头、田岙、枫林、小闻、上湾、横塘、陈司徒、垟坑、鱼井、水动、章岙、陵门、后湾、江馆、骊头、芦殊、箬岙、炎岙、邢田、小岙、石龟、郑岙、庄头、金田、北社。

## 镇市(4镇二市)

3、楚门镇 去县东南一百里，去玉环乡

## 永乐乐清县志 卷四

## 军 卫

楚门千户所

隘顽千户所（俱在本县玉环乡。已上二千户所虽在本县地方，系松门卫所辖）

## 台属官署

### 3、北监巡检司

在本县山门乡十八都蔡岙。元在玉环乡三十五都北监。国朝洪武元年设置，仍其旧。二十年，为防御事，巡检仲文炳奉明文移创今址。

### 4、小鹿巡检司

在本县玉环乡三十三都枫林下场。元在玉环乡三十都小鹿，国朝洪武元年设置，仍其旧。三年，移植三十二都横山边。二十年，为防御事，巡检岳麓奉明文移创今址。

正厅三间，鼓楼一间。巡检舍三间，吏舍三间，弓兵房一十间。城垣周围一百四十丈，城门一座，上有楼。

官制：巡检一员。吏额：司吏一名。张一百名。

### 9、天富北监场盐课司

在本县玉环乡三十二都。元去三十六都海岛中，设司会、司

丞、监办盐课。国朝洪武元年设置，仍其旧。以军伍之有功及疾伤者为百夫长，寻以灶户漫额多者为之。二十年，为防御事，徒海岛居民于腹里。本司移创今址。

正厅二间，轩檐一间，大使舍三间，厨房二间。

子场：华严仓五间，清港仓一十二间，白沙仓八间，智字团子仓三间，峡门场子仓一十间。

官制：大使一员。吏额：攒典一名。灶丁四百一十六丁。

## 铺 舍

- 24、大乌铺 在三十一都，去武溪铺一十里。
- 25、九眼斗门铺 在三十一都，去大乌铺一十里。
- 26、清港铺 在三十二都，去九眼斗门铺一十里。
- 27、隘山铺 在三十三都，去清港铺一十里。
- 28、张家井铺 在三十三都，去隘山铺一十里。
- 29、芦珠浦 在三十三都隘元员千户所城内，去温家井铺一十里。

## 永乐乐清县志 卷五

## 寺 院

10、灵山院 去县东二百三十里，在玉环乡北社。石晋天福二年，有僧启爽于筠冈结庵。晏坐诵经，侧闻山南有钟鼓音，因至其处，见海潮直抵山下。僧祷曰：“我意即此创佛刹，若山有灵、潮水不复侵。”遂以石限之。后潮果不复至，刹已成焉。至宋，有僧名法成、法敬、筑捺海塗，成田七顷，以事闻于朝。宋熙宁元年，赐额“灵

山寺”。岁久浸弊。元至正间，二僧复重建。求木于芙蓉山，得木置之港次，将欲运回。忽一夕，风雨暴作，其木漂流，萃于山下，人以为异，遂成道场。国朝洪武二十四年，归并立成丛林。三十一年，僧文秩重建钟鼓楼，仍铸洪门而再兴之。

## 庵

- 58、江山堂 去县东一百九十里，在玉环乡江山下。
- 59、石佛庵 去县东一百九十里，在玉环乡大徐都。
- 60、水心堂 去县东二百里，在玉环乡能仁塘。
- 61、云会堂 去县东二百里，在玉环乡清港头。
- 62、南山庵 去县东二百一十里，在玉环乡田岙。
- 63、选佛堂 去县东二百一十五里，在玉环乡小间。
- 64、东林堂 去县东二百一十五里，在玉环乡邢田。
- 65、明善堂 去县东二百二十里，在玉环乡小竹冈。
- 66、福缘堂 去县东二百三十里，在玉环乡大竹冈。
- 67、白云堂 去县东二百三十里，在玉环乡田岙。

## 废 院

- 103、石龟院 去县东二百四十里，在玉环乡北社小间。后梁龙德二年建。宋治平赐额。后废。国朝洪武二十四年，僧并灵山院。
- 127、谷顺院 去县东二百五里，在玉环乡南社，后晋天福元年建。宋治平赐额。国朝洪武二十年，徙海岛居民，其院遂废。
- 128、福生院 去县东二百五里。在玉环乡南社，后晋天福元年建。宋治平赐额。国朝洪武二十年，徙海岛居民，其院遂废。
- 129、福严院 去县东二百五里。在玉环乡南社，后晋天福元年建。宋治平赐额。国朝洪武二十年，徙海岛居民，其院遂废。
- 104、灵峰院 在县东二百四十里，在玉环乡南社牛头山。宋

天宝间建。治平赐额。国朝洪武二十一年，徙海岛居民，其院遂废。洪武二十四年，僧并七宝院。

105、普济院 去县东一百四十五里，在玉环乡南社铁场。唐开成二年建，名南保安院。宋祥符赐今名。国朝洪武二十年，徙海岛居民，其院遂废。洪武二十四年，僧并七宝院。

## 古迹

### 城郊故址

2、玉环古城 去县东南一百五十里，在玉环乡山上。旧志：周围三百余步，高四丈，门广一丈五尺。水田一顷余。旧有居民，洪武二十年，徙悬海居民于腹里。其址今为荒墟。

### 乡社故址

1、2 玉环乡南社三十五都，三十六都 去县东南一百五十里。洪武二十年，徙悬海居民于腹里，其地今为荒墟。

### 渡

2、楚门海渡 去县东南一百五十里，在玉环乡南社、北社。往来所渡才数十丈。洪武二十年，徙悬海居民于腹里，遂废。

### 廨舍

6、玉环驿 在县治西偏马院山下，去西皋驿五十步，废设马二匹、骡三四匹、驴五匹。洪武十二年，以递送稀少裁减，并入西皋驿管领。洪武十三年，钦依法去马医，仍令马户置备轿乘递送。其廨舍后为风雨损伤，故址尚存。

22、此监巡检司 在玉环乡三十五都北监，去县东一百五十里。洪武二十年，徙悬海居民于腹里，仍旧名移置山门乡十八都蔡

岙。前址荒墟。

23、小鹿巡检司 二处：一在玉环乡三十六都小鹿，去县东南一百五十里。洪武三年移植横山边。其遗址今为荒墟。

24、一在玉环乡三十二都横山边，去县东南一百四十里。洪武三年设置。洪武二十年沿海设立卫所，又移本乡三十三都枫林下场，即今司治。前址今为楚门千户所。

25、天富北监场 在玉环乡三十三都，去县东南一百五十里。其子场在本都蜜瞿。洪武二十年，徙悬海居民于腹里，其址今为荒墟。

### 坛

古坛 去县东南一百五十里，在玉环乡。世传晋陶弘景炼丹之所。今为海岛之墟

## 永乐乐清县志 卷六

### 桥梁

60、浪垠桥 去县东一百五十里，在玉环乡三十二都，通楚门千户所。

61、徐都桥 去县东一百五十里，在玉环乡三十二都，通莆田路田岙。

62、仁洞桥 去县东一百五十里，在玉环乡三十二都，通莆田路田岙。

63、镇宁桥 去县东一百五十里，在玉环乡三十三都，通能仁塘。

64、永宁桥 去县东一百五十里，在玉环乡三十三都，通枫林路。

### 津 渡

6、清港渡 去县东南一百五十里，在玉环乡清港口。水自三十二都北社诸山口出，入海。系沿江陆路往来要道（旧志缺，今增入）

### 塘

106、九眼斗门塘 去县东一百三十五里，在山门乡三十都。起自九眼斗门，至三十二都崇德堂，计一百四十丈。

107、崇德塘 去县东南一百三十里，在玉环乡，起自崇德塘头，至三山山北，六百五十丈。

108、三山塘 去县东南百四十里，在玉环乡。起自三山，至清港口，二千六百丈。

109、能仁塘 去县东南一百五十里，在玉环乡。起自清港关边，至白榻，七百丈。

110、江心塘 去县东西一百五十里，在玉环乡。起自徐都，至能仁塘界，六百二十丈。

111、横山塘 一名庆环塘。

112、云会塘

113、麻麦塘

已以三塘共一带。去县东南一百五十五里，在玉环乡。起自三十二都九里，至十里，计长二千八百丈。

114、吊山塘 去县东南一百五十五里，在玉环乡三十二都。起自横山南，至吊山山头，一百十丈。

115、隆黄塘 去县东南一百五十五里，在玉环乡。起自横山

南，至楚门山七十二丈。

116、上湾塘 去县东南一百五十五里，在玉环乡。起自三十三都上湾，至三十四都界，一百五十丈。

117、渡头塘 去县东南一百五十五里，在玉环乡。起自三十三都东山头，至楚门两边山根，一百八十五丈。

118、万安塘 去县东南一百五十五里，在玉环乡。起自三十三都五里新场，至三十四都东山，二百丈。

119、陈司徒塘 去到东南一百五十五里，在玉环乡。起自三十三都，起自峡门盐仓边，至马家湾，二百丈。

120、灵山塘 去县东南一百六十里。起自三十三都五里，至古榻，一百五十丈。

121、枫林塘 去县东南一百六十里，在玉环乡。起自三十四都石壁，至三十三都盐场，七十五丈。

122、花严塘 去县东南一百八十里。起自三十四都七里至九里，二百二十丈。

123、神山塘 去县东南一百八十里。起自三十三都界，至三十四都蜻蜓岙，三百五十丈。

### 斗 门

51、三山塘斗门 三所。去县东南一百四十里，在玉环乡三十二都。

52、能仁塘斗门 去县东南一百五十里，在玉环乡三十二都。

53、江心塘斗门 去县东南一百五十里，在玉环乡三十二都。

54、横山塘斗门 去县东南一百五十三里，在玉环乡三十二都。

55、吊山塘斗门 去县东南一百五十五里，在玉环乡三十二都。

- 56、隆黄塘斗门 去县东南一百五十五里，在玉环乡三十二都。
- 57、上湾塘斗门 去县东南一百五十五里，在玉环乡三十三都。
- 58、渡头塘斗门 去县东南一百五十五里，在玉环乡三十三都。
- 59、万家塘斗门 去县东南一百五十五里，在玉环乡三十三都。
- 60、陈司徒塘斗门 去县东南一百六十里，在玉环乡三十三都。
- 61、灵山塘斗门 去县东南一百八十里，在玉环乡三十四都。
- 62、花严塘斗门 去县东南一百八十里，在玉环乡三十四都。
- 63、神山塘斗门 去县东南一百八十里，在玉环乡三十四都。

## 永乐乐清县志 卷七

### 艺 文

24、林干，字国材。崇宁初，士皆以言法论秀登名。干独不事举业，屏迹田里，闭门著书。以家居木榴山，因号“木榴子”。著《渊通》四十八篇，以效老子《通德经》；著《覃思》十三篇，以效扬子《法言》。其他著述颇多。邑令鲍辉以书遗公云：

“十室之邑，必有忠信。某到官余二年，求所谓忠信之士，未得其人。倾闻阁下屏居不出，今又得阁下所为文，始知圣人之言不诬。阁下之文，汤汤如长江大河，其论韩文确矣。优读《覃思》至第六篇，或问言行曰：‘流凝猛优，涉凝触优’，则知自古大圣人治心

养性，尽于此矣！《渊通》一书，理义精微，非晚学所能窥其涯矣。”

一日，见公草衣木质，进退疏野，始知为遁世之士，益尊事之。程守迈委撰时政以进，干为进策五十篇。稿成而卒。《渊通》《覃思》二书，及他著述，以子孙不传，今已散失。

## 永乐乐清县志 卷八

### 仙 释

晋

2、张文君 字子雁，乐清人，世居白鹤山下。得神仙修炼之术，于所居傍炼丹。郡守王羲之慕其名往访焉。文君以余药掷溪水，遁于竹中。右军不获见而去。后遂舍宅而为寺，日中乘白鹿入山，不知所之。人以其所入竹为笙簧，其声绝佳。至今溪石为金星之点，相传以为余药所渍云。

## 嘉靖太平县志(节选)

(明)曾才汉 修  
叶良佩 篡

按:明嘉靖十九年刻本。宁波天一阁度藏,1963年上海古籍书店影印发行。

在明成化五年(1469)黄太分县。明成化十三年(1477)析乐清县玉环乡北社三十二、三十三都地归太平县。南社三十三都(分水至桃花岭)以南仍为乐清县地。形成北太南乐分界。《嘉靖太平县志》所记即以北社为主。

修纂人:

曾才汉,不详。

叶良佩,字敬之,生卒年不详,台州太平人。约明世宗嘉靖十七年(1538)前后在世。登嘉靖二年(1523)进士。官至刑部郎中。著有《海峰室前稿》十八卷,今存一卷,及《周易义丛》(均《四库总目》)并行于世。

## 嘉靖太平县志卷一·地舆志上·

### 山 川

大雷山 在县南十七里,即洞黄后山。南接芳柱、徐都,北接石盘、横山,周围三十多里。峭拔峻绝,高数千丈。大间、姥岭、莞山、长沙皆其支山。其上有龙湫,每山顶着云雾如帽,乃雨候也。其北为金字山,侍郎黄文毅公祖墓在焉。

大间山 在大雷山东,有东西两峰,为火楼尖,旧置烽堠。

尧山 在县南十五里,与大雷山相连,山顶有叠来峰、火楼峰。北连磊石、沙角,西南至斗头、蛤蟆岙,而东海石塘、童瞧、骊洋触目而在。陈敬所彬居之。其北为堂山,右笔架峰,有青松径、芙蓉巷。陈氏之祖莹在焉。

桂岩山 在县东南二十里,长沙之北。山椒平行,可百余亩,旧有凌云庵。其南有歧头山,与骊洋对,今隘顽所置烽堠其上。

马鞍山 在县南四十里。由大雷山南行,逾二十里为马鞍、金竹、丫髻诸山,又十里,至玉环山而尽。

金竹山 在玉环乡,与马鞍山相连,俗呼竹冈。

丫髻山 在玉环乡。方皑诗:“奇峰高崒嵂,秀出白云端。气拥青鬟湿,香凝翠黛寒。氤氲春沫后,缥缈晓妆残。几夜凭阑际,微吟拄颊看。”

玉环山 在县西南七十里楚门港中。顾野王《舆地志》:乐清东南港中有地肺山。一名木榴山,避钱王讳,改今名。一云宋高宗南渡,遗玉环于此,故名。宋曾规诗:“天宝胡尘暗两京,祸从妃子笑中生。玉环两字真堪恨,好与青山改别名。”元潘省元伯修诗:

“海气兼天赤，山云捧日黄。波涛开霁景，岛屿极清光。南下思秦帝，东巡忆武皇。弓刀清似水，神物改跳梁。”时方国珍反，故云。

**灵山** 在楚门港中，与玉环山相连，有灵山寺。潘伯修诗：“玉环诸山灵山深，环以大海根太阴。空青水碧澹相映，散为风露来萧森。嗟予赋命落台雁，调笑色雁成滞淫。南游华盖动连月，胜地在近徒歎歎。风帆煜。度不再宿，缓裹长剑携青琴。种榆琼田中，吹笛笙玉山岑。吾将于兹养年命，歧路四断谁能寻。”

**十八曲岭** 在县南一里，通楚门。

**竹冈岭** 在玉环乡。又有蒲田岭、章岙岭。

**田岙岭** 在县西南玉环乡。

**炉殊岭** 在玉环乡。有峰林岭、雾岭、邢田岭、后岭。

**楚门港** 在楚门城外，通山门港。此外海洋无际，海舰于此出入，故曰门。

清港在玉环乡。水源出自山门乡诸山谷，南入海。

**编注：**潘伯修(1316~1358) 字省中。元代著名诗人。黄岩茅畲大泮(今大礼)村人。三次名冠省试。因会试失意，遂决意隐居著书，执教乡里。精天文地理律历之学，工诗文，清高正直。元末动乱，多忧时之作，诗文闻名浙东，有李谪仙骑鲸之气。元至正九年(1349)，方国珍起兵抗元，江浙行省参知政事朵儿只班统兵至台州，欲对沿海居民实施屠戮，潘率父老至军前力争，得免。至正十一年受台州路总管之命说降方国珍，江浙行省向朝廷奏功。

方国珍受招安后任江浙行省平章政事，聘潘赴庆元(今宁波)长幕府任职，数月后力辞归乡，后被劫至海岛(疑即玉环)，被盗(一说方国珍受刘仁本唆使)杀死。著有《江榦集》一卷，收入《元诗选》。

## 嘉靖太平县志卷二·地舆志下

### 乡 都

**玉环乡** 宋、元金钿上下里，国初隶乐清，管都五。二十四都凡九图，原乐清县三十二都。二十五都凡六图，原乐清县三十三都。二十六都凡五图，原乐清县三十四都。

### 津 梁

**江心桥** 在楚门城外。

**灵山桥** 在灵山寺前。

**清港渡** 在二十四都，三山、楚门往来之冲。官签渡夫二名，然潮水湍急，舟小逆流，往往有覆溺者。诚得官舟稍大，令渡夫主之，随坏随修，庶几便民云。

### 水 利

**能仁塘、江心塘、灵山塘** 俱在玉环乡。

**附** 《潮汐餘论》余襄公《海潮图序》曰：“潮之消长皆系于月，月临卯酉则潮涨乎东西，月临子午则潮平乎南北。”此不易之说也。顾吾邑潮候，常早于钱塘六刻，则以去海有远近故也。钱塘海口有龛、赭二山壁立如门，故其潮汹涌砰轰。吾邑之潮，西南自楚门港入，东自松门港入，皆有山为障，不得至中乡，惟东北自永通闸入，直至中乡。然其潮惟漫波拍拍入浦溆，渐满沙碛，无冲激之

势。惟其漫缓，故泥淤易停。闸官于潮涨之时，勿宜开闸，庶潮淤不得入河；潮退可以暂开，使海口泥淤得以乘流入海。此一日开闭之法也。又闸河既通，缘海鱼盐之贾亦大有便饶。盖异时惟肩挑鬻诸民家，故其利薄；今得任舟以载，视肩挑则不啻倍蓰。又出海之船，或当稽其越境惹寇；若入浦之船，皆邑民货什一之利者，闸官及诸巡邏勿宜盘诘拦阻，以滋侵牟之弊。此又御吏者所当知也。潮候之说，余得之沈子积云。

## 嘉靖太平县志卷四·职官志上·

### 公署

芦殊铺 在油亭铺南十里，隘顽所城外。张家井铺 在芦殊铺南十里，小鹿司之北。隘山铺在张家井铺南十里。金田铺 在隘山铺南十里楚门所城。清港铺 在金田铺西北十里，三山司之南。九眼陡门铺 在清港铺西北十里，由此北行十里则为武溪铺。

## 嘉靖太平县志卷五·职官志下·

### 兵防

楚门守御千户所 在县西南六十里。城高二丈四尺。周围七里一十步。洪武二十年，信国公汤和建。计总小旗军七百九十九名。正千户五员，副千户四员，镇抚一员，百户十员。

军政考格 掌印千户一员，签书千户一员，管操千户一员，巡

捕千户一员，贴守指挥一员。

隘顽守御千户所 在县南三十里。城高二丈四尺。周围五里三十步，洪武二十年信国公汤和建。计总小旗军五百六十七名。正千户五员，副千户四员，镇抚一员，百户十员。

军政考格 掌印千户一员，签书千户一员，管操千户一员，巡捕千户一员，贴守指挥一员。

浦歧巡检司 在二十一都亭头，旧隶乐清县，在瑞应乡塘山寨。洪武初徙浦歧，二十年徙浦歧千户所，徙亭头。二十八年，倭寇犯茅岘，后又徙还亭头。永乐十五年，浙江都指挥谷祥重建，城垣、公廨、弓兵俱与沙角巡检司同。

小鹿巡检司 在玉环乡枫林下场，旧隶乐清县，在小鹿海中悬山，故名。洪武三年徙楚门横山，后即其地立楚门千户所，仍徙还今址。洪武二十年方鸣谦檄巡检岳麓建，城垣、公廨、弓兵俱与沙角巡检司同。

## 嘉靖太平县志卷七·人物志下·

### 乡贡

陈钝 竹冈人。丙辰进士，授行人司行人，奉使朝鲜，复命，升吏部稽勋郎中致仕。俱宣德乙卯科。

彭俊 竹冈人。大名同知。

彭昭 俊之侄。由温州府学中式，仙游知县。俱成化乙酉科。

张甫 枫林人。由温州府学中式。文辞典赡，尝授经谢木翁

家。未仕卒，木翁志其墓。成化戊子科。

陈辅 钝之子。应天府中式，安溪知县。

张克用 甫从子。顺天府中式，归德州学正。俱成化庚子科。

## 嘉靖太平县志卷八·外志·

### 古 迹

玉环古城 在玉环乡海岛上，与楚门隔港。洪武二十年徙悬海居民于腹里，今墟。

天富北监场 在玉环山海岛中，亦洪武间徙居民于乐清境上，遂废。

### 寺 院

灵山寺 在玉环乡。晋天福二年，僧启奕闻山南钟声，至其处以石捍潮创刹。宋熙宁元年，僧石法咸筑涂，成田七顷，事闻，赐额灵山。岁久浸弊，至元间重建。

### 寄 使

日本寇边略唐、宋以来，虽屡寇边陲，然鼠窃而已，驱之辄去。迄元至大二年，始大寇庆元路，火郡仪门及天宁寺。国朝洪武五年寇温州乐清等县，十六年寇金乡卫，十七年寇岐头、大闾地方，二十七年寇小尖亭，二十八年寇茅岘，三十四年寇蒲岐所。永乐二年四月，寇定海卫穿山所，百户马飞兴被杀。十年正月初一日，寇楚门，盘石卫出海官军获舡一并首级十三，解官犒赏。十五年五月初一日，寇沙图所，温州守备千户沈钟被杀。正月十五日寇海门卫，

翌日又寇金乡庄士所，及寇平阳岐山地方。正统四年五月初八日，寇定海卫大曷所，五月二十日寇爵溪所。八年六月初四日夜，迷失二倭，使头普福在乐清沙嵩藤岭获解。成化十六年四月十五日，寇柵浦。嘉靖二年五月初一日，谦导、宗设等以贡至宁波，仇杀瑞佐，夷伴动东库，火嘉宾堂，敌杀总督刘锦。初七日，绑去指挥袁琎，又杀百户刘恩、胡源。嘉靖十三年四月十三日，漳舡假倭名劫略茅岘及西门何氏。

论曰：予尝寻海上诸山，见缘海军民咸缓带咽哺云。长老为予言，往往在胜国时，倭奴率间岁或连岁辄一寇我境，自洪武中年议设海道卫所，徒悬海民于境内，自后始无扬波之警云，然武备亦稍稍解弛矣。及是时，有能砺劖易敝以虞破复，斯杨楼船、马伏波之任也。

## 清史稿(节选)

赵尔巽 撰

按：中华民国三年（1914）袁世凯政府设立清史馆，纂修《清史》，任命赵尔巽为馆长，缪荃孙、柯劭等为总纂，金兆蕃、张尔田等为纂修。1919年缪荃孙死，由柯劭继之。其下有提调、协修、校勘等，多达百人以上，知名人士多被网罗在内。主事者皆以清代遗老自居，馆中实际工作人员不及半数，且常变动，最后只剩下十几人。加上当时军阀混战，政局多变，经费不足，纂修工作流于半停顿，未能定稿成书。1926年，大革命形势发展迅速，修史者对于大革命的胜利发展深感恐惧，于是由袁世凯建议刊行初稿。84岁的赵尔巽急于付梓，由袁世凯总理发刊，金梁任校勘事宜，将底稿略加刊定，即以《清史稿》的名义刊行。全书536卷，为中国正史中卷数最多的一种。

《清史稿》资料虽然齐备，可是时逢战乱，编修工作时断时续，仓促成书，存在着剪裁。

不当、体例不一、前后矛盾、繁简不均、文理不通等严重缺点，至于时间、事实、人物、地名的差误、遗漏、颠倒等现象就更为严重。

主撰人：

赵尔巽（1844年~1927），字次珊，奉天铁岭（今辽宁铁岭）汉军正蓝旗人。同治进士，入选翰林院。任监察御史时，以直言极谏

著称。从知府、道台、按察史、布政使升任湖南巡抚。1903年调京署理户部尚书。次年任盛京将军。1911年第三次出任东三省总督时，恰逢辛亥革命爆发。由于善于机变，被拥为奉天都督。1914年袁世凯窃据政权，设立清史馆，任总裁，负责纂修清史。

## 志四十·地理志 12·浙江

温州府：冲，难。温处道治所。总兵驻。明领县五。雍正六年，增置玉环。西北距省治八百九十里。广百六十里，袤五百里。北极高二十八度。京师偏东四度二十一分。领县五。永嘉冲，繁。倚。城有九斗山，内华盖，道书“第十八洞天”。西北：大若岩，即赤水山，“第十二福地”。东南：大罗山。南：吹台山。西：瓯浦山。北：孤屿山，横亘江中，英领事署在焉。海，东自乐清入，为瓯江口，南迳龙湾陡门，又南迳宁村所。康熙九年改寨置游击。海口曰温州湾，灵昆岛扼之。瓯江上流大溪，西南自青田入，东流，合舥溪及韩埠、上戍二港。侧城西北。右得会昌湖，分出郭、瞿、雄三溪，合流迳望江门外。光绪二年烟台之约，立租界。迳陡门桥北，右合塘河，抵永乐界，为馆头江。其右合双井、茶山二河，又东南合瑶溪、白水溪入海。舥溪镇，县丞驻。有西溪巡司，永嘉盐场司，窑岙镇兼驿。沙头、碧莲、韩埠、枫林、双溪有汛。有龙湾山、茅竹岭、状元桥砲台。瑞安冲，繁。府南八十里。水师副将驻。东：龙山。北：集云山、大小二洋山。海，东北自永嘉入，迳梅头城，又南迳海安所，又南迳飞云江口，有关。其外洋凤凰山与西江横山对峙，曰凤凰门。迤北大小丁山。迤东南齿头山。东：长带山。迤北南策山，与东策、北策相望。北策以西，与永嘉大瞿以东，称佳澳焉。飞云江上流大溪西自泰顺

入，合桂溪，迳山口村，右合洞溪。又东合九溪、方坑溪。又东北，左得潦门溪，汇诸溪水，折东南，合半溪，左纳南岸塘河入海。有大山、江岸二巡司，双穗盐场。黑城、宋埠有汛。乐清冲，繁，难。府东北八十里。水师副将驻。北：雁荡山。东：窑岙山。西：章岙山，与沙角、黄华并置寨。黄华有关，追临海口，为第一门户。海，东北自太平入，迳大荆城，游击驻。转西南迳铧锹埠，北接大嵩汛。又西南迳蒲岐，至城南，为瓯江口。自木杓山至此，曰乐清湾。东北：新市河，东源出自白龙山，西源出玳球、赤岩、峒坪诸山，合流为黄双塘溪。北，梅溪出左原诸山，流为石埭河，并汇万桥港入海。东：芙蓉川，分出长蛇岭及西中奥四十九盘岭，合流为清江，北接蔡岙汛，南接光岩汛。又白溪出雁荡东麓，迳灵岩，流为净名溪。东北：蒲溪，二源，一出石门潭，合南閣、北閣诸水，一出荆潭，合桐垟隘、门岭诸水，汇于水涨，并入海。城河即东溪，出县治东北诸山。左出诸枝河，并通西城河。河即西溪，迳下马桥，与东溪合，是为运河，西南入馆头江。东迳磐石，都司及巡司驻。南接天妃汛，与龙湾对峙，为第二门户。又东至白沙岭入海。自此迳曹田汛，抵岐头山，即海口也。有馆头镇，岭店驿。县丞驻大荆城。有长林盐场。东门、西山岭、镇瓯、歧头砲台。平阳冲，繁。府南百三十里。水师副将驻。西：雁荡山，对乐清曰南雁荡。其东焦溪、天井洋、赤岩诸山。西南：分水岭，泉出泷上，东西分流，以限闽、浙。海，东北自瑞安入，迳沙园城，南迳鳌江口，又南迳金乡营，东北接舥艚汛。又南为大浃海口，官山岛扼之，分南北水道。西南：鳌江，古曰始阳江。南港二源，一平水，一燥溪，歧为东西溪。北港二源，一顺溪，一梅溪，两港会于萧家渡西，合迳罗源山下为横阳江。迳钱仓镇为钱仓江。又东合东塘河，抵墨城汛入海。城河分出西南毗岩岭诸山，入城为腰带水，汇于抗云桥，一出东郭入海，一出北郭为城北运河。其夹屿桥河在南夹屿下，下汇城南诸水，歧为二，一西塘河，一东塘河，分趋

入海。南运河出东南金狮山，合直浃河，赤溪出西南矾山，并入之。二镇：仙口、钱仓。蒲门巡司。天富盐场。下垟诸砲台。泰顺简。府西南百三十里。东：飞龙山。南：石岭。西：双港岭。仙居溪出西北诸山，迳洪口渡，洪溪会葛溪注之，古曰渔溪。东北流，左得三插溪，东北自景宁入，会左溪。又东北，右合营冈溪，左纳青田下窄口溪，古曰龙溪。其北太平溪，出上庄，贯城壕，出南门，合白溪，错出复入，缘界抵赤水坑口，会双港溪。溪自寿宁入，迳五步，合棠坪水，迳石竹洲，合周边诸水，抵交溪村，会四溪及仕阳、龟伏二溪，与福建霞浦、福安为界水。有瓯西第一、分水、桂峰、武岭头镇南诸关，排岭、牛头上下排、龙岩岭、分水排诸隘。池村、三魁二镇。有巡司。墩头隘、吴家墩、洋冈、后街有汛。

### 玉环 简

府东北二百里。参将及同知驻。坎门、钓艚隩势险要。钓艚东即鹰捕隩。北车首头与东北木杓山斜对，中为栈头港，东通灵门港，外列虎叉、鸡冠、羊屿诸山。东南至鹿门。外洋虎叉以东为披山。外洋以北为白马嘴，嘴东有沙角、镫台、茅草诸山。西有花岩浦。西北接后交汛。进此曰漩门，两山峩束，一水中流，航路最险。其西为分水山，北为苔山。分水以东为楚门港，以南为乌洋港，西接浦岐港。又南为西青屿、乌岩。北为大青、小青。迤西为茅岘山。又西江延山。其南大鸟、小鸟。又南为莲屿。西南为大门、小门。迤东南为黄大岙，中有重山。黄大岙之西，重山之北，中曰天门。又东南为状元隩，为三盘山。东北为鹿栖山。西北至大岩头。又北接梁湾汛，东南即黄门。门东为南排山。北教场隩、里隩。巾岙寨镇，玉环巡司，蛇屿砲台。

# 文稿拾余

游雁宕山日记(节选)

(明)徐霞客

思本楼记

(明)陈 钝

雁山志自序

(明)朱 谏

附:潘 纨《雁山志序》

附:潘 傲《雁山志序》

比部招议序

(明)陈 璋

海防论

(清)杜冠英

读史方舆纪要

(清)顾祖禹

## 游雁宕山日记(节选)

(明)徐霞客

十四日，天忽晴朗，乃强清隐徒为导。清隐谓湖中草满，已成茺田，徒复有他行，但可送至峰顶。余意至顶，湖可坐得。于是人捉一杖，跻攀深草中，一步一喘，数里，始历高巔。四望白云弥漫一色，平铺峰下。诸峰朵朵，仅露一顶，日光映之，如冰壶瑶界，不辨海陆。然海中玉环一抹，若可俯而拾也。北瞰山坳壁立，内石笋森森，参差不一，三面翠崖环绕，更胜灵岩。但谷幽境绝，惟闻水声潺潺，莫辨何地。望四面峰峦累累，下伏如丘垤，唯东峰昂然独上，最东之常云，犹堪比肩。导者告退，指湖在西腋一峰，尚须越三尖。余从之。及越一尖，路已绝；再越一尖，而所登顶已在天半。自念《志》云：“宕在山顶，龙湫之水，即自宕来。”今山势渐下，而上湫之涧，却自东高峰发脉，去此已隔二谷，遂返辙而东，望东峰之高者趋之。莲舟疲不能从，由旧路下。余与二奴东越二岭，人迹绝矣。已而山愈高，脊愈狭，两边夹立，如行刀背。又石片稜稜怒起，每过一脊，即一峭峰，皆从刀剑隙中攀援而上，如是者三。但见境不容足，安能容湖？既而高峰尽处，一石如劈；向惧石锋撩人，至是且无锋置足矣。踌躇崖上，不敢复向故道，俯瞰南面石壁下有一级，遂脱奴足布四条，悬崖空垂，先下一奴，余次从之，意可得攀援之路。及下，仅容足，无余地。望岩下斗深百丈，欲谋复上，而上岩亦嵌空三丈余，不能飞陟。持布上试，布为突石所勒，忽中断。复续悬之，竭

力腾挽,得复登上岩。出险,还云静庵,日已渐西。主仆衣履俱蔽,寻湖之兴衰矣。遂别而下,复至龙湫,则积雨之后,怒涛倾注,变幻极势,轰雷喷雪,大倍于昨。坐至暝始出,南行四里,宿能仁寺。

#### 【作者简介】

徐霞客(1587~1641)名弘祖,字振之,号霞客,以号行。明朝江阴人。22岁开始遍游四方山水,历时30余年,并有日记留下,去世后由其友人整理汇编为《徐霞客游记》。英国科技史家李约瑟在《中国科学技术史》中说:“《徐霞客游记》读来并不像十七世纪学者写的东西,倒像是一位二十世纪的野外勘测家所写的考察记录。”

## 思本楼记

(明)陈 钝

思本楼者,侯君尚震之所作也。

侯君自会昌掌教归,葬其母安人于先府君墓。三年,将释服,乃构小楼对先塚,额“思本”于上,朝夕瞻望焉。

正统十年秋,会予于邸,曰:“尚震早岁以先公见背,恒惧弗能自成,感厉百倍,幸窃微禄,吾母又不逮养。罔极之德,终不知所图矣!今浪迹江湖,无以示子若孙,于是作斯楼。吾友知我者,幸识我意以教之。”余崖曰:“思本之意,大矣哉!”

天地者,万物之本也,父母吾身之本,而祖宗又吾父母之本也。吾思父母为吾身之本,又当体吾父母之心,而不敢忘其父母之父母焉。则近以悦亲,远以尊祖敬宗,可几于大舜终身之慕,而为知本之学矣。

余闻君诸嗣皆聪明端笃,有不因是训而奋发者乎?播获堂构之事,予有厚望焉!

#### 【作者简介】

陈 钝 字斯钝,号寿斋。乐清竹冈人。明正统元年(1436)进士。授官行,赐一品服,出使朝鲜、日本、琉球,官至吏部稽勋司郎中。著有《全归集》、《孝思图》等。

# 雁山志自序

(明)朱 谏

雁山濒海，高出霄汉间，东南望闽粤，西北连四明、天台以接括苍，其发原固不知其所始也。其趾之尽，垂人海峤。断崖千尺，下临巨浸。自浙以东，凡山之名胜奥邃者，必首称焉。唐一行画天下山川为南北二戒，以南戒尽于雁荡，岂谓巴蜀、湖南之山，趋金陵，度钱塘而归宿结秀于此耶？他山泉石之奇者，或以一二得擅名于寰宇中。独兹山累至千百，尚未有既。岂造物者藏无尽藏于遐方僻壤之区，待时而泄耶？则知风气之开辟有渐，至是而尽发于南服也。夫天作高山，莫为五岳，效灵育物之功，纪载于典籍者尝昭昭矣。宜乎享俸之黄流，而勤先王之祭告也。雁山之峻极峭拔，无让乎五岳之尊崇，神龙彼宅，时出雨云，群峰骈列，飞瀑交流，转步瞬息，百态呈现，较于五岳，而幽邃之景或多过焉。自晋唐以来，始得列号于舆图，则以地出偏方，居非中土，去先王望秩之迹或远耳。夫以大地所覆峙者，大而观之，则昆仑以东，积石以南，际于海隅，何者非吾中原之地，为先王声教之所草被者耶？不幸而有蔽翳阻塞，非山川之不迨也。顾声教之所沾被有未瞻耳。历世多而幅员广，然后向之敝者日以开，塞者日以通。故虽薄海涂泥之乡，名山绝境，苏得以通舟车，萃衣冠，招士夫以邀游，托文字以张皇，仰尽泄其秘蕴。此雁山之所以名天下者，沿至我朝而益著也。吾尝考夫《一统志》矣，浙下名山，若天目、会稽、四明、天台、金华，历历可数

而见，较其秀异，诚未有如雁荡焉者。国之录其概，郡乘未尽其详，四方之人亦徒知其名而未竟其实也。占人云：“紧绊芒鞋行一月，仿佛得见皮肤耳”。諫也幸窃茲山形胜之餘，托处于南山之麓，藉桑榆以卒岁，却外虑而夷犹，故能发剔幽邃，补葺旧《志》以为是編。其有未备者，以俟后之同志焉。

编注：《雁山志》，台北中央图书馆藏嘉靖丙戌五年刻本。据王重民《中国善本书提要补编》载：“是志纂成于嘉靖五年。别本有嘉靖十八年潘潢序，诸家遂误为十八年修。”上海图书馆藏胡汝宁万历翻刻本《中国古籍善本书目》十一。《四库全书存目丛书》据此影印。

## 【作者简介】

朱諫(1455~1541) 字君佐，世居乐清瑶岙。因地处雁荡之南，故自号蕩南。弘治九年(1496年)进士。玉环乡桐林人张甫(字尚美。成化四年(1468)戊子科举人)婿。历任歙县、丰城县令，继升赣州、吉安郡守。办政事识大体，不屑于小廉洁，所建立之事，皆能留之久远而便于民。在吉安郡守任内，预先觉察到宁王宸濠有异图，于是积极储粮募兵，浚修濠堞。离郡后二年，宸濠果反，因早有防范，继任者很快予以平息。晚年优游家乡雁荡山，多所题咏，著有《宋史辨疑》、《学庸图说》、《李诗辨疑》、《李诗选注》、《蕩南集》和《雁山志》。

## 附：潘縡《雁山志序》

《雁山集》一卷，国初僧永异编次，详略无法，猥杂伪作不足征。至是大夫荡南朱公自吉安归老山中，搜落选幽，凡得残碑缺简，贤儒父老之所传述，合如于简，勒成四卷，号《雁山志》。以余谬当兹邑宜叙。《叙》曰：夫雁山可不谓名胜已乎！瓯海东西，岩谷、泉洞、岛渚、卉石、台榭、殿庑，耀乎崭然，何啻什百，独称雁荡，雁荡之生久矣！其间投足而游、聚庐而处者，何啻什百，独列器之、焦伯强、壬龟龄、章大经数大君子，一言一行，具书在《志》，其除曾不得列姓焉。若夫谢公之蜡履，实未一至，骚人顾啧啧好言灵运，至于今不废，然则物所托于不朽，信自有足恃耶！《易》有之：“天在山中，大畜。君子以多识前言往行，以畜其德。”志者识也，贤者识其大者，言欲纯事，书欲纯理，其足以自蓄如此，志固宜。不贤者窃识其瑰奇登眺之小而已，盖前此尝有留连兹土者，忘其国恤而逐世娱，百姓废耕桑治道，牵轡奔走绝命，其意犹以为未足，民由是疾视厥山，或相与目为尤物。呜呼，此岂山之性哉！初，子朱子、子张子，楷游南岳。酬唱终日，动中伦虑，犹乃凛然深惧丧志，卒定约而去。及康侯胡先生过衡，爱其雄秀，望而不登，曰：“非职事所在。”晚居山下五年，竟亦不出也。夫张弛在道而在物，游息以道而不以己，乐山如是，人岂有病之者哉？诗云：“高山仰止，景行行止”。虽不能至，余心向往之。

时嘉靖己亥秋八月之吉  
新安樵溪潘縡序

## 附：潘傲《雁山志序》

逾浙水以东多名山，东南近海山尤秀绝。天台、四明、雁荡、天姥皆为天下大观，而选幽探奇，类以雁山为首。前典漫漶无所考，荡南朱先生今始克志之，而于钟灵以名世者，显晦、利钝，大小，类以传辑，间尝阅之，恍然重有所感焉。其奇峰叠嶂，谽谺险巇，立者如植，蹲者如伛，起而迎者如奔，背而去者如逝，逦迤者如舞。目左右接不暇，莲花诸峰也，其励拔有如此者。其云峯、烟龛、雪岩、风洞，如迸笋垂乳，如缀珠悬疏，如神剜鬼凿，如复道，如陶穴，如蟠螭，如刻画云鸟，火藻波澜之状。龙湫诸谷也，其空洞有如此者。其川源霑沸而溢，如洄、如洑、如震、如溯，其清可酌，其湍可濯，其胜可亭，其流可百折而东赴于溟渤，剑锋诸泉也。其雄浑渊澄有如此者。励拔者存乎介，于是乎有独立不惧者出，如章恭毅公者先之矣；空洞者存乎通，于是乎有守元抱虚者出。如夏元鼎者先之矣；雄浑渊澄者存乎知，于是乎有旁行不流者出，如李孝光者先之矣。先之也者，先之也。岂天地精华之气，将秘优于古而乃蓄泄于今耶！吾将以俟之，吾将以稽荡南君之考成也。否则天下山川，泉石之胜不少如雁荡者，其何以为天下之大观。予与荡南为旧同寅，会间编以商可否，谓予宜叙诸首，予弗获辞，遂叙如右。

## 比部招议序

(明)陈 瑉

盖自古称好生之主，必虞舜，而虞舜之命咎繇者，五刑有服，五服三就；五流有宅，五宅三居，何若是犁然周详也。天之好生大矣，阳生骀荡，不废阴杀，诚谓天舍阴杀，所以阳生者，末普也，其杀乃所以生也。植苗者除莠，夫岂不仁莠哉？除，所以害仁者，不能复仁秀也。其曰与其杀不辜，宁失不经，舜之心见矣。我国家律令，高皇帝所定也，列圣因时变推广德意益之，曰例矣。其曰招者何？乃有司奉行三尺，遵律例而定人之罪之重轻，人各自以其罪之轻重，而伏国家三尺招是矣。曷以议？为上之杀人，非诚甚恶，断除其人也，恶其意尔。是故恒求其所以生不得其所以生，乃死之死矣。未竟其所以死则生之。岂好出入生死间哉！诚重之也。今京师号辇毂民，犯者成狱，司寇有不协，大理得驳问，比秋将行刑，三司更推之，必亡在，乃听伏。而五载又大推至左右扶风外郡国口观察使特司刑狱间遣恤刑使者平反之。而其事权尽付之中丞台、御史台，而所遣中丞御史必慎选其人，衣绣持斧。以行天下。岁有司所上断狱，第不协台使者，咸得而驳正之。使者即不悉聪明终究，得冤苦状而徒优游，据尊重，奚所称任便意也。予往为理官，业见《比部招议》一书，朝夕手之不置，薪仰见古明刑弼教之遗著之行事。已由选部迁棘寺，犹不释卷也。乃今奉天子玺书，使视江南，而予之忧益深矣。江南古泰伯之乡也。当时断发画体，侏漓音声，邻蚊属而

友龙子，意不复知有文物礼乐，如今世所称说者而其人户多朴茂，长若上非有危法裁之。而下亦不知有上之危法，迹其行要自与法远，而匪以避也。此虽稍乏文彩，亦何害为古。而余号能读书，话言道理都服而娴容，岂直荐绅先生能之，罕耦耕息贩负担之徒，亦靡不彬彬然足观也。然好尽出其智力以角而处刘，其弱者狎侮欺给搅秘，罔弗至焉，戾积而身殉之，彼诚自负巧也，将不大拙乎哉！其以巧败也。不可谓无知；其巧以拙败也，又不可为谓有知。有知而无知之死也。宁不悲哉？其蹈冥也邪？且予又鉴之汉矣。汉时不专使，使论囚而郡国守相得。径取中旨自决而王温舒义纵之徒，出至具私马为驿，上书族捕那人千馀家。不二日，报可。流血数千里，而目耽耽，犹且惟冬月行尽也。人主更能之下玺书，旗棹汉德，抑何短也。自非蛇虺毒蠚人，苟有生埋者，亦何可快意而委剪之，乌在为民牧哉！今圣天子命使予得奉天子，使咸名称行法而实不得专。又于其中法不能胜情者，独取其尤诛之令，毫发亡当于心，得暂缓据实，请此其旨，盖在生岂不远过越汉也。兹议也，期在洗冤，抑闵蠹愚辩疑似以闻上，诸非大辟、成遣论鬼薪下者，并得从末减，亦既穷日夜，力校勘情法，稍增损之，

俾刊布为式。凡抚属之吏，一一得宣而流焉。千载而下，焕然圣天子之德意，如舜日之重华，而予小具得窃附于三就三居之列，则厚幸矣。

右法令。

考工无。

**编注：**是书明嘉靖间刑部尚书聂贤掠其旧稿，于嘉靖癸巳十二年刻行于世，亡佚于晚清。今台北傅斯年图书馆藏明抄本，国家图书馆藏民国二十四年上海大东书局石印线装本，乐清图书馆有

复印本。大东书局写印本题董康鉴定。书中记载于谦、张伟、赵遂、刘谨、何锦等五大案件之审讯笔录以及官员拟议定罪、皇帝裁决，多以口语行文，记述翔实，为研究明史重要史料。石印本无序跋，或为残缺本。

### 【作者简介】

陈 璋 字宗猷。祖籍玉环乡竹冈，陈钝曾孙。明朝弘治乙丑科(1505年)进士，授刑部河南道清吏司主事。曰：“士不读书谓之废学，官不读律谓之旷官。”乃研求法意，至忘寝食，律有疑难，亲为注解，遂以法家名。正德五年(1510)升贵州司员外郎，进福建司郎中。奉敕审录八闽大案，平狱不下百余。事竣还京，适武宗南巡，上《谏南巡疏》书，被廷杖五十，伏枕五月而后起。世宗嗣立，升大理寺少卿，至大理寺正卿。时锦衣捕群盗数十人，中十二人实系平民，璋具奏释之。继为刑部左侍郎，有上官以非法杖死下吏，下法司狱，或欲贷之。璋固执不可。忤执政意，即气致仕归。著有《比部招议》二卷和《恤刑录》，持法者常师用之。晚年辑成《石露山翁稿》、《彩衣后堂集》等别集。

## 读史方舆纪要（节选）

原名《二十一史方舆纪要》

(清)顾祖禹

按：《读史方舆纪要》，原名《二十一史方舆纪要》。中国清初历史地理、军事地理名著。全书共130卷，舆地要览图36幅，沿革表35份，共280多万字。明末清初历史地理学家顾祖禹(1631~1692)隐居不仕，积二十年心血，采正史、地志，旁及野史，参以山川考察，撰成该书。

《读史方舆纪要》综记“山川险易，古今用兵战守攻取之宜，兴亡成败得失之迹”，具有浓厚的历史军事地理学特色，其核心在于阐明地理形势在军事上的战略价值。该书有关历代州域形势部分，综述明以前各代州郡位置、形势，及其与用兵进退之策和成败的关系。各省方舆部分，按明末清初的政区分述十五省的府、州、县形势与沿革、区划，以及各处历代所发生的重要战争。形成历代地理形势、沿革、区划与战史浑然一体的独特风格，为明代最完备的兵要图籍。在论及地理形势的战略价值时，注意到“设险以得人为本”，不能只凭地利决定胜败。要求明白“险易无常处”之理，灵活运用地利。

该书为兵家所重，被誉为“千古绝作”、“古今之龟鉴、治平之药石”，是研究中国军事历史地理的重要文献。

## ◇温州府属县五

永嘉县附郭瑞安县乐清县平阳县泰顺县 温州卫平阳、瑞安、海安三所，又金乡卫蒲门、壮士、沙园所，又盘石卫蒲岐、宁村所附见

## ◇台州府属县六

临海县附郭黄岩县天台县仙居县宁海县 太平县 台州、海门卫前所、新河、桃渚、健跳等所，又松门卫隘顽、楚门等所附见

海。

浙江以海为境，东南必备之险也。三国吴永安末，魏将王雅浮海略句章而去。五代时，吴越与淮南相攻，屡以海道为角逐之所。又吴越入贡，每自海出登、菜，抵大梁。至于不逞之徒，如晋之孙恩，唐之裘甫，皆恃海滨僻远，一旦窃发，东南柔脆，为之震荡。南宋以临安为行在，而海道之防尤切。绍兴二年，敌人分屯淮阳军海州。枢臣虑贼若以轻舟南来，苏洋之南，海道通快，可以径趋浙江。诏遣官相度。中丞沈与求言：海舟自京东入浙，必由泰州石港见南直泰州，通州料角、陈贴、通明镇等处见南直通州，次至平江南北洋，次至秀州金山见松江府金山卫，次至明州向头今宁波府慈溪县向头巡司是也。又闻料角水势湍险，倘于石港、料角等处，拘束水手，优给庸直而存养之，以待缓急之用，彼亦安能冲突？吕颐浩言：虏舟从大海北来，抛洋直至定海，此浙东路也。自通州入料角，放洋至青龙港见南直嘉定县，又沿流至金山村、海盐县，直泊临安，此浙西路也。望分设沿海制置司，专管淮东、浙西及浙东、福建路。从之，而海道之窥伺益少。元末，方国珍发难，依海为险。明初经略东南，国珍既平，命汤和由海道取福州。洪武二年，招徕远夷，

设市舶提举司于宁波，为日本之贡道，而奸萌渐作。十六年，绝其贡献，使汤和经略海上，预为之防。永乐二年，复许入贡。至嘉靖中，防维益懈，奸商伺隙，流毒东南。而海道之防，于是日密。惩前毖后，势固然也。《防险说》云：浙江之源，始于黟之林历山见南直徽州府黟县。浙江实非出于此。一线之微，合流万壑，终于钱塘江之鳌子门而入海。故鳌子门者，乃省城第一门户。石墩、凤凰外峙，乃第二门户。此外无山凤凰山，见海盐县，惟羊、许独立海中，东接衢洋，西控吴淞江口，为第三门户。羊、许二山有防，然后石墩、凤凰有蔽。石墩、凤凰有蔽，然后钱塘鳌子门可守。此其大略也。沙起钱塘，东至吴淞，曾无间断。海外诸沙，亦向北而转，惟平坦延旷，故贼皆可登。是苏、松、杭、嘉四府，连壤一脉，利害安危，辅车相倚者也。今欲求钱塘无虞，当守附海之三关。欲求三关宁谧，先防大海之羊、许。但羊山孤悬大海，去乍浦太远。我舟顿此，设遇东北飓风，贼舟便捷，彼此齐驱，胜负难必。许山岙门浅狭，止可避东南之风，贼乘东北风利，我开舟击之，尝虞并驾。次者金山卫城西湾，沙涂颇软，可暂停舟。但遇东南风，亦未易出。惟海盐白塔山，去秦驻山不远，四风皆便。贼若由大洋而来，随处可击。是海盐一关，尤四面之控制也。总而言之，贼由北洋经蛇山、茶山，其患必犯吴淞，然吴淞之口北向，舟难逆出，必藉崇明等沙兵船以御之。贼由东洋经陈钱、马迹，犯宁波者，必藉衢山马墓兵船以御之。贼由南洋经韭山、乌沙门犯昌国、临观者，必藉舟山、烈港兵船以御之。若由羊山直进犯海盐者，必藉乍浦、三关兵船以御之。是防海之总要也。又曰：列郡之海口，有温州之飞云、横阳、馆头，台州之松门、海门，宁波之定海大浃、湖头渡，绍兴之三江、泗门，杭州之龛山、赭山，嘉兴之乍浦、澉浦，皆倭寇窥犯之地，列郡之门户也。海洋之要害，有金乡、盘石卫之凤凰山、南麂山，松门、海门卫之大陈山、大佛头山，昌国卫之韭山，定海卫之舟山，远而陈钱、马迹山，临

海、观海卫之烈港，海宁卫之羊山、许山，皆倭寇必经之地，沿海之藩篱也。又曰：陈钱、羊山，浙、直共守之门户也。陈钱山在舟山、普陀东南大洋中。桐山、流江，闽浙相依之唇齿也。盖倭从彼国开洋，必经抵陈钱山，歇潮候风，集艘分犯。若遇东南风高，则望羊山以犯苏、松、浙西；东南风和，则望韭山、朱家尖、朱家尖即乌沙门，在舟山东以犯宁、绍；东北风和，则望大佛头、三山、凤凰山以犯台、温；东北风急，则越桐山、流江以入闽。此巡哨者所当究心也。屠仲律云：守平阳港，拒黄华澳，据海门之险，则不得犯温、台。塞宁海关，绝湖口湾，遏三江之口，则不得窥宁、绍。拒鳌子门，则不得近杭州。防吴淞江，备刘家河，则不得掩苏、松、嘉兴关。俞大猷曰：水战最难。舟在海中，收舶安否，一违其宜，则不战而自败矣。今考沿海之中，上等安否可避四面飓风者，凡二十三处：曰马迹，曰两头洞，曰长涂，曰高丁港，曰沈家门，曰舟山前港，曰岑港，曰烈港，曰定海港，曰黄岐港，曰梅港，曰湖头渡，曰石浦港，曰猪头岙，曰海门港，曰松门港，曰苍山岙，曰玉环山、梁岙等岙，曰楚门港，曰黄华水寨，曰江口水寨，曰大岙，曰女儿岙。中等安否可避两面飓风者，凡一十八处：曰马木港，曰长白港，曰蒲门，曰观门，曰竹齐港，曰石牛港，曰乌沙门，曰桃花门，曰海闸门，曰九山，曰爵溪岙，曰牛栏基，曰旦门，曰大陈山，曰大床头，曰凤凰山，曰南麂山，曰霓岙。其余下等安否只可避一面飓风，如三孤山、衙山之类，不可胜数。必不得已，寄泊一宵。若久停恐风反别汛，必不能支矣。至潭岸山、滩山、许山之类，皆围土无岙，一面飓风，亦所难避，可不慎乎。

#### ◇温州府属·乐清县

乐清县府东北百二十里。北至台州府太平县百三十里，东北至台州府黄岩县百八十里，西北至台州府仙居县二百八十里。后

汉永宁县地。东晋宁康三年，析置乐成县，属永嘉郡。宋以后因之。隋省。唐武德五年，复置乐成县，属嘉州。七年，废入永嘉县。载初元年，复置属温州。五代梁开平初，吴越改今名。旧有城，相传唐天宝三年筑，周仅一里，后废。前朝洪武六年，议修筑以备倭，不果，乃立栅引濠为固。嘉靖三十一年始用石为城，而缺其一面。三十八年，始增筑。万历六年及三十一年，皆修治，周四里有奇。编户百六十八里。

玉环山县东南二百里海中。其上旧有古城，山西北十余里为楚门山，有峡如门，广二十步，海舰由此出入。《海防说》：玉环山北隔一小港，即台州府楚门所，山联络深长，周回百里，旧有民居。洪武二年，倭贼来犯，因徙入内地，山当台、温二府之交，海寇去来驻泊之薮也。

○盘屿山，在县西南五十里滨海，明初朱亮祖袭方明善于此，其下即盘石卫。

○海县南五里。又县东十里有海渡，道出太平县。《志》云：县境之海，横亘几三百里，东起玉环山，西至象浦，皆以海为险，亦曰白沙海，以白沙岭名也。

白沙寨县东五里。有白沙岭，为水陆要害。或云，汉遣下濑将军出白沙击东越，即此。恐误。明初自玉环山迁天富北监场盐课司于此。嘉靖三十七年，贼从此犯县城。三十九年，复从台州境入犯，参将张铁大破之于此。又东二里为白沙桥，《志》云：白沙岭隘，陆走台境，水通海岛，县境之咽喉也。

章岙寨在县西章岙山旁，近海口。贼船易登，颇称险要。防御慎固，则东卫塔头，西卫盐盘，南卫黄华，北卫长林，倭船不能犯。

大岩头山在县东南海中。《海防考》：倭贼自南麂、凤凰、霓岙、蒲岐、楚门、玉环而来，俱经此山，巡哨最切。

#### ◇台州府属县·太平县

玉环山县西南七十里楚门港中，今详见乐清县。又有灵山，与玉环山相接，其峽如门，名楚门港，海舶每由此出入。《海防考》：楚门所东北海岸有鸡脐山，倭犯楚门，此为必由之道。

藤岭县南二十余里，又东南即隘顽所也，南出温州。又所东北有慢游岭，为松门之阻隘。

○南湾岭，在县境楚门所西北，有高山万仞，环列海滨，松林如织，鸟道纡回。嘉靖三十九年，戚继光追破倭贼于此。又长屿在县东北二十五里。又东曰撮屿，上有烽堠。

山门港县西南十五里。源出温岭诸山，亦曰温岭江，俗称江下，南出山门港及楚门港入海。凡海舰西去温州乐清，北趣台州黄岩，率由此舣泊。又松门港，在县东南五十里甘岙海口，出海即石塘山也。又灵门港，在县东松门卫南，东接海中鸡脐山，与松门港接境，南接楚门洋坑，下接碉樵山，又隘顽所之藩卫也，有兵戍守。又有中洲港，南出海中茅堰山，与蒲岐港接境，北出海中邳山，与灵门港接境，嘉靖中，亦设水军戍守。

○沙角寨县南二十五里。有巡司，洪武二年，设于岐头山下，

二十年移置于此。又三山巡司，在县西三十里。蒲岐巡司，在县西四十里。小鹿巡司，在县西南四十里。县东南四十里又有盘马巡司，洪武二十年设。旧皆属黄岩县，成化后改今属。《志》云：县西旧有温岭巡司，洪武元年设，二十七年，移于乐清县之苔山，后废。苔山，今在乐清县东南七十里海中。

斗桥在新河所西北。嘉靖中，戚继光屯此，与倭战，败之。又清港渡，在县西南三十五里，为三山，楚门往来冲要。

附见：

台州卫府治西，洪武五年建。

海门卫府东九十里。洪武二十年建，筑城周七里有奇。嘉靖三十二年重修，领所四，卫为浙东门户，三面阻水，倭易登泊，其救援之道，自临海、黄岩而东，有泉井、路桥、三山三道，御之于港口，又当备之于内地，盖水陆俱切也。

松门卫太平县东五十里，西北去府城百八十里。本宋黄岩之松门寨，去县百二十里。洪武二十年，改置卫，筑城周九里有奇。嘉靖中增修，领所二。《海防考》：卫东即松门港，港东岸为朱门山。又东为积口山及下洋、大陈岙诸处，外即大海，直抵日本。北往化岙、龙王堂、鲤港、横门、大潭、深门诸处，与新河、三汊港接。南往鸡脐、钓棚、碉礁、鹿头、片屿、骊洋、邳山诸处，与灵门接。海内小山最多，若倭贼由温州来此，竟抵城下，若自外国来，止过大陈、邳山、大鹿登岸，皆为贼巢，港内迂回屈曲，捍贼尤难也。

隘顽千户所卫西南五十里，太平县南三十里。洪武二十年建，城周五里有奇。《志》云：所北卫太平，南阻楚门，城外四面皆山，高插天表，城垣欹矮不足恃，唇齿之援，惟恃松门水军。嘉靖三十七

年，官军败倭于此。

楚门千户所卫西南百二十里，太平县西南六十里。洪武二十年建，城周七里有奇。对岸为温州蒲岐所，贼由三山、大荆趣温州，必径度蒲岐所，防守为切。《海防考》：所西北有东门港，由所城至太平温岭江之道也。沿山滨海而行，山林茂密，水港出入。又十五里为南湾，高山环海，即所谓南湾岭也。又有泥湖雜，在所南。嘉靖三十八年，贼由此入犯所城。

### 【作者简介】

顾祖禹(1631~1692) 字端五，又字复初，号景范，明崇祯四年生人，祖居无锡廊下(今羊尖乡)。父亲顾柔谦，入赘于常熟城东谭氏家，故自认籍贯常熟。少承家学，熟谙经史，好远游。壮年时在无锡宛溪(今宛山荡)讲学，自号宛溪子。明清之际，战乱频仍，家产和藏书毁于战火，生活贫困，只得当塾师度日。顺治十六年(1659)起，立志研究经世致用的实在学问，着手编撰巨著《读史方舆纪要》。他专心研究二十一史，参考100多种地方志，搜集大量的文献资料，又多次外出实地考察城郭、山川、道路、关隘、渡口，与商人、役夫、兵士交谈，纠正地理书上的讹误。

康熙十三年(1674)，南方反清，顾祖禹只身往福建，三藩吴三桂、耿精忠、尚之信起兵，入耿精忠幕府。三藩失败后，他悄然北归，应聘在昆山徐乾学家坐馆，遍览徐家藏书，继续编撰修改《读史方舆纪要》，至康熙十九年全书初成。康熙二十六年，徐乾学奉诏编纂《大清一统志》，邀顾祖禹参加。顾祖禹在修志局与学者阎若璩、胡渭等共事。修志结束后，他拒绝在志书上列名。后回乡继续修订《读史方舆纪要》。历30余年，十易其稿，于康熙三十一年完成全书130卷，280余万字，按明末政区分区，叙述历代疆域形

势及历史沿革，以经世致用为宗旨，着重考订古今郡、县变迁及山川险要、战守利害，突出反映各地方的军事地位，有浓厚的军事地理色彩。其中对与经济有关的城市兴废、漕运增减、交通变迁等也有论述。《纪要》对我国的历史地理科学产生了深远的影响。时人将《读史方舆纪要》与梅文鼎的《历算全书》、李清的《南北史合钞》合称为三大奇书。

康熙三十一年，顾祖禹病逝于无锡胶山，遗嘱在墓碑上称处士，表示心向故明，不仕清朝。嘉庆十六年(1811)，《读史方舆纪要》全部刻印出版。另著有《宛溪集》、《方舆纪要州域形势说》、《古今方舆书目》等。

## 海防论

(清)杜冠英

谨按:海防之策,前人言之详矣。顾时移世易,形势屡更,因革变通之方与夫扼塞据险之要,虽圣人在上,声教远被,重译来朝,鲸波永靖,然安不忘危者,文武将吏之职,矧玉环为温、台屏蔽、浙、闽咽喉。曰守曰战曰防,固不容以升平时置而不讲也。

请先以守言之:查轮船自闽入浙,由三盘、大鹿、披山外迳达宁波,设遇风信不常,由南北麂绕入三盘,过鹿西、双排,出鸡冠、里洋而下,此轮船往来之路也。汪洋大海,火轮既疾且坚,广艇、福乌兵船万难与之角逐,战既不易,守亦为难,况三盘、黄大岙、鹿西、鸡冠、披山直峙海中,无险可扼,即坎门、车首台、后皎、马道、琛浦、大麦屿、梁湾、小叠等隘,虽有山岭可恃,但兵愈分则力愈薄,顾于此则失于彼。莫若专守厅城,稍资把握。

夫玉环枕山为城,北门最为紧要,东西南三面结垒为营,以扼其前,中青山筑营以堵其后,沙岙岭、琛浦岭各筑小营一座,琛浦渡上下港门,凿沉石船二十艘,营船泊守其中,楚门屯列陆兵以为援应,粮道即固,后路亦坚,守城者得以专心致志,无后顾之忧也。或曰玉环系温、台藩篱,今弃外洋而不守,自撤藩篱以资敌也。曰:否。今沿海形势,以广东为首,长江为腹,天津为根本,牛庄为后路,闽、浙、燕、台各口皆属手足耳。以浙江而观,定海为首,宁波为腹,乍浦为后路,温、台为手足。玉环特一隅耳,番奴无所利焉。况

彼所恃者洋面,我所恃者陆地,势不能不舍我之短以制彼之长也。

所谓战者何?即如明时倭寇、闽盗蔡牵豕突狼奔,为沿海地方之患,靖海之法利于战。查南北麂、三盘、两岙群山环绕,嵒屿绵长,盗得之可以为巢,我得之可以堵守,此必争之地也。似宜饬派温中游击率领大队师船分防驻守黄大岙、坎屿山,派令守备一员,督带师船数艘以助声援黄门、坎门。玉环参将驻扎其中,师船分布梁湾、鹿西、车首头等处;其寨头、鸡冠派玉环守备分带师船驻守,巡哨于大鹿、披山;至石塘一山,亦为冲要之地,宜派黄岩右营游击督率师船分哨于临门、大鹿,毋分畛域,声息相通,则势如常蛇,击首尾应,击尾首应;而以温镇移驻黄华,居中调度,何处吃紧,统领师船援应尾追,使贼船无樵汲停泊之区,则不战而自遁矣。

所谓防者何?查永嘉之石子岙、太平之石塘,藏聚奸民,时出为匪,或六七人一船,或八九人共艘,依山傍岛,伺劫商渔;又有福建白头舸船,牌照枪炮俱备,装载货物,有利则为商,折本则为盗。必须仿照长江水师章程,分段设防,或克有济。查黄华关为温郡门户,与石子岙、黄大岙、乌星、小门相距咫尺之间,应令温左游击衙署移驻黄华,则歧头、黄大岙、小门、坎屿一带可期安靖。查该游击专辖瑞、玉、永交界洋面,移驻黄华,缉捕最便。至南北麂、三盘,各派温中营船二号,专驻温标守备一员;小门、梁湾、马道、花岩浦、寨头、鸡冠诸山,饬令玉环营船常川驻守,而以玉环右营守备衙署移驻坎门,其石塘、灵门等洋,专派黄标守备一员,带领师船四号,一防灵门,二防石塘,每月与玉环营各派哨船一只驻扎披山,以保渔民纲户。仍饬温、黄各标将弁每月出洋会哨一次,专司督查,设有怠惰疏防,唯该管营弁是问。以上守战防三策,不过据目前形势而言。明臣卢象升曰:“行军变幻,顷刻靡常,但神而明之,存乎其人。”是在文武将吏之有实心者,庶几有实效耳。

又按:同治十三年,台湾生番拆抢日本遭风船只,伤毙难民数

人，兴兵拘衅，几致失和。查玉环屹立海中，岛岙杂错，中外商船来往必经之路。光绪三年，杜冠英于编查保甲案内明定章程：凡有中外商船遭风搁浅者，饬令就近岙长率同居民一律保护，遵照福建巡抚丁日昌奏议，救护难民一人，赏洋十元，打捞货物寄顿公庙，一面报官查验，按照货物给赏三成之一。如系外国商船，报官禀道，照会领事，会同勘明给赏。倘敢乘危拆抢，以及隐匿货物，照盗例分别加等治罪。每年发贴条示，俾众咸知。此亦防末然弥边衅之一策也。附录于此，守土者宜留心焉。

**【注】**海戍始于东汉。《图经》：汉会稽郡，海有楼船。后阳嘉中，又诏沿海益屯兵备盗贼。海上之有戍盖自汉始也。宋建炎南渡，渐严禁防，温有十三寨，今隶玉环者三：曰梅岙、曰鹿西、曰小鹿。《乐清县志》：梅岙在玉环城北，鹿西在盘石之南，小鹿在坎门东北；宋时皆隶乐清。元以亦怯烈一军戍温处。《元史世祖本纪》：至元十八年，置镇边万户府控制日本，敕征日本回军后至者分屯沿海。二十七年，平章不怜至带言浙东地极边恶，以亦怯烈一军戍温处，水战之法，旧止十所，今择濒海沿江要害二十二所，分兵阅习，伺察诸盗。明初沿海设卫所，造战舰。《续文献通考》：明沿海卫所每千户所设备倭船十只，每一百户船一只，每卫五所共船五十只，每船旗军一百名，春夏出巡，秋冬回守。《明实录》：洪武五年，诏浙江濒海诸卫改造多槽快船以备倭寇。又增置巡检，遣将练兵。《省志》：洪武二十六年设馆头、蒲岐、小鹿、沙角巡检。永乐十四年遣将练兵海上。按：小鹿、沙角今隶玉环。嘉靖时倭大集浙境，乃设四参六总领兵会剿。其时楚门诸海口俱列管分哨。《筹海图编》：春汛、小汛，先期一月将各道兵士督发各海口要害之处，如在温州者，出楚门，出金乡、盘石等处安营操练，与兵船相表里，以为防守万全之计。《万历绍兴府志》：哨探之规，各区官兵分拨小哨叭喇、唬纲船，轮

流逃出外洋，往来哨逻，仍与邻近兵船交相会哨。烽堠拨军瞭望，遇有警急，通行飞报。其沿海烽堠台寨置立循环哨筹，每日南北各递发一筹，彼此循环，逐墩递送，传报声息。《两浙海防类考》：楚门所游门堡隶松海关，信派哨官一员，部领兵船八只，东南与金、盘、黄、坎门，东北与派牌各兵船会哨，复设南洋游兵，择委将官，驻泊此处并坎门，督率总哨各兵船巡哨，遇警应援。又左总住扎于此，分哨水桶岙、洋坑各等处。然沿、海列屯，原以固门户卫堂奥，而论防御之法，则莫如外哨披山一带。《府志》：府境沿海袤延五百余里，应防港口无数，其最大者三：首日温港之黄华，次日瑞安之飞云，平阳之江口，又次日南与闽界之镇下门。岛屿纷错，外多深洋，其可泊可巡可作壁垒藩篱者，三盘、东洛、霓岙、黄大岙、南麂、南龙、凤凰、官岙诸山，尤扼要者，新设之玉环城也。使贼不大内洋。其次若大鹿、小鹿为海舶必由之径。《府志》：明时，黄华兵船哨守横坎门、双排、大鹿、分水、楚门、漩门一带。若鹿西为外海要冲，是宜防。《两浙海防类考》：明时，左哨领哨官一员，统领兵船泊守麦园头海洋，专哨鹿西、双排、大鹿、前山一带，北与松门关总哨、南与本游右哨各兵船会哨援应，本总及右哨并防黄华关。其为玉环门户者，则有若坎门、车首头、梁湾、西青屿；又有探浦为江南隘口，礁头当长屿首冲，是宜防。《两浙海防类考》：嘉靖三十一年，贼船泊梁湾，突犯乐清石码、蒲岐、下堡等处，派黄华关总哨官，部领兵船二十一只哨御，北与台州塔山，南与飞示关总哨，东与中游总哨各兵船会哨。凡此皆控制其要害。颜师古所云“在我为要，在彼为害”也。《省志》：雍正二年，为请更闽浙等事，题改盘石营为水师，将温州海汛自南而北分为四段，中段以北一股，南自温镇左营白脑门海汛接壤，起霓岙、三盘、长沙、黄大岙、大门、鹿西、双排；北至鹿西、横址，与盘石营海汛交界止，归温镇中营管辖。其北洋一段，南自鹿西、横址与中营海汛接壤，起大岩头、梁湾、黄门、坎

门、乌洋、大青山、小青山、茅岘山、方江屿，北至车首头，与黄岩镇标海汛交界止，归盘石营管辖。雍正六年，为敬陈查复浙洋等事，题设玉环营为水师，将盘石营仍改为陆路，其盘石营所管各海汛归玉环营管辖。况倭寇每自其国五岛开洋，乘东北风必至温、台。欲犯黄华，必由披山、大鹿、黄大岙而入。《两浙海防类考》：黄大岙系黄华关直冲，嘉靖年间派旗牌官一员，部领兵船一十只，专随参将屯泊于此，往来南北督哨，遇警并力援剿。其轮拨什兵一哨，划驾唬船六只，委中哨官带领，专随本参驻泊黄大岙海洋督哨。官兵分汛防守，不足以御大举之寇。万历间议定如贼从东来，则中游黄华兵船合为一脉，驻大小横坎等处要害，以防其突犯府城。势小则分击，势大则合脉共击，势愈大则合两浙四关兵船相机攻剿。《筹海重编》：两浙形胜，大半负海。论列郡之海口，则温州之飞云、横阳、馆头，台州之松门、海门，皆列郡之门户也。守门户则堂奥自安矣。论海洋之要害，则金盘之凤凰山、南麂山，松海之大陈、大佛头、远而陈钱、马迹，皆沿海之藩篱。守藩篱则门户自固矣。胡宗宪《松海图说》：倭之入寇也，随风所之，东北风多，则至马沙门分脉，或通韭山海闸门而犯温州府。旧制合郡兵船出汛时，拨哨船伏于披山、大鹿等昼夜巡哨，遇寇警急报，合势攻剿，所谓断其必由之径也。

### 【作者简介】

杜冠英(1840~1890) 字芸生，号微三，安徽省太平(今黄山市黄山区)人。唐代大诗人杜牧之少子杜荀鹤的后裔，著名抗倭抗法名将。

少习儒，有胆识。因督办军饷和天津海运有功，保授知府衔。光绪三年(1877)任玉环厅同知。在任职期间，奉檄开垦南田海島田3万余亩，建镇海、溫台炮台12座，抵御外犯。又清积案、编户籍、

兴水利、缉海盗，振兴文教，创设玉海书院，呈请学使奏加玉环学额，政声显著，深得民心。主修《玉环厅志》

光绪十一年(1885)三月，法国人孤拔率远东舰队进犯镇海，冠英亲自指挥督战数昼夜，击沉法舰“纽回利答拉克”舰2艘，旗舰“巴麦尔”号也中弹多发受到重创，孤拔身受重伤，狼狈逃窜。清廷御赐冠英“奋勇可嘉”匾额，功加三品衔，升道员补用。

# 古文掇补

## 谱序家训

题玉环刘氏宗谱序(宋)朱熹  
刘氏谱像序(宋)文天祥  
玉环续修倪氏宗谱序(元)李期  
倪氏续修宗谱序(明)叶孔昭  
竹岗陈氏家训(明)陈钝  
下垟郭陈氏大宗祠记(明)陈璋  
江家吴氏修谱序(清)林芳  
江家吴氏修谱序二(清)张德标  
玉环徐都黄氏重修谱序(民国)黄登高

## 碑记拾遗

赵氏书塾记(元)陈高  
玉环义学记(清)张在浚  
移祀张公记(清)汤大宾  
重建城隍庙碑记(清)王廷相  
重修关庙碑记(清)姚鸣庭  
新建学宫记(清)阮元  
西青岭义冢碑记(清)张德标

诗冢铭(清)徐 荣  
 诗冢铭序(清)蔡燮昌  
 捐建学宫记(清)李树苑  
 重修玉环文庙疏(清)戴湘云  
 设立膏火碑记(清)杨 炳  
 永禁粮米浮征德政碑记(清)蔡保东  
 重建环山书院记(清)赵宝申  
 新锹永利河记(清)黄维诰  
 林公祠堂碑记(清)徐树楠  
 玉环厅题名碑记(清)杜冠英  
 重修学宫碑记(清)吕鸿翥  
 义塾碑记(清)胥寿荣  
 玉海书院碑记(清)杜冠英  
 重浚溪河碑记(清)杜冠英  
 重修关庙碑记(清)杜冠英

## 碑铭告示

龟山残碑(明)佚 名  
 奉宪勒碑(清)姚鸣庭  
 奉宪革除玉环涂税碑(清)郝玉麟  
 济理寺奉宪勒碑(清)朱 煌  
 勘验夫马章程碑(清)杜冠英  
 多宝院石碑(清·僧)山 融  
 楚门城隍庙福佑社碑记(清)戴尧仁 徐惠南  
 泗头路廊奉令勒碑(民国)江 恢  
 筏头修路碑(民国)佚 名

## ◎谱序家训◎

按:史学界认为,地方志和家谱,是当今我国史学领域有待开发的两个“大金矿”。家谱作为一种历史文献,既记录着家庭的来源、迁徙的轨迹,还包罗了地域的政治、经济、文化等史料内容,为正史所难于悉记,对研究历史具有极其重要的学术价值。

## 题玉环刘氏宗谱序

(宋)朱熹

余当仰观乾象,北辰为中天之枢,而三垣九曜,旋绕归向,譬犹君之尊而无適不拱焉。俯察坤维,昆仑为华夏之镇,而五岳八表,逶迤顾盼,譬犹祖之亲而无適不本焉。故君亲一理,忠孝一道,悖之者谓之逆,遗之者谓之弃,慢之者谓之亵。无将之戒,莫大于不忠,五刑之属,莫大于不孝,为人臣所当鞠躬尽瘁,为人后所当慎终追远,而不可一毫或忽也。今阅刘氏谱牒,上遂性源之始,下连继世之宗,明昭穆以尚嫡也。序长幼以尚齿也,列替像以尚思也,大忠大孝者而能之乎噫?世之去祖未远,向其自而懵然者,愧于刘氏多矣。

宋绍熙五年岁次甲寅春三月新安朱熹 拜撰

**【作者简介】**

朱熹(1130~1200) 字元晦、仲晦，号晦庵、晦翁，别号紫阳先生、沧州病叟。南宋南剑州尤溪(今福建三明)人。南宋诗人、哲学家。绍兴十八年(1148)进士，初任泉州同安县主簿。任满请求为祠官，潜心理学研究，四处讲学，宣扬“太极”即“天理”和“存天理，灭人欲”的理学思想体系，成为程(指程颢、程颐)朱学派的创始人、宋代理学的集大成者。

淳熙五年(1178)，经宰相史浩推荐，出任南康(今江西星子县)知军。八年三月至八月，任江南西路茶盐常平提举。任间募集钱粮赈济灾民，拟调直秘阁，以捐赈者未得奖赏不就职。宰相王淮以浙东大荒，改荐朱熹为浙东常平提举。后官至秘阁修撰、焕章阁待制兼侍讲。庆元六年卒。嘉定二年(1209)理宗诏赐遗表恩泽，谥曰文，寻赠中大夫，特赠宝谟阁直学士。理宗宝庆三年(1227)，赠太师，追封信国公，改徽国公。

主要著述有《四书章句集注》、《楚辞集注》及门人辑《朱子大全》、《朱子语类》等。

**刘氏谱像序**

(宋)文天祥

世以谱传而不能以像传，必先人勋业著于当时名于斯世，乃能留其像与谱俱永也。刘氏之宗，其以德业辉映，后先鸣呼盛矣，则若谱若像，自千百世而不朽，子孙覩先人之像，戾先人之谱，而

不兴起仰止之恩未之有也。

宋庆元元年阳月 旦  
左丞相吉州文天祥拜 撰

**【作者简介】**

文天祥(1236~1283) 初名云孙，字天祥，选中贡士后，换以天祥为名，改字宋瑞，又字履善，号文山。庐陵(今江西吉安县)人，宋理宗宝佑四年(1256)进考取进士第一名，再改字宋瑞，号文山，又号浮休道人。南宋杰出的民族英雄和爱国诗人。历任湖南提刑，知赣州，官至丞相。恭帝德佑元年(1275)元兵南侵，临安危急，奉命至元营议和，因坚决抗争被扣留，后冒险脱逃，拥立益王赵置，至福建募集将士，进兵江西，恢复州县多处。后兵败被俘至元大都，元世祖以高官厚禄劝降，文天祥宁死不屈，从容赴义。以忠烈名传后世，与陆秀夫、张世杰并称“宋末三杰”，封信国公。著有《文山先生全集》、《文山乐府》、《文山全集》等，其词风慷慨，苍凉悲壮，具强烈的感染力。流传后世的名篇有《正气歌》、《过零丁洋》等。

**玉环续修倪氏宗谱序**

(宋)李期

乐清之属，有玉环，宋高宗南渡遗玉环於此，虽系海岛，地尽美矣。兹倪氏之祖家其间，溯厥由来，监铁使大夫倪勋公投簪致仕，徒居东瓯南塘，其子姓之派寝昌寢炽，为士为贤，代不乏人，独

倪涛公刚明有守，耿介无私，抱果决之良才，蕴贞忠之硕德，於宋大观三年己丑登名进士，任职左司郎中，燕山之役，诵言其非，以阻军罢谪，而声名之垂於竹帛，炳炳麟麟。公自茶陵遁跡玉环，支延蔓衍，而倪氏之名著焉。初虽一人之肇造，今则生七於无穷。余门下生元春，号静菴，读书赋诗，树帜士林，持家谱来邀余修之，余执而观倪氏发祥之蹟、迁徙之由，梅溪忠文王公纪之详矣，余虽迈老，师弟相关，谊不可辞，敢为之绩修焉，后之人当知木本水源，不忘绩葺，庶斯谱之不朽也。

时

大元泰定三年丙寅孟春中澣 賀旦  
賜进士第告养致仕 同邑后学李期昌时氏拜撰

## 【作者简介】

李 期 昌时，宋乐清人。景定三年(1262)进士。

## 倪氏续修宗谱序

(明)叶孔昭

蓋聞氏族世系，由來尚矣，九两之法，著於周禮，图谱之局，昉自隋唐。九两谱局沦廢，漸失其統，此私家之谱所以維持乎，后先者不可不謹也。乐邑多世家大族，而倪氏居一焉。揆厥由來，左司郎中倪涛公，徙居玉环，而倪氏之名因顯於世。越四世，孙才乡公謀伯仲曰：玉环居海岛之濱，東夷入寇，艘艦來泊，歲不無驚竄二

三，盍相內地，以寧我家室焉。於是，岐阳公遷蒲岐下堡，利卿公遷長林，才乡公遷黃坭塢后。皇明洪武二十年，徙沿海居民於腹里，后有岐阳公之令裔轉遷虹桥新市居焉。其支連叶茂，循七雅傍。而交英读书賦，時優游事外，一日以家乘見示，请序於余，七觀其本支，而或紊哉。今彙修蒲岐、長林、黃坭塢、新市諸派，而綜為總圖，序昭穆，溯源流，后之賢者，以文英之心為心，則奉先以孝，睦族以義，孝義修而人道立，倫理明矣。余忝不文，嘉其有志，敢書俚言載于簡末云。

时

大明宣德九年甲寅孟春 賀旦  
永嘉三山后学叶孔昭顿首拜撰

## 【作者简介】

叶孔昭 明永嘉人。

## 竹岗陈氏家训

(明)陈 钝

一曰重本。人生本于亲，既然謂之人，自无不愛親者。由親而上推之，以至于所自出而能知孝思者鮮矣。故知有母，而不知有父，謂之夷；知有父而不知有祖，謂之眾庶。吾父墓在竹崗，祖墓在山丘，雖地理陰隔，同一本地。子孫須推吾尊尊之意，每歲輪房，遣一二人展省一交，庶見本源之思。其有富貴，能以廉祿資財，增置

祭田，上以隆祀祖，以下裕后昆。刻石于祠，某世孙、某人、某年月增置祭田若干亩，以表孝心，以启着存之诚于无已也。

一曰崇让。吾家自祖宗，素以礼义相让，尔我之称，弟不敢加之兄，侄不敢加之叔。干名犯义者，鸣鼓祠堂痛笞示戒。如事有不平，告之祖宗，白之族长。族正会集祠堂，从公剖决孰非而处分之，两下当虚心听受，毋得挟私好胜，辄闻官司府，致伤和气，如有此等不遵家训者，众共斥之。或邻里有争，亦含忍思难，不可好讼致财产业，悔无及矣。

一曰守业。吾家世业儒，今将二十世矣。子孙务守箕裘之传，毋使书声断绝。才气出群者，自当名世；才分有限者，亦得知文墨庶成。故家子弟年二十一以上，业无所就，父兄即令习治家理事，贫则学训蒙以给衣食，犹是读书家风味。切不可迫于匮乏为市井小人，游手游食，放荡流离以辱先声也。

一曰安分。吾家素守清白，而读书之外，止务稼航天稼，未尝有人衙门充当贱役及包当粮里者；是以不犯有司法度，邑称诗礼之家。凡吾子孙，当世守家训，毋恃卑贱及拖赖粮差，或将粮米窃附他人之籍以损限德。间有悖逆非为贻玷家声者，宗谱削其枝系，不许入祠，以俟悛改；仍旧习者，众以大义灭之，姑息者非孝也。

一曰务农。农者，治生之道也。工商百技既然不可为，舍农更无资身策矣。凡吾子孙要当稼穑，而衣食桑麻以至蔬果鸡豚之类，莫非种植之物，取之由已，用之不穷。《颜氏家训》曰：“能守其业者，闭门而为生之具已足。”信夫！若夫学者，农固非其所务，生亦其所当先。伊伊耕莘，诸葛耕南阳，古人云，朝出耕，暮读古人文，何害其为士哉！

### 【作者简介】

陈 钝(1387~1469) 字斯钝，号寿斋。明乐清县玉环乡竹冈

人。父陈参。钝以孝闻。正统元年(1436)进士，官行人。景泰三年(1452)吏部司勋郎中任上，赐一品服出使朝鲜，世子厚礼相赠，毫不所受，凡再进再却，朝鲜人相顾动色，作有《却朝鲜馈示诸陪臣》诗。归进文选郎中，旋乞休，迁居乐成(乐清城关)，为南郭陈氏始迁祖。著有《孝思图》、《使游录》、《全归集》。

## 下垟郭陈氏大宗祠记

(明) 陈 璋

璋，陈氏，胡公之后，古灵襄之裔也。讳撤者为温州通判，留居府城，自温之台，传之赠吏部公泳参，凡十一世，璋之高祖也，始居乐清竹岗。曾祖钝，登正统丙辰(元年)进士，卜居邑之下垟郭。成化乙末(十一年)，竹岗分隶太平。

曾祖为乐清始祖，故庙在乐清，为下垟大宗。祠设祭田若干亩，值年司其出纳，以供岁祖。璋因谓族人曰：“古人立庙，非观美也，其祭也，非为文也，有孝亲、和义、萃涣之道焉。”《易》之《萃》曰：“王假有庙。”夫鬼神至幽，不可度思，休而奉之以礼，可以假之。故惟贤者能尽祭之义。物聚则易散，散则乖，乖则忘其本矣，于是有大宗之庙。《涣》之象曰：“风行水上”，“先王以享于帝立庙”，庙以享祀也。合众支之散，咸依乎祖，所以收一家涣散之心而萃于一，使知百世之传，一祖也。然祭者荐其时也，荐其敬也，荐其美也。《礼》曰：“惟士无田，则亦不禁。”故设田以为祭，礼之需也，《易·文言》利以和义之意。

故知假庙之义，则可以观诚；知《萃》《涣》之义，则可以观仁；知和物之义，则可以观礼。诚、仁且礼，谓之备，备者，百世之名也，斯

庙之所以立也。后世此义不明，知有父而不知有祖，一身之外，视宗族不啻途人，其愧于兹庙多矣。甚者援先贤、冒右族、隆栋宇、丰粢盛，徒以侈耀乡愚，无怪乎过汶阳墓有流涕者。孔子曰：“曾谓泰山不如林放乎？”嗟，亦感矣！凡姓尚慎旃哉！

祭田面数坐处，另刻碑，因以示世守。是为序。

嘉靖庚子岁 正月 元日

十五世孙通仪大夫刑部左侍郎璋谨识。

## 江家吴氏修谱序

(清)林芳

昔者，黄帝居姬水，以姬为姓，子十二人。顾后陵始基靖民，越千余年，至太王长子泰伯，让位于弟季历，而楷仲雍逃之荆蛮，断发文身，端委而治。泰伯无子，遣武王有天下而求其嗣，于时仲雍之后已君于吴，因而封之，其后遂以国为姓。此吴姓所自防也。顾余考高辛之世，有吴将军者，是上古已有吴姓。则凡得姓受氏而欲于万年以下，溯万年以上某祖某宗，原原本本盖其难之。而况吴自周初以迄于秦，历世数十支，分派别，其于若孙，或以国为姓，或不以国为姓，乌能一一为之观缕哉。大抵源远者流长，本深者木茂。易曰：“积善之家，必有余庆。”余观世之宗族，蕃衍于孙炽昌者，必其先世有大功德于民。否则，亦善

人长者以忠厚遗后。后人休者也。吴氏得姓以来，世有达人载在国史，昭然可考。然欲指某代某大贤、某朝某显官以为家乘光，

量鱼网充栋，兔豪列城，吾知其不胜载矣。而要，观顾后之克昌，即可识其先之有谷也。岱石吴先生者，余母氏之从兄，其先祖自姑州迁于闽之泉郡晋江磁灶乡，食德服畴历年所。又自闽迁于浙之温平鹤溪乡，食德服畴又历年所。及岱石先生之父始迁至吾厅居焉，平邑去吾厅远，其族之读而贵，耕而富欤。夫善人长者为世所称道，余不能一一具详第观。岱石先生家亦既读而贵、耕而富，而且善人长者之称，啧啧人齿颊间厅。吾向未专设黉宫，癸亥岁公倡捐输而巨功吉竣，其有功于人，士者匪勘于戏。即公之行善，而族之无不奋于善也。可知，即其族之奋于善，而其祖若宗之发祥流庆，无非行善也，亦可知然。予且有以知其子若孙之亢宗绳武，无不善也。若夫，谱之作为，尊祖敬宗收族计，则纂谱者能详之，无俟余言。是为序。

大清嘉庆十九年岁次戌梅月 穀旦  
赐进士出身芷生林芳 顿首拜撰

### 【作者简介】

林芳 字光锡，号芷生。十五都楚门人。清嘉庆癸酉科(1813年)举人，嘉庆甲戌(1814)三甲第九十五名进士，选湖北武昌县知县。道光八年(1828)充乡试同考官，得人称盛，蒋侍读元溥、毕中丞至皆出其门。任满保升知州，命未下，丁母忧回籍。服阙选山西洪洞县，调石楼知县，皆有政绩。卒于官。著有《芷生诗选》等。

## 江家吴氏修谱序二

(清)张德标

昔，老泉作苏氏族谱序，谓孝悌之心可以油然而生。诚以亲亲之心，人尽有之。而不考祖宗之世系，不识支派之做分，无怪其视骨肉为疏远，等同姓于秦越也。惟合族属之姓汇为一帙俾，同条共贯，之义开卷了然。能无慨然而悟本之宜敦，悠然而思族之宜睦乎？吴氏之世系源流，祖德宗功具见于各叙传中，余可免赘。惟余前后珪玉约计三载，于兹仰观人才之盛知由。

文庙兴焉，览案而稽其创。乃自岱石吴先生始顾后，询其祖之所自昉，知其基于闽之泉州晋江磁灶乡。适遇崇祯之世，洪夷谋叛，公同兄五人自闽迁于浙之温平居焉。迄今世远年湮，食德服畴，亦非朝夕矣。其或自平迁于泰顺、福鼎、瑞安之邑，其徒台郡太之坞根、玉环芦岙之双屿楚门者，烟火不下数百家，于以观子孙之炽昌，亦可知祖宗之仁爱也。仁爱者，何孝悌是已于戏？当其盗贼繁兴，人民散乱，公与昆仲远遁千里，创业于兹，亦几经艰难风雨矣。而朝耕暮读，协力同心，亦可度其兄友弟恭，竭然有孝悌仁爱之风也。茲因纂谱告成，间序于余，余谓吴乃泰伯之后，当其时兴弟仲雍让位季历，断发文身，逃之荆蛮，不雍雍然，孝悌仁爱流芳于千古者乎？人苟从事于斯，则在家为孝于慈孙，在国即忠臣良士。于以见子复生子，孙又生孙，氏族蕃衍，食报无穷，埋固不非。仅为家族计，益将兴一族之孝悌，以推于一境而达于天下，上副圣天子孝治之心，下盛先世之遗风焉。耳吴氏勉乎哉。

嘉庆二十年岁次乙亥春月 穀旦  
玉环同知张德标 拜撰

### 【作者简介】

张德标 陕西人。清嘉庆年间任玉环厅同知。捐置义山，广行掩埋，泽及枯骨。

## 玉环徐都黄氏重修谱序

(民国)黄登高

家之有谱，犹国之有史也。史所以褒贬纪贤奸，谱所以详世系别支派。朝廷立国史馆纂修天下郡邑志，而汇成一统志，凡人物详異，一切并列，以备考核於宗谱，何莫不然，顾可缺而不修哉。

吾黄氏先世之本源，系出黄帝之孫顓頊，传至陸終之後伯益，受封於黃，因以为氏焉。厥後丁口日盛，显官名臣代不乏人。传至我祖泮溪公，在闽泉州南安埔头十二都半岭。二世祖子华公偕弟子榮公，由明季自闽来迁溫、平西秦港边，来平肇基之祖。其时，二公从姪福平、桓記公與之偕来，一居仙人脚桶，一居蒲門兰壠。独是二公派下生齿殷繁，其散处異乡者甚多，如江南垟头、北港南湖、青街周嶧、江南苏南洋黄头图，以及玉环徐都、楚城、灵崑、台州黃岩、福鼎河坑毛风坑等处，皆子华子榮二公之嫡派，绵延至今，十有余世矣。前嘉庆己卯年树兰树畴公始修同治己巳，步驚步燃公继修光緒乙未，登留財等小修，迄今又二十余载。所以年愈远

则事愈湮，人愈繁则支愈杂，设不重加翻旧增新，势必阙漏莫考。

丁巳春，族之长幼与之坐谈，谆谆以修谱为词，余嘉其意，复以委余首倡。余思事关一族，遂难旁谢，与从姪晋卿商议增修，即命江南苏昌典、昌洁二姪孙，取旧谱而检阅寻查，到处缮写，疑者阙之，实者录之，棋布星散者更揭贴而招来之，凡经两载而成帙。遂延莒溪吴焯三刘君伯绪，梓辑分藏各派，然则是谱之成，不敢自谓明备无遗，远过往者，亦只上承先人之遗意，从而演述之，以告无罪於祖宗云尔。是在后之贤子孙继起而重修较正焉幸甚

哉

民国八年己未七月望日南湖十一世孙登高谨识

#### 民国八年己未重修宗谱与事名录

督理 北洪南湖十一世孙崧秋登高  
助理兼监修 江南苏十三世孙昌典、昌洁  
副理 南湖十一世孙淑珊登瑚  
十二世孙晋乡康侯  
玉环徐都十二世孙仁淦  
江南官西十二世孙仁厚  
江南南垟十一世孙作武  
江南苏 十二世孙仁拾

## ◎碑记拾遗◎

### 赵氏书塾记

(元)陈 高

古之为教也，立学于国，序于术，庠于党。而家则有塾师，儒之职官之所选，置田以井授，又无甚富甚贫之民。人生于其世者，无论贵贱，皆得学，而其教人之法，自洒扫应对进退，以至于修己治人，本末精粗，无不备，是故贤才盛、礼让兴而风俗美。降及后世先王之治，晦而不明，学校之政，隳师儒之官，废井田之制，坏于是乎？惟当有力者子弟，乃得从师学业，而力或不赡，虽有俊秀之质，亦终于无成而已唉。乐清赵君士，世居蒲岐，至正甲午始迁于灵山之下而居焉，乃谋诸从子辟塾于家，延致名师，尽聚其族之子侄而教之，币帛岁膳之费，咸出于己。

赵氏故名族，支庶蕃衍，来就学者凡五十余人；而赵君新实之，弦诵之声，揖逊之容，问辩之习，济济如也。君子谓茲塾之设，一举而三善。而三善备焉，收其宗族而不遗疎，远非尊祖敬宗之义乎！训以德义而使之兴，行非敦睦九族之要乎！矜其匮乏而教之，知学非作养人才之道乎！没而不书则何以示劝(功)。若夫子弟之学于是者，循小大之序，诵六艺之文，讲明乎理性之原，审察乎义利之辨，而从容乎道德之归，可不勉焉孜孜，以母(毋)负尔父兄教迪之意哉。至正二十四年春三月甲戌记。

## 【作者简介】

陈高(1315~1367) 字子上。浙江平阳咸通里(今苍南项桥乡)人。元代著名诗人。元至正十四年(1354)进士,留任国史馆,以母老拒绝,改授庆元路(宁波)录事,次年抵任所,处理公务明察、敏捷,然州郡相继陷落,以“度时不可为”辄自免去,居家躬耕。

十八年五月,方国珍为江浙行省左丞,罗陈高为幕僚,陈隐匿不出;命为慈溪县尹,不就。次年,方明善(方国珍侄)占领温州,与平阳知外州周嗣德互斗,为免累百姓,曾出面平息。二十三年冬,周嗣德兵败,归附朱元璋。陈高不愿再陷政治旋涡,闻吴行省照磨孙安追索,将妻孥托付挚友谢泰来,弃家涉海外游,次年正月到乐清南塘,二月到玉环,客居灵山寺数年。二十七年(1367)北上山东,至怀庆(今河南沁阳),向扩廓帖木儿(河南王,太傅中书右丞相)陈述安危大计,八月病逝于客舍,四方名士哭葬者众。

陈高诗文雅洁,颇为流辈推重。明洪武初,苏伯衡访其遗集编定《子上存稿》十五卷,后经八世孙重编为《不系舟渔集》十五卷、附录一卷,收入《文渊阁四库全书》。所撰玉环诗文有《重建灵山寺记》、《刘元芳休休室铭》、《送刘仲彬序》、《山中白云诗文序》和《题刘元芳只如是斋》等,是元时期玉环历史信息的珍贵资料。

## 玉环义学记

(清)张在浚

尝思人性之善,犹谷之有种也。秉懿赋性之后,而不为引翼维持于其际,犹嘉种而不播种、废耘籽,将荑稗之不若也。是以党庠

术序,随地设施,讲学明伦,自昔为然。我朝重熙累洽,诱掖作人,远迈前古,虽遐陬僻壤,莫不喁喁然闻风而向化。惟玉环处崇山悬海,由兵燹之余,展复未久,不遑设铎。然计一十四载以来,少者既壮,弱者既冠,当文教草敷之日,一任其挟质以游,同居化育之内而独自外于礼义,可乎哉?乙未秋余莅兹土,爰捐俸薪建立义学于城之西偏,鸠工庀材,巡司石宗为之经理,为门、为堂、为斋舍、为厨湏,规模粗就,越庚申之孟夏而告落成焉,遂延士之有品学者董率课诵之。余公馀之暇,复时加勉励,庶几负末横经,日就月将,循循焉俾成人有德,小子有造,未必非鼓舞休明之一助也。是为记。

**编注:**玉环义学 即环山书院,在厅治西南,旧为义学,清乾隆四年(1739),同知张在浚捐廉建。嘉庆元年(1796),因飓风倾圮。庠生江花倡捐修葺。道光十七年(1837),坏于飓风,同知康兆晋议重修未果。同治二年(1862),同知张文藻谕绅士毛凤仪、蔡炳莲劝捐,于堂后建祠以祀张公坦熊,中间易堂为阁。同治六年(1867),同知赵宝申捐俸为倡,令衿士董思华、韩承烈等劝捐续成之。

## 【作者简介】

张在浚 三原人。清乾隆间任玉环厅同知。助兴文教,嘉惠士林。附祀张公祠以报其德焉。

## 移祀张公记

(清)汤大宾

玉环山处海外，当温、台之间，为前明所废置。我朝圣圣相承，休养生息，厥土效灵，石田多成沃壤。雍正五年，制府李公题请展复，其时来治兹土者张公坦熊也。披荆斩草，辟地十万亩，招徕之民以数万计，则壤成赋，建营设汛，俯仰有藉，捍卫有资，凡所以为民计安全者罔弗尽。迄今二十余年，生聚长养，既庶且富，非张公之力，曷克臻此。余慨慕其人，常以无由亲炙为平生憾事。乾隆癸酉秋，今司马豫章曾公膺荐入觐，予权其官，获睹张公旧治。适天旱，竭力抚绥，朝不遑暮，又以五日京兆，匆匆欲去，无所措施，于张公殊有愧焉。山之地自开创后，得曾公丈定，患无版册可稽，余为核订鱼鳞，以副张公未竟之志。先是士民奉张公祿位于城隍庙后庑。余见其地湫隘，移祀环山书院，以昭诚敬。呜呼！事不难于观成而难于创始，今张公往矣，而馨香尸祝有如一日，张公之立心行政不与斯山同不朽耶！张公，汉阳人，官至滇南观察使。为之赞襄及为予治册者，山阴太学生平文灿。是为记。

**编注：**张公祠 在环山书院讲堂后。祀前任同知张坦熊，三月初七日致祭。旁附历任贤司牧禄位。乾隆间，同知汤大宾由城隍庙后进，移张公神位于环山书院。同治三年，同知张文藻建祠今所，凡三隘。

巡检杨馥《谒张公祠》诗：重重皇树俯祠阴，人颂神明直到今。

一夜天开河百里，三年手散囊千金。城须可运憎饶舌，盗且无欺见本心。喜有男儿南八在，肯判衰老吁纶音。

### 【作者简介】

汤大宾 江苏常州府武进县人。清乾隆十八年(1753)任玉环厅同知。

## 重建城隍庙碑记

(清)王廷相

玉环建治海疆，为温、台锁钥，全浙门户，城池之寄，职守綦重。创制之始，曲费经营，凭山筑城，东西青岭为之辅翼焉；疏泉为隍，天开河渠为之支派焉。层冈叠谳，耸峙于洪波巨浸之间；绿野青畴，错绣于西岙东涂之内，绵直七百余里。展复四十余年，生聚日以繁庶，物产日以丰盈，教化日以浹洽，治具日以周详。此固仰赖圣天子至德覃敷，是以版图日扩，山陬海澨得安耕凿之常，蔀屋茅檐，咸获盈宁之庆。然而御灾捍患，福善祸淫，夫固有默为相理者，以与守土之官同其职任，其惟城隍之神乎！幽明虽异，惟期保障斯民；灵爽式凭，忍令飘零不振乎？粤稽城隍庙建自雍正丁未岁，灾于乾隆甲申秋。今年春余奉檄署篆兹土，始至之日，行展渴礼于草茅瓦砾之中，因亟图鼎新之，乃捐俸以先，而委巡检经理其事焉。境之士庶愿助垂成，或输金，或献力，鸠工庀材，不两月而功告竣。计新构大殿五间，东西横厢六间，门庭五间，前后应增应饰之处，以次规画，广其旧观。呜呼！非神之灵，不能感动士民若斯之

速，而非士民敬神之诚，当亦不能集事若斯之易也。玉环建治虽在海疆，城郭祠宇仓库府库衙署之属，较之荒州僻邑颇称完备。顾前人既已任其创制之劳，后人不复修其废坠之绩，不惟无以对神抵，亦将何以报前哲？今予幸观庙貌之重新，益以卜金汤之永固，行见山辉泽媚，毓秀钟灵，亦将有藉于神力者岂浅鲜也哉。是役也，余虽为之创，而克襄厥事则候补县丞管巡检事之马莲也，分其任者则董事之士庶商民也。因为之记。

**编注：**城隍庙 在中青岭岭下，厅治东。展复时建，乾隆间毁于大火重建。每岁常祀外，二月二十二日寿祭，鼓乐敬神。楚门、桐林皆有庙。

#### 【作者简介】

王廷相 清乾隆二十九年(1764)任玉环厅同知。

## 重修关庙碑记

(清)姚鸣庭

忠义贯乎日月，威灵澈乎幽明，封典加隆，号尊无极，关圣帝之崇祀于天下也，猗欤盛矣。玉环为悬海之岩疆，据山之要地，自雍正五年展复设治，前辈张男祥先生经始营建，即专立关圣庙于府治之西，以奉祀焉。余于嘉庆二年春来守是邦，诣庙展礼，见栋宇垣墉倾圯殆尽，询之衿耆，则自建庙崇祀以来，海无不平之波，山无不旬之隙，民安物阜，仰荷灵庥者七十余年矣。海滨之区，风

潮时作，而缮葺不加，此倾圮所由来也。夫昔人辟草剪荆创建崇规以昭兹来许，后之人不能因功加美焉，甚非守土者之所宜然。况夫泽被民生，灵昭奕禊，尤宜庙貌维新，以仰副圣天子供奉崇祀之意者哉。予于是备文详请国帑，购料兴修，文武同城绅耆士庶咸以工程浩大，愿各捐资以勦厥事，而董事陈廷国、陈亭阶、李登甲、朱文标等趋赴公所，经营奔走，尤为殚竭心力。工作于四年之春，暨冬十月而庙成。堂寝辉煌，殿宇轮奂，其于始建之规模虽未有加，当亦可复其旧。玉环僻在山陬，庇材不易，非有同寅协恭之雅，士民乐善之诚，奚能不数月而成此钜工哉！是用志之以示来者。时嘉庆己未十月中浣容台姚鸣庭记。

**编注：**关帝庙 在永清门外演武厅西。雍正间，敕封忠义神武大帝，又追封三代公爵：曾祖光昭公、祖裕昌公、父成忠公。乾隆三十年(1765)加封灵佑二字。嘉庆间，加封仁勇二字。道光八年(1828)加封威显二字。咸丰元年(1851)，加封护国保民四字。每岁春秋致祭，礼仪祭品俱照先师。五月十三日寿祭，牛一、羊、豕一、帛一，用果品，不用笾豆。雍正五年，同知张坦熊建。光绪四年，同知杜冠英同参将郑鸿章捐俸为倡，大加修葺。塘垟、密鷺、小水埠、楚门、田岙、竹冈、鸡冠各有庙。

#### 【作者简介】

姚鸣庭 嘉庆六年(1801)莅任玉环厅同知。治尚严肃。时闽盗扰海滨，鸣庭亲率战舰督团丁缉捕，获盗首数名，海氛始靖。继乃作养人材，请建学宫，加文武进额。士感其德，设禄位于张公祠。

## 新建学宫记

(清)阮 元

玉环在温、台二郡之东南，旧属太平、乐清二县，明以前无可纪，唯见于王忠文公之诗。雍正五年始分割其地，升为厅事，专隶温州。嘉庆龙飞元年，余秉节抚浙，采风之余，知其习俗丕变，因于八年二月会同学使者诸城刘少司马鋐之具奏，请增设学校，并加取进弟子员额文八人、武四人，又量设廪膳增广生员八人，以示鼓励。蒙旨俞允，乃选温州府训导分驻其地。盖玉环自初入管辖，以暨乾隆二十年间，始录文士之秀，至此风气已历三变矣。命下之日，士民欣跃，爰诹吉地于南门之左建立学庙，门殿庑室靡不完固。同知黄秉哲莅任，始终勤事，爰于九年五月二十九日落成，列牍请记。于是为之铭曰：“东海之滨，地尽两戒，青青子科，以劳以来。率仁而亲，率义而爱，入则横经，出则负耒。昭著新德，乃立黉宫，俎豆斯秩，鼓钟攸同。方领矩步，敦行饬躬，圣训广被，慕义无穷。文教既宣，武功自肄，么魔跳梁，乃甘自弃。奸宄不作，保甲维寄，鶗鴂可怀，既除既治。匪伊献馘，亦降其魁，泽宫之地，云汉昭回。咒觥不设、泮璧乃开，海不扬波，棫朴呈材。”

**编注：**学宫 在厅治东南。嘉庆六年(1801)，绅士戴全斌、沈兰、吴屏藩、吴钟英、陈在溶等呈请捐建，同知姚鸣庭详请巡抚阮元、学政刘鋐之题准建造，九年落成。平地崇基，环以宫墙，中为大成殿，东西翼以两庑，南为大成门，门外左为名宦祠，右为乡贤祠。

前凿泮池，驾石为桥，前为灵星门，门外左为“德参天地”坊，右为“道冠古今”坊，大成门内东隅为更衣所，又为碑亭。

### 【作者简介】

阮 元(1764~1849) 字伯元，号云台、雷塘庵主，晚号怡性老人，扬州仪征人。清代嘉庆、道光间名臣。他是著作家、刊刻家、思想家，在经史、数学、天算、舆地、编纂、金石、校勘等方面都有着非常高的造诣，被尊为一代文宗。祖父阮堂武进士出身。父阮承信系国学生，修治《左氏春秋》，为古文大家。母亲林氏也出身于士宦之家，通晓诗书，有修养。

阮元5岁从母学，乾隆五十四年(1789)廿五岁的阮元中进士，入翰林院任庶吉士，次年授翰林院编修升任少詹事，入值南书房、懋勤殿，迁任詹事。后提督山东学政，撰成《山左金石志》24卷，对山东乾嘉之际金石学的兴盛贡献颇巨。后历任浙江学政，仁宗嘉庆三年(1798年)任户部左侍郎，会试同考官，未几又赴浙江任巡抚，抚浙约十年。在任期间，除吏治军政之外，又纠合文人，编书撰述不辍。嘉庆六年(1801年)在杭州建立诂经精舍，聘王昶授词章，孙星衍授经义，培育英才。以嘉庆十年丧父服除，任职兵部，又先后出为湖南、浙江巡抚。在浙江巡抚任上，政绩颇多。

嘉庆十九年(1813年)调江西巡抚，因捕治逆匪胡秉耀有功，加太子少保，赐花翎。嘉庆二十一年(1815年)调河南，升湖广总督。二十二年(1816年)调两广总督。廿五年(1820年)在粤创立学海堂书院。道光元年(1821年)阮元兼任粤海关监督敢于经售鸦片者予以严办。道光六年(1826年)迁云贵总督，道光十五年(1835年)召阮元回朝，拜体仁阁大学士，管理刑部，调兵部。道光十八年(1838年)因老病致仕，返扬州定居，道光帝许之，给半俸，临行加太子太保衔。道光二十九年(1849年)卒于扬州康山私宅，

谥“文达”。入祠乡贤祠、浙江名宦祠。

## 西青岭义冢碑记

(清)张德标

为捐置义冢山地以免遗骸暴露事，窃维掩骼之仁泽及枯骨，乃王政之本源，古今一体，本官守土者，末有不籍然神伤心存恻怛者也。本府自莅玉环，将满六载，目击山陬棺椁毁坏，朽骨抛残，深以一时无地，怅触久之。兹据绅士董振国、姚炯场、朱基、李树苑、陈隽、林青阳、潘逢源、苏海、林秉植、金铭、潘得癸、董思襄等禀称：前任张公于中青岭头向置义冢一所，历年埋葬过多，绝无半弓余壤，吁请谕令各殷户公买课山更置义冢等情前来。因思劝谕捐资，究非追步前任芳踪之善举，本府当经自行捐廉，置买西青岭之田螺峰下大坑里山地共八冈有零，凡民间无主之家及客死无归者，听其瘗埋入土为安。除一面批示饬房粘同山契字号四至汇列卷宗，并备文详明温处道宪立案外，为此勒石示禁：居民毋得于义冢界内开垦、采砍山树、栽种薯藤杂粮及牛马作践，致干惩治，庶使夜台安乐，幽谷长春，以垂久远，各宜凛遵毋违。

编注：清雍正六年(1728)，同知张坦熊于中青岭头置义冢一区。嘉庆二十四年(1819)，同知张德标捐廉置买西青岭田螺峰下大坑里山共八冈有零以为义冢。由是暴骨均有所归。

## 诗冢铭

(清)徐 荣

铁孙子生南海，官东西浙，中间游迹所历，吴、楚、秦、赵、齐、鲁、宋、卫、陈、郑之间，耳闻目见，身之所接，心之所游，一于诗乎寓之，而不欲以诗鸣乎世之人。道光岁丙午五十有五岁，知玉环事，民淳政暇，乃始芟茸所作为《怀古田舍集》廿九卷，慨然曰：玉环海外山也，歧路四断，不与世通，盍以寄吾诗乎？姬月大手录一部，以丁未花朝坎而藏之，自为铭书西青溪石上，后五百年去此石东北九百步，夜有光熊熊起者，为我发而传之。铁孙子姓徐氏，名荣，汉军人，丙申进士。铭曰：元音之发，于人为诗，古人偶得，我亦遇之。世华輶輶，敢荐明水，潜俟古心，勿竟今耳。环山之阳，夜生海光，后五百年，此诗其昌。

编注：诗冢 同知徐荣埋诗之处，勒石于西青山麓，自为铭焉，究不知所在。

### 【作者简介】

徐 荣(1792~1855) 原名徐鑒，字铁孙，号药垣，又号梅花老农。书画家。清广东驻防汉军正黄旗人。与龚自珍交善，唱和甚多。道光科(1836年)二甲第十七名进士。曾任直隶(今河北省)藁城县训导，由临安县知县升授玉环厅同知。道光二十五年(1845)八月应帝召，谕以海疆事宜、治民要务，退而赋《纪恩恭衍》诗纪其

事。次年刻诗琛浦寿星山麓。又作忠、孝、勤、俭、让诗五首，刻一都打石仓山麓和二都三合潭南山半岭石牛脊。每肩舆出乡，即景赋诗，积而成帙，编成《怀古田舍诗钞》三十三卷。尝于西门外西青山深谷中掘地作冢，埋诗其下。嗜石癖，选拾奇导，备系以诗。精书画，善事梅，笔力挺拔，识者比之郑虔三绝。著《怀古田舍梅统》，咸丰二年自序成书。道光二十八年升任绍兴知府。咸丰二年(1852)调署杭州。复署杭嘉道，六年选福建汀(州)漳(州)龙(岩州)道。死难渔亭。事载《浙江忠义录》。

## 诗冢铭序

(清)蔡燮昌

丁未秋，玉环风腿水涸，物被漂淹十之六七。余忽感西青溪徐公诗冢铭石，未知存否？往觅其迹，竟没其石，为之恻然。诗人欲明心迹，非其地奈何！旋询同学门人，有录其诗序者，易其地以重勒之。庚戌夏，有同人钞其铭送阅。余略叙其委，仍书其文，改镌考棚，以备后学之探访焉。

### 【作者简介】

蔡燮昌 归安人。廪贡生。清嘉庆、道光间任玉环厅学训导。

## 捐建学宫记

(清)李树苑

玉环展复之初，招集邻邑居民，规模草创，文教未兴，习举业者俱回籍应试。乾隆乙亥，厅人潘光辉等请设玉环考试，经抚宪周公题准开考，设生员学额文四武二，附入温州府学，盖学校尚未专设也。至嘉庆癸亥，朝廷允抚宪阮公之请，起建学宫，移设教官，增置学额。命下之后，建学宫于厅治东南，鸠工庀材，创兴如制，逾年而功始成。当末建以前，呈请捐建者戴全斌、沈兰、吴屏藩、吴钟英、陈在熔五先生也；始建之时，相与倡率士林筹捐兴建者，则又有晴峰江先生也。众力举擎，共成厥事。数年之间，家弦户诵，士风蒸蒸日上，且有领乡荐、捷南宫、干云而直上者，是皆圣天子作养之恩，与诸明公振兴之赐，而吾乡诸前辈何尝不与有力焉！今质孚江师宾先生，恐诸君之久而无闻，为镌姓名于石，以垂久远。而凡与董其事及各捐户附焉。人谓先生之用意亦良厚矣。然则诸前辈赖先生而传，又安可无以传先生者？众乃属余记之，余遂不揣谫陋，而述其颠末如此。

编注：学宫 清道光十七年(1837)，坏于飓风，绅士陈在溶等集捐重修。

### 【作者简介】

李树苑 字西园。居十一都西青岙(今属城关)。岁贡生。天

姿明敏，学有本源，精举子业，尤长于古文。晚年讲学于乡，从游者多受益。

## 重修玉环文庙疏

(清)戴湘云

国家振兴文教，莫重于学校。我玉环屡复之初，尚未建学，自嘉庆八年衿士呈请捐建，厅宪姚公达于上台，奏诸天子，得旨俞允，即于是年起建文庙，堂室门楹悉如规制。嗣是厅宪杨公、金公又迭次兴修，盖以地处海隅，狂飈时作，宫墙倾圮故也。兹者风伯为灾，飘摇更甚，墙垣几无完好，两庑亦就倾圯，厅宪学师谆谆劝谕，期于修整。窃惟今日之事，较前次为难，而兴工则较前更急，凡我同人，宜踊跃输将，共襄厥事，庶几庙貌聿新，丕焕文明之色，宫垣永固，重培灵秀之基，我玉人有厚幸焉！

编注：清同治三年（1864），飓风毁东墙，训导陈春晖令诸生捐修。

### 【作者简介】

戴湘云 字菊坡。居十四都蒲田。嘉庆岁贡生。学问淹博，文词典雅，性又慷慨好施，尝出粟赈饥。同知陆玉书深契之，每造庐相访，唱和终日，有访戴诗，比为荆溪安道。太平名进士黄濬寓书于人，又比之周茂叔、李延平，其见赏名流如此。道光十七年（1837）作《重修玉环文庙疏》。

## 设立膏火碑记

(清)杨炳

设立书院膏火事：查玉环孤悬海外，自立书院以来，未有膏火之资。今本分府莅任，卷查前任徐详新任内新垦荒地除坪升外，其余畸零不成畦亩酌收租谷拨义学充公，未蒙立案。本分府筹议再详归大义学束修膏火二百四十千文，稟道立案，不归交代不列捐摊，奉道宪庆批：“据稟垫给义学膏火缘由，已悉，仰即随稟立案”等因，本分府遵即酌定章程，开列于后：

一、每年共钱二百四十千文。山长束修八十千文，生员膏火一百千文，童生膏火六十千文。

一、课期定十个月，自二月起至十一月止，每月初二日为官课，十六日为师课。生员每月膏火十千文，童生每月膏火六千文，遇闰月不给膏火，但给奖赏。

一、月课膏火随官课取定等第照给。如师课无故不到者，扣除膏火。生员超等五名，第一名膏火一千文，余每名七百文，计钱三千八百文；特等八名，每名四百文，计钱三千二百文，壹等十五名，每名二百文，计钱三千文；共钱十千文。童生上取六名，第一名膏火五百文，余每名三百文，计钱二千文；中取十名，每名二百文，计钱二千文，次取二十名，每名一百文，计钱二千文；共钱一百六十千文。如人少额多，膏火钱文有余，另立公簿逐月存储生息，为将来添立膏火之需。其未能得膏火者，生员附壹等后，童生附次取后，下课文字若佳，当前列，毋自懈怠。

一、膏火随课升降，以昭激劝。

一、生员超等特等，童生上取中取，现虽酌定名数，仍以文字之优劣定名数之多寡。

一、课限四日交卷，逾期不阅。查各处月课，均以当日交卷，玉环因山海阻隔，是以宽期，以示体恤。

一、钞录旧文，即当时未及查出，嗣后仍当追回膏火，另行存储。生童等自爱，毋相欺也。捏名同。

一、膏火于师会批发时由书院山长给领，交卷、收卷亦由书院为准。

一、官课奖赏本厅另行捐给。

一、每月两课，卷本由礼房先期备齐百本，送院盖戳，候诸生领给膏火时，于每百文中抽钱四文，共钱六百四十文以作备卷之资。

一、存储膏火钱簿，议定城乡首事二人经管，于每年之终算明共存若干以便次年生息，其息每年一分，如遇公用即为应付。

一、存储之款，俟有成数，即可买田或妥当生息之处，以待宾兴之举。以上十二条规，现系初定，如后能捐助义学，俾得增添膏火，培植文风更有厚望焉。

**编注：**碑文记述束修膏火经费附岁修经费。道光二十九年（1849），同知杨炳查前厅龙、徐二任，详请新垦涂田，试征船升额谷内拨大义学以作经费。

### 【作者简介】

杨炳（？～1861），字子萱。江西建昌府新城（今黎川）人。历任浙江仁和、缙云、永嘉、秀水（嘉兴）、平湖知县、乍浦同知，俱有政声。清道光二十九年（1849）调署来任同知。时书院废驰，炳筹

拨公款置备膏火，给发月课，生童刊刻章程立碑，以垂久远。后叙海运劳，以知府升用。咸丰间省城陷于太平军，与妾张氏同殉。

## 永禁粮米浮征德政碑记

（清）蔡保东

玉环为滨海斥卤地，圣祖仁皇帝罔泽覃敷，垦辟伊始，殖田畴则三壤兴，锄利口乃亦有秋，盖司牧者推诚保赤，抚字心劳，俾海岛遐陬乐其乐而利其利，二百（年）于兹矣。十七都黄大岙，厥土涂泥，硗瘠倍他处；而民俗懿谨，惟正之供，踊跃以输罔敢后。里肯叶万春，以其民之愿而懦也，遂为罔取自肥计，征收粮米，逾额苛索，计户不问贫富，常例外每户浮加米五升，复加私费钱一百八十文，贫民弗能履其欲。数或少绌，辄假逋抗以罪之，亭长州役互为朋比，隳突叫嚣，几无休息，苦况有不胜缕述者。地去州廨四十里，涉海登陆，控诉维艰，隐忍受累者有年。里之耆老与绅士谋，恐其习以为常，而久且益甚，爰合词以吁于前权州牧白公，请剔除淄蠹苏民困，公俞其请，谕里胥毋踵前辙，适白公升任，卸州篆，令张公来莅事，勤恤民隐，亟示严禁，平概收纳，弊端以息，比户相庆，耆老复请立案刊石垂久，庶猾胥不得复肆其毒，而小民子孙世服先畴，永受官长之赐。既得请，乃属东为之记，东谓圣朝子惠下民，田赋轻于什一，甄殷陶周，超越往古，官吏奉公守法，无掊克于愚百姓，而愚百姓铚穀粟米，酬圣恩于万一，靡顽弗驯，靡扩弗恪，贤大夫承流宣化，厥惟懋哉。二公廉察，剪秕政，康田功，嘉惠为不朽矣，东同族栎居斯岙者，获悉其事，且幸顾德之旁逮也，不敢以不文

词，谨摭其略，书以勒诸石。

大清同治二年岁次癸亥十二月谷旦  
己酉科拔贡己未恩科举人乐清蔡保东撰  
乐清监生周鸣阳书

编注：碑置大门镇岙底村太阴宫内。清时黄大岙属玉环厅辖十七都地。

#### 【作者简介】

蔡保东(1829~?) 字子厘，号紫来，一号梅阁。清道光二十九年(1849)拔贡，清咸丰九年(1859)举人。同治间温处道员方鼎锐聘为记室，传著有《梅阁集》。

## 重建环山书院记

(清)赵宝申

先贤有言曰：“百工居肆以成其事，君子学以致其道”。设书院以课士，亦居肆成事之意也。拔其才俊，既有激励之思，较其艺能，又得观摩之益，积之岁月，鼓舞振兴，而人品出其中，科目亦出其中。盖学校所以培养人材，而此更足广学校之所不及，所关至重且钜，守土者恒于此兢兢焉。环山书院者，展复后十有四年，乾隆庚申，前分守张公在浚所建。草创伊始，经费未筹。至道光二十九年，

前任杨公炳始拨涂田之畸零者，征其税为修脯膏火之资，岁以为常。惟栋宇久已失修，半就倾圯，负笈而来者不堪栖止。同治癸酉，前任张公文藻劝捐鼎新，后建平屋三楹，为谋画展复张讳坦熊公祠，中间易堂为阁。旋受代去，工未及半而止。越三年，余莅斯土，公余往观，窃叹不急为庶厥事，则风雨飘摇，前功尽弃，良可借也。为是谋之本学广文陈君春晖，另选董事董思华，韩承烈等各乡劝捐，余亦捐俸为倡。鸠工庀材，于大门略加修葺，东西斋舍易五为三，中为文昌阁，阁下为讲堂，堂后为张公祠，东北有庖，西北有庖，卑者高之，隘者广之，凡一切门壁窗棂上隔下板阶砖砌石，悉以装构完固。经始于丁卯七月下旬，越二月而工竣，计用钱壹千余缗。远近来观者金谓费廉功倍，气象一新、规模整饬，视前加轩广焉。抑余犹有未慊意者，环山孤悬海外，老师宿儒足迹罕至，土瘠民贫，家鲜藏书，而建学在嘉庆初年，从前颁发经史，此间未及，有志之士既苦师承无自，又苦闻见不广。夫十室之邑必有忠信，此间岂无秉姿敏异负过人之智者？乃自林君芷生连捷成进士，后五十余年不复有掇巍科而去者，末始非职此之由！余欲筹备项款，增厚修脯，远聘名儒以主讲席，并为广购书籍藏之院中，俾诸生奉为典型，深其考索，譬之工之在肆，圭臬可守而利器得造，以是优游乎六经之圃，讽咏乎千圣之言，晰理既明，行文自当，非特科第可以捷获，即品学不俱将进而益上哉。惜余瓜期已及，诸所不足，尚有望于后之君子。

#### 【作者简介】

赵宝申 江苏震泽人。清同治六年(1867)署玉环厅同知。修书院，停厘捐，设立教生，士民感德。

## 新 锹 永 利 河 记

(清)黄维诰

永利河者，桐林之新开河也。桐林接壤太平，群山纠纷方野，平畴鱼鳞交错，乃山涧流泉水无蓄畜，故雨泽稍愆，则禾稼歉收。环山屡告丰年，而此地之独抱向隅者，往往然也。庚午冬，余甫下车，绅耆林汝翰、林日曛、林宣三、陈璧池、冯作楫、林邦亮、黄云奇、冯汝元、黄用培、林之春等呈称开河，余深以为喜，即首倡捐廉，而令各户醵资，农各出力，按亩以定章，度地以规制，众情踊跃，诹吉兴工，凡两阅月而河以成。清流曲折，混混不舍，计程三里而遥，灌田则三千余亩。今秋所获倍常，较他处且有增焉，然则是河之兴，其事钜、其功速，其利亦溥矣。夫古之浚沟渠，筑堤防，为民兴利者，非为一时计，为千百世计也。余四任此邦，未能攬美循良，乃是役也，以众力之举擒，克期而奏效，于民生非无裨益。嗣是崇塘告庆，比栉兴歌，不将有永享其利者欤！余故乐为志之，并著其命名之意云。

**编注：**永利间 在十六都桐林。其地向无水利，雨泽稍愆即为灾。清同治十一年（1872），同知黄维诰捐廉为倡，各田户派捐浚之，林日曛等董司其事。自青山头绕都顿村前至沙门前港，长二里，阔三丈余，汇小涧溪水以资灌溉。

### 【作者简介】

黄维诰（1806~1878）字黼堂。江西临江府新淦（新干）县人。附贡生。清道光三十年（1850）来署篆。同治二年（1863）、六年（1867）连任玉环厅同知，九年（1870）补玉环同知署温州知府。首除衙蠹，翼民如子。在任悬征于堂，清积案，出滞狱，民无冤枉，吏无需索。兴书院、建陡闸、开河道、修城垣、设牛痘局，善政种种，不胜枚举。在玉环十年，清慎公勤，始终如一，妇孺皆称黄外祖而不名以官。年将古稀，引疾离任。士民在厅城西门外西青半岭建黄公祠到亭，勒石纪颂。比卒（光绪四年六月），闻讣多流涕。

## 林 公 祠 堂 碑 记

(清)徐树楠

自来省会郡城皆建考棚，为学政岁科校士所，州县即不复概有。有者必其邑之乡先达，有培育后进之意，创议捐输，而慕义者又从而赞成之，或任捐资，或任劳勚，而后克蒇厥事；罕有以一人独任其资而又独任其劳者。环山孤悬海外而无考棚，而厅署湫隘，凡应童试者，几案坐具必自备，殊苦之。例贡生林君植三，慷慨乐善人也，不须集腋，独建考棚一所，购地于学宫之东十余亩，夷涂变秽，鸠工庀材，筑正屋五楹，中设梓潼帝君座像，旁两楹树门，以蔽为阅卷所，两横厢屋各三楹，外讲堂三楹，有楼，亦供梓潼帝君像，左右架披各一，横厢左右各五楹为考棚；又其外堂三楹亦有楼，楼塑奎星像，外大门三楹，庖厨咸具，缭以周垣，不逾年而落成。费白金三千两有奇，规模宏敞，几案纵横，而林君无德色，且不愿邀奖叙。壬

予冬余权篆兹土，校士时，见其巍然焕然，疑海隅僻陋，乌得有此，复详询其颠末，慨然曰：“有美勿彰，岂非官斯土者之责歟”。且及今勿亟为表识，历久将湮没，其曷以为善者劝？拟于正屋东偏筑室一楹，供林君栗主，俾后之试者咸知廈庇所由来，永志勿谖焉。抑考棚自道光二十二年构成，迄今十余载，栋宇防朽蠹，垣砌惧圯泐，几案杂具恐缺失，自宜预储岁修，随时缮葺添补，而资无所出，奈何！爰于试场将竣时，就其优取者令每名量力捐助，兴修词堂。不料七月初吉，风雨骤至，内外墙垣致多倾塌，亟在并时修补，复就书院膏火内拨二十八千钱文。仍恐其费之不敷也，乃林君嗣子日贞、日煦两昆季闻之，欣然愿捐钱五十千缗，勤成善举，又另捐契买楚门庄昆字一千八百三十九号，又一千八百五十八号共田伍亩玖分存案，以其岁入作每年缮修添补之资，而林君之祠以成，而此后之修葺有资。呜呼！若考作室，厥子亦复肯堂，若林君乔梓，可不谓后先济美者歟！是役也，始导助于诸童，继谕善于林氏子，惟蔡广文叟昌之功，而督工始终其事，则廉生潘之俊之力也，例得并书。

**编注：**林公祠 在考棚后进左首。清咸丰四年(1854)，同知徐树楠建，祀邑人林植三，表其独建考棚义举，并立碑以记之。

### 【作者简介】

徐树楠 字让木。江西奉新人，清道光乙未(1835)进士，咸丰二年(1852)由钱塘县调署来任。明年水灾，禾稼尽损，令绅富捐赈济荒，以纾民困。时海氛不靖，奸民勾通广盗，为害甚炽。树楠尽法惩治，内外肃清。又为民间子弟延师训诲，奖其勤于学者，以示劝勉。乐清土匪滋事，密迩邻封，人心摇动，树楠相机防剿，民赖以安，寻授东防同知。咸丰十年(1860)勤办省垣防务，城陷死之。事载《忠义录》。

## 玉环厅题名碑记

(清)杜冠英

尝读司马温公谏院题名记曰：“天下之政，四海之象，得失利病，萃于一官。居是官者，当利国家而不为身谋，使后之人可历指其名而尚论之。”是温公之言不仅为谋院规戒，凡在官者当奉为典型也。玉环厅自雍正六年总督李敏达公奏请展复，增置玉环同知，以汉阳张公坦熊题补斯缺，迄今百六十余年，守土者不乏名贤，其政绩昭彰廉明素著者，父老犹能传述。若因人碌碌，无所短长者，今已漫然无稽，况代远年湮，莫征文献，其于褒贬之意无存焉矣。光绪三年，予摄知厅事，爰集绅耆修辑厅志，事末竟而金溪胥君云松奉命调授斯任，因出乌镇分署题名记见示，属予书其始末以勒于石。胥君之用心，殆亦温公之遗意歟！夫玉环孤悬海外，岛屿纷歧，戢匪安良，兴养立教，惟同知是赖，其任亦重矣哉。予不敏，承乏两载，于民隐末获周知，愆尤丛集，思之疚心，则今日题名之举，予不敢以为荣，而实以为惧也。我玉民其共谅之！是为记。

**编注：**玉环厅同知署 在中青山麓，雍正六年(1728)同知张坦熊建。中为大堂，东西为吏房，前为仪门，左为土地祠，右为财神庙，西为班房，东为羁候房，前为大门，东西鼓亭，前列旗杆、照墙。大堂后为宅门，为二堂，东耳为厨房，折东为东花厅。西耳为库房，东西两厢为门丁房，二堂后为内宅，西厢后为“一粟园”(同知秘云书题)。折西为花厅(同知金旗题环碧山房额)。厅前为“速风迟月

所”(同知秘云书题)。左为“寄庐”(同知张铣题)。后为“木榴精舍”,为“高斋”(同知徐荣题),为肺山深处。咸丰六年,二堂倾记,同知黄维同捐修,榜曰“鉴清堂”,旧名“遗爱”。同治二年,吏房坍坏,同知张文藻重建,添置东西户总房、承发房各一间,仪门外添建东侧管差房二间。光绪元年大堂倾塌,同知石玉麒重修。

同知陆玉书诗:公庭俯接市虞间,白板黄茅左右环。最喜衙斋高卧处,枕边能看隔溪山。

同知徐荣《高斋》诗:习池倒载许谁借,长佩峨冠与世乖。不解向人歌下里,何妨到处作高斋。删留窗草看生意,坐对槽山寄古怀。差喜吏民犹不厌,容渠海外浪形骸。

## 重修学宫碑记

(清)吕鸿翥

今上御极之三载,重修玉环圣庙,越明年,厅尊杜公属秦记其事。按:玉环建庙始于嘉庆八年,厥后累事兴修,金碧之辉,近虽剥落,而栋宇岿然,完好如故。去夏飓风为灾,殿檐损坏,墙垣又多倾圮。公慨然于兴废举坠守土之责也,遂捐廉修葺。兴始于是年六月,至八月而工竣。其间颓者起,墮者固,堂室门楹,悉加绘饰,庙貌乃焕然一新。夫国家建兴学校,所以教人材,即以善风俗。古者鲁作泮宫,小大从公;蜀起学宫,邦人向化,感应之机,捷于影响,有明验也。我朝文教昌明,黉宫遍于郡县,僻壤遐陬,诵弦之士皆得瞻仰宫墙,沐浴圣化,其裨益尤岂浅鲜哉!公之亟亟兴修,可谓知本务矣。且不惟此也,大成门外,旁列两祠,以祀名宦、乡贤,公

葺而新之,又为前任张公坦熊请奏人祠。窃惟崇德报功,国之典也,嘉善尊贤,亦圣门之意也。张公展复环山,利赖在民,公乃表扬前烈,报以馨香,于事诚有当焉,宜连类而为之记。公名冠英,字徵三,安徽太平人。是役鸠工庀材督司其事者学博沈君克昌,少尉林君鸿经,例得书。

编注:光绪三年(1877),飓风坏殿檐以及墙垣,杜冠英捐廉修之,栋宇悉加涂饰,训导沈克昌、巡检林鸿经督司其事。

## 【作者简介】

吕鸿翥 浙江新昌人。举人,拣选知县。总纂《玉环厅志》

## 义塾碑记

(清)胥寿荣

玉环向有义塾数处,代远年湮,遂皆废置。余于去年冬来守是邦,询得其故,不禁慨然。窃思昔之人既已创良法于前,今之人安可不善守其后?爰于附郭西门外先设义塾一所,拟定由厅捐廉备束修聘贤师,择寒畯之子弟而质美者进而教之,或者其亦育人材兴文教之助乎!惟是生徒数十人,非有栋宇数楹不能寄顿。适有玉环营夙建之长生祠年久失修,墙壁倾颓,半存瓦砾,乃商于参戎郑君伟堂,再由厅捐廉修理,并为筑地补垣,范以后墙,隔以斋房,为各生徒栖宿之所,申留殮堂,仍供奉禄位焉。郑君毅然允之。余既感郑君之高义而不可无以传也,特书其颠末而贞诸石,俾后之览

者知所自来云。

编注：幼童义塾 在永清门外长生祠内。光绪五年(1879)，同知胥寿荣创设

#### 【作者简介】

胥寿荣 江西金溪人。光绪四年(1878)升衔补用知府调授温台玉环同知。主修《玉环厅志》

## 玉海书院碑记

(清)杜冠英

自来书院之设，所以兴文教育人材，与学校相辅而行，实足广学校所未及。玉环向有环山书院，已百数十年。余公馀之暇，月课多士，而江以北罕有至者。盖以路隔重山，艰于跋履，故人多裹足，余窃以是为憾。适因公至楚门，有山巍然，上峙高阁，阁上供文昌神，下为讲堂，旁多列舍，即所云天香书院也。惟徒有其名，无所为延师课士之资，故院亦虚设。余亟为筹备公款，岁充经费，可以奉修脯给膏火，而改其额曰“玉海书院”。自是以后，士之处江北者，可无向隅之叹。江南之士，亦听其负笈来游，不分畛域。夫玉环自披荆斩棘以来，年岁寝久，文风浸盛，兹复南北数十里间弦诵交兴，其于兴文教育人材者，庶几更有进焉。抑余尤有望者，从来学期有本而士贵立品，诸生肄业其中，浸淫六籍，涵泳百家，又复陶镕乎德性，砥砺乎廉隅，与贤师益友朝夕观摩，则可为华实并茂之

才，体用兼备之学，岂惟工帖括而炫词章哉！诸生其共勉之。余虽去亦僕僕有余思焉。

#### 束修盲火章程

一、拨款每年二百八十千文。山长束修蔬仪川资一百八十万文，由官送关；生员膏火六十千文，童生四十千文。

一、课期定十个月，自二月起至十一月止。每月定初八日为官课，二十三日为师课。官课由山长收齐呈官取定等第，师课由山长定评。

一、膏火：生员超等四名，第壹名八百文，余每名六百文，计钱二千六百文；特等八名，每名三百文，计钱二千四百文；壹等十名，每名一百文，计钱一千文；每月共钱六千文。童生上取四名，第一名五百文，余每名三百文，计钱一千四百文；中取八名，每名二百文，计钱一千六百文；次取十名，每名一百文，计钱一千文，共钱四千文；合生童每月十千文。俟师课评后，照官课名次由山长领给。师课无故不到者，扣除膏火。遇闰不给。如人少额多膏火钱文有余，另立公簿逐月存储生息，为将来添立膏火之需。其未能得膏火者，生员附一等后，童生附次取后，下课文字若佳，仍当前列，毋自懈怠。

一、膏火出自芳杜、楚门二仓，由仓领给，免致往来需费。

一、生员超等、特等，童生上取、中取、现虽酌定名数，仍以文字之优劣定名数之多寡。

一、课限五日交卷，逾期不阅。查各处月课均以当日交卷，玉环因山海阻隔，是以宽期，以示体恤。

一、钞录旧文，即当时未及查出，嗣后仍追回膏火，另行存储。生童等自爱，毋相欺也。

编注：玉海书院 在楚门西山，旧名种天香书院。中供文昌子

阁，下为讲堂，旁列书室，衿士戴全斌、王屏藩兴建。同治二年（1863），贡生王正南董建前进。光绪四年（1878），同知杜冠英改设玉海书院，拨楚门外塘涂田税暨芳杜仓附余钱以充经费。

## 重浚城河碑记

（清）杜冠英

玉环为东浙岩疆，依山为治，城垣北枕于山，东西南皆溪河环绕，潆洄如带。河之源有三，而其流则汇于一。考西河之源出于田螺山，迢递而下，一折至仙人洞，再折入校场，迤东与中青河合，历南门达东门，三折过东山嘴，出陡门而入于海，所谓天开河是也。城以内溪水一道由府山直冲而下，经厅署之西，巡衙之前，绕而西，转而之东，从水门入天开河。夏秋之际淫雨不时，山水挟沙石奔腾，河渠因之壅塞。道光间，同知陆公玉书疏浚之，未几而旋涨如故。厥后愈涨愈高，暴雨时，里巷街衢横流泛滥，民甚患之。丁丑春，余奉檄来守是邦，访求利病，父老咸以浚河对。于是令城绅林凤岐等董其事，乘农隙兴工，里民之好义者，相率佽助，鋤掘畚筑，一循故道，由是塞者通，瀦者流，桥梁道路之陂者复平。计内外溪河添筑石坝六处，阅五月而告成。父老相庆曰：今而后旱有蓄，潦有泄，可灌可烹，无虞泛滥矣。余曰：否！疏之难未若塞之易也。尔居民宜有鉴于先，岁加修剔，毋待积久而后为，则今日之举，可为一劳永逸之基矣。余固有厚望焉。

编注：城河 在城内。外西河之源：自双凤溪曲折经校场第

一、永定二桥，迤东与中青水会，环流城南。内河之源：由厅治后山流至厅署西偏，历巡署东南，通渠入河，东出水门，与东青、瑶岙河水合流，注玉环河。暴雨不时，沙石奔腾，河渠易塞。道光七年（1827），同知陆玉书鸠工疏浚。光绪三年（1877），杜冠英又倡捐重浚，添筑石坝六处。

## 重修关庙碑记

（清）杜冠英

天下郡县之有武庙尚矣。朝廷颁定礼制，命有司春、秋致祭，所以答神庥而隆祀事，仪至肃典至重也。玉环自雍正五年汉阳张公坦熊展复厅治，建武庙于西青山下，嘉庆间渐就倾圮，同知姚鸣庭筹款为之修葺，迄今盖八十余年矣。去年春莅任是邦，循例渴庙，见殿宇欹朽，为休然者久之。末几腿风陡作，殿壁倾颓，则向之欹朽者更岌岌乎不可复支，于是谋所以新之，商诸参戎郑君鸿章。郑君韪其言，与予各捐俸钱以倡，而寅僚中亦相率佽助以贊厥成。爰属其把总陈祥高鸠工购料，凡楹桷之朽者易之，梁柱之腐者更之，墙壁之倾且圮者筑而成之，屏墙内缭以短垣，殿宇中施以丹漆，计费钱七百缗有奇。经始于戊寅正月，至五月而工竣。余思兴坠举废，守土者之责也。是庙尤鉅典所关，敢不急为更新以崇瞻仰！惟土木之工历久必敝，之来者增修勿替，亦当作如是观焉。事既成，郑君属余书其略，遂援笔而为之记。

## ◎碑铭告示◎

## 龟山残碑

(明)佚名

台州府太平县为宪革扰害以安民困事，案据□□二十五、六都子民高金□告称，仁爷授治，西柏重逢，金□居住环海，筑塘数十丈，围成田亩，御潮耕治，尤纳条饷完足，每年秋收后，仓巡各官钻谋，假查筑名色，□□公费百程，每亩取银二分，一田两役，民不安生，或塘稍倾坏，不便农耕，依田自力□□□□□□徒劳，查者□扰害，□□曾经奔控道府本县，俱蒙轸念矜休禁革。翘叩仁爷，准赐勒石，永垂遵守，诚为苏困安民，世祝宏恩等情到县。据此案照先蒙浙江水利道戴批据前事，蒙台州兵备道刘、本府太爷陈、本府水利厅王、本县知县谢批，道府宪革批词在案，今据前情，又该县□得砾石为塘，奠川成亩，盖环海贫民□□食之计，诚一方立命□□也，每年塘有□□，系农家急务，阴雨之计，预为之谋，彼必号召争先而□筑恐后，即所派□□□□□□□□□□终岁啼饥之苦，□□□□□而于始赶上也，乃藉查督之名而敛民膏脂，不惟无益，抑且病民，□□□□□□□□扰民亦何堪哉，本县下车□□，□□民复闻之，愕然发指，□□□□文林郎□□□赵光。大明天启六年岁在丙□□□月吉旦。

编注：龟山残碑 在密溪下岭冈。风霜剥蚀，字多残缺。

## 奉宪勒碑

(清)姚鸣庭

特授温台玉环饷捕分府加三级纪录五次姚  
为晓谕严禁事：

据灵昆庄民人黄茂策等呈称，窃该庄涂田地亩历年完纳粮米，每逢征收之际，房差到涂，协同塘头岙长承办，并无多差扰索。近年征收差役到涂，贫户挑米完粮，竟有被差需索食米，勒索差钱，否则捎串不还等情到府，据此除批示外，令行出示严禁，为此示仰该庄粮户人等知悉：尔等本名下应完本年新陈粮米，俟书差到涂开征之日，均须踊跃完纳，掣串归农，毋得颗粒带欠，自取追比之咎。该房差到涂取粮，亦不许需索食米差钱。敢抗违，一经察出或被告发，定提书差到案究革，断不宽贷，各宜凛遵毋违特示！

嘉庆七年十月十四日给 告示灵昆民人

乡耆：林观南、麻炽敬、林维沛、黄茂策、姚朝斌、陈锡珍、戴兰茹、夏锡磷、张国洪、余国豪、林光元、张朝方、黄世达、陈渼琴、王起秀、郑大起、陈新桃、郑宗禄、吴成彪、翟瑞美、张宪亮、陈高发同立。

编注：碑置灵昆镇灵南村村民家中。清时灵昆属玉环厅辖地。

## 奉宪革除玉环涂税碑

(清)郝玉麟

温州府瑞安县为一船三税事，蒙本府正堂庄宪牌奉布政司张宪牌奉总督福浙部院郝批本司呈详：

瑞安县渔民南楚友、金再发等，渔船既完梁鱼二税，复令完涂税，急应更正，详候钩批豁免以便饬禁。再，南楚友等请草涂税，此系虾扈渔船，但虐扈艚、划丝二船不赴外洋，应一例豁免等缘由奉批，据详南楚友等虾扈等船皆就港口扦捕，并不越出外洋。玉环定税之初原末议及此等小船，今该船等已赴海关完纳梁鱼二税，自不得再征涂税，重困□口，仰速转饬宽免，勒石永禁，取碑摹送。查敢有不肖官役阳奉阴违，一经发觉，必将严拿究处不贷。再温台二属现在所征涂税每船若干，是否遵照题定原案征收，有无苛征扰累之处，一并确查造册，另详察夺，仍候抚部院批示缴等因到府，谷行前由到县，蒙此合行勒石永禁，为此仰合埠渔船户旗长人等知悉：嗣后出洋采捕之虾扈、扈艚、划丝等船所完玉环涂税，遵照宪批概行豁免。敢有收税人役阳奉阴违，一经发觉，定即通详究处不贷。其各凛遵毋忽，须至碑者。

乾隆元年肆月 日勒

渔户黄锡宗、金再发、戴玉发、黄得魁、  
吴国有、张亦慎、周公发、王得发、鲍舜发、  
石盛发、姚亦云、黄盛发等立

编注：“本府正堂庄”，指温州州知府庄柱；“布政司张”，指浙江布政使张若震；“总督福浙部院郝”，指郝玉麟，清雍正十二年（1734）十月戊午至乾隆四年（1739）七月任闽浙总督。“渔民”、“渔船”、“渔民”三“渔”字原均误为“鱼”，改。碑置瑞安城关永城庙后墙中。

### 【作者简介】

郝玉麟（？～1745） 字敬亭，清汉军镶白旗人。骁骑校出身。康熙三十四年（1695年）授千总，累迁至云南援剿协副将。康熙六十一年（1722年）擢云南鹤丽镇总兵。雍正元年（1723年）授云南提督，六年（1728年）任广东总督。十年（1732年），总督福建，任内平定台湾彰化大甲西社民变。十二年，兼领浙江，改闽浙总督。任上，他设法平息台湾土著谋乱、有效控制社会治安、着力赈济受灾民众，多次得到朝廷嘉许，乾隆四年（1739年），擢升吏部尚书，同年十一月兼署两广总督。后因荐举不力、治下不严而坐失官身，降二级补刑部右侍郎。六年二月，因病乞休，同年九月因福建巡抚参奏其受贿，被革职。乾隆十年（1745年）三月因病卒于家中。

## 济理寺奉宪勒碑

(清)朱煌

奉宪勒碑  
持授温台玉环饷捕分府加五级朱  
为给示谕禁事

据小竹岗济理堂僧德通呈称，该寺历置产业，日久恐有荡废，呈求示禁等情。查该寺田地山场前经提讯饬承注册，永杜盗卖在案，合作示谕。为此，示仰合属居民人等知悉：尔等如有贪图便宜，承卖济理堂寺产局书，既不推粮，其所给契价，作不准论；倘该寺僧一有盗卖情事，立即究逐，以保久远。各宜凛遵毋违，特示。

道光二十二年四月 日给

**编注：**清道光二十二年(1842年)石碑。原立于楚门镇筠岗村牛角坑济埋寺内(原永福堂)，1958年建造牛角坑水库时，济埋寺被拆，后改永福堂延袭济埋寺名。碑因外力断成多截，拼接成整碑立于院内。

#### 【作者简介】

朱 煌 字勿轩，直隶清苑县举人。清道光间由平湖县知县升玉环同知。性刚直，嫉恶如仇。会英吉利寇宁波，沿海骚动，煌筹画防务，筑城堡，严斥堠，要害处拨重兵守之，修造炮台，抚循百姓，四境晏然。大吏奇其才，题升杭州府知府，在任后遇事执法，杭人惮之，号为朱天君。仕至甘肃宁夏道，卒于官。

## 勘验夫马章程碑

(清)杜冠英

光绪四年同知杜冠英通禀各宪，凡尸场验费请照湖郡南浔师善堂成法，由本地育婴等善举项下抽提馀款，汇存公局，归董事经

理给发，以免苛勒株累。奉宪饬谕南北两乡婴堂绅董照章遵办，并勒石示禁：

一 报地方斗殴及自尽命案，一切尸场验费，现今议定章程，悉由婴堂筹款给发，不准再向地邻原被人家需索钱文，如有差役殃长，阳奉阴违及地恶土棍从中勾串不法，许被吉之人当场喊禀究办，本府预备高脚牌一面，示谕尸场俾众咸知；

一 路毙浮尸及服毒自尽，如果伤痕显见、迹涉疑似者，不论有无亲属出认，地保地主报局报官相验详缉，如验无伤痕，备棺收殓，开具该尸年貌服色，出示召认，所有棺柩有认者，交属领埋，无认者交保标记看管；

一 报路毙浮尸，一切验费并由堂给，不准饬传地主邻右，致滋株累；有属毙尸，事同一律，一概免传释累；

一 地方遇有相验之案，一面报官，一面报局，该堂董立将一切尸场验费，查照章程，交给原差具领转给，并即派人领赍传牌，肩示尸场，一体巡察；

刑招书二名，饭食钱四百文；轿夫钱六百文；纸张钱四百文。在城无轿每名给饭钱二百文；

刑杖二名，饭食钱二百四十文，在城每名给钱十文；

军健四名，饭食钱四百八十文，在城每名给钱八十文；

仵作一名，饭食钱一百二十文，在城减给钱一百文，尸格钱二百文；

跟班小轿夫饭食钱六百文，在城减给钱二百四十文；

门子厅事二名，饭食钱二百四十文，在城减给每名八十文；

轿伞夫七名，饭食钱八百四十文，在城每名减给钱八十文，酒、糖、苍术、纸炮、银珠等项钱二百八十文；

差役四名，饭食钱四百八十文，在城减给钱三百二十文，搭厂钱二百文，不搭不给。

以上各项钱文均交原差给领,下乡路有远近,每名按日给发饭食钱一百二十文,如二更后回署,每人各加给钱五十文,其捐牌示禁之人,由局自雇,并给钱文。

## 多宝院石碑

(清·僧)山 融

钦加运同衔温台玉环饷捕理民府胡  
为给示勒石永禁事

据桐林庄僧静满,捏控霸管堂务等因,并据僧从悟以逆徒荡产等情一案,当经集讯明确,即将静满掌责驱逐,着生员邢炳芳协同番长,查明多宝院尚有田地若干,稟□给示,勒石在按。兹据邢炳芳拈抄员稟前来除批示外,合行给示谕禁,为此,示仰合庄士庶人等知悉:所有多宝院现存产业及典当田地,仍归该寺,设法取赎,按照后开(土毛)号亩分坐落土各处所,永远管业,毋许该院僧人私行当卖,亦不准外人恃强干预堂务,自示之后,如敢有违禁令,定即提案究办,决不姑宽,其各稟遵毋违,特示。

共计田一十六亩零地一十七亩零山四亩 堂基三亩零

大清光绪十五年岁次己丑十二月 日建

开基和尚 山融

创业和尚 授见岁

奉示勒石住持僧 从悟

邢炳芳勒石一条工洋四元

编注:清光绪十五年(1889年)刻碑,置沙门镇瑶坑村中央段多宝院前。《玉环厅志》卷六《祭祀志·庵》记载:“多宝堂,在桐林瑶岙坑,明时建”,多宝堂曾多次遭到破坏、损毁,当地百姓集资在原基址,重建一座三开间的小建筑,取名“多宝院”,并在院门内侧重新竖立石碑。

## 楚门城隍庙福佑社碑记

(清)戴尧仁

### 福佑社碑记

盖闻礼仪详于祭法祀典肇自虞书心香□食主祭则百神是享春祈秋报顺时而八蜡乃通苟非集腑以成裘不免临渴而掘井恭维楚门威灵伯相传前明 信国公殿宇建乎城东香花盛于江北有□必应无祷不灵兹者九月十四良辰恰逢□尊神千□寿旦于是会同□友议一□图各□□囊襄成宴会纠人则十有六助银各计四□司会则社友轮流经管则同人酌举□余毋私于一己子母必权诸也人其以福佑为名亦必有说福之音通于辅辅众人共入孺林佑之义取于助助同社咸臻寿域欣此日灯红酒绿听梨园菊部之声原他时人寿年丰荷甘雨和风之乐后开姓氏更列规条谨启

光绪三十一年九月上浣 同社冀楷戴尧仁董洙拜撰

永福花 叶佩璈 叶唐封 叶子亮 马福恒

永康花 赵启辰 童□民 蔡□霖 陈福载

永寿花 耿灿东 源和□ 王子寿 沈義順

永宁花 戴堯仁 徐永興 余天元 马學□

社友十六人，编列福寿康寧四柱，每年須挨輪管理，簿記祭祀，定于壽旦，陳其俎豆，擇值柱年長者主之。各柱與□銀錢，除費用外，每年盛余，輪交存典生息，如有成□，置產設酒肴，□席各社友暨樂助者，得于十四申刻□廟宴飲。

張士栓助銀三十元 吳震升助銀二十元 韓邱氏助銀一百元

實產取賸店屋二間坐本□正□□□財神廟前 崑

字三百七十三号下田□亩□零坐本廟后 崑字

三百八十六号下田七分零坐本廟前

中華民國十三年歲□甲子九月下浣 谷旦

里人惠南徐同恩沫手敬書并篆額

**編注：**碑置楚門鎮東門村楚門城隍廟內。有兩部分內容，一部分是楚門蒲田歲貢生戴堯仁于清光緒三十一年（1905）撰寫，另一部分為里人徐同恩于民國十三年（1924）撰寫，記載當地民間組織福佑社祭祀及人員等事宜。部分文字缺失。

## 泗头路廊奉令勒碑

（民國）江 恢

泗头路廊奉令勒碑

玉环县布告第十七号

為出示布告事

案據楚門紳董葉佩璇稟請，竊海獅塘塘首蘇其忠等控九眼塘塘首王舜灿、汪昌德等水平加高有碍放水一案，□令塘警佐勘驗，并饬警提訊在卷，適量因公晉城，兩造俱來求理，董即出為理明：所有彭岙墩之斗閘下面水平，將西邊亂石撈開，中央仍用石條，候下洞塘與上下兩塘塘首酌定，水平不高不低，其河水由水平上出水，□可上流下接，通入下洞塘，若遇天旱時候，由下洞塘斗門准其放水，分水養苗□，海獅塘及各小塘田禾，均可無碍，兩邊均願聽理，具結息事，理合據實稟明，求恩吊銷，以息訟端，并求批准勒石以垂久遠，免得後人爭執，誠為德便並富。呈該塘圖志等情。據此。除批示照准外。合行出示布告。為世示仰。海獅塘塘首蘇其忠、九眼塘塘首王舜灿等，一体遵照，各息爭端，立准勒石，永示□垂久遠，毋違，切切，特此布告。

中華民國七年六月 日 知事江 恢閱

**編注：**民國七年（1918年）六月刻碑。置清港鎮凡宏村后塘里泗头路廊內，砌于西牆。碑刻內容是為了解決下洞塘、九眼塘、海

狮塘等河流的斗闸控制水位问题，就如何及时排涝、确保农田灌溉等达成的协议，刻碑置于路廊

## 筏头修路碑

(民国)佚名

### 筏头修路碑

盖闻道路通衢，固宜曲者直之，倾者葺之，如我筏头之路，向来海坭填塞，有土无隔，每逢雨天，往来行人受困不少，由是，里人黄得喜常念于此路危全，弟得隆外生礼方向地上捐资搬运石版，遣工修葺，率匠辟铺，以免行人之艰辛，各乐助资爱，志其石云尔

(捐资者及数额 1 格)

中华民国十四年岁次乙丑十二月吉旦

编注：民国十四年(1925 年)的载事石碑。置清港镇后排村村口。风化磨损严重，主要记载筏头路况及乡里出资修路的有关事项。

## 逸事轶闻

瓯越食俗(晋)王会  
木榴山一名地肺山(南朝·宋)谢灵运  
东带采海门(南朝·宋)郑缉之  
尘屿(南朝·宋)郑缉之  
第七十一福地玉璿山(唐)杜光庭  
洞天福地(唐)杜光庭  
玉环山(宋)乐史  
陶隐居(宋)陈思  
双穗南北天富盐额(宋)姚宽  
隐居高第(元)刘大彬  
刘元芳休休室(元)陈高  
刘仲彬数学(元)陈高  
刘仲彬养真院(元)陈高  
玉环灵山(元)陈高  
养真道院(元)陈高  
灵山禅寺(明)《戴氏谱记》  
倭寇(明)谢杰

陶弘景《永嘉邑居图》(明)姜 准  
 岁时节会(明)姜 准  
 面花穿耳缠足蝉鬓原始(明)姜 准  
 朱谏童年善对(明)姜 准  
 朱君佐诗释优人(明)姜 准  
 年祥朝拜(明)姜 准  
 出哨遇飓(明)《世宗宪皇帝硃批谕旨》  
 进士致仕(明)过庭训  
 天花菜(明)过庭训  
 县称神君(明)过庭训  
 庆贺表文(明)过庭训  
 司寇大理(明)过庭训  
 宜令致仕(明)张 鼎  
 王瓊知陈璋(明)过庭训  
 往谏受杖(明)过庭训  
 玉环东程陈氏(《介庸集》)  
 玉环陈氏迁乐清(《汲古堂集》)  
 林国材闭门著书(《万姓统谱》)  
 温州全图(清)黄 汉  
 闵鑑玉环之政(清)《同治南昌府志》  
 玉环仙洞(清)徐 昆  
 出使朝鲜(清)戚学标  
 披山洋之役(清)梁章钜  
 灵干岛飓灾(清)林 骥  
 永嘉邑居图(清)劳大与  
 死有异香(清)刘绍宽  
 气候之异(清)梁章钜

风痴(三则)(清)劳大与 孙同元 郭钟岳  
 俗务外饰(清)纳兰常安  
 俗风近古(清)郭钟岳  
 地僻人美(清)赵 钧  
 檻联(清)郭钟岳  
 祭灶(清)金 璇  
 滚灯(清)孙同元、徐希勉  
 煦春(二则)(清)黄汉清 梁章钜  
 清明(二则)(清)孙同元、徐希勉 黄汉  
 竞渡(清)孙同元、徐希勉  
 龙船银(清)戴炳骢  
 尝新(清)郭钟岳  
 麻糍糖糕(清)郭钟岳  
 筵坐(清)袁 枚  
 聘死婚(清)郭钟岳  
 少女画眉(清)郭钟岳  
 解筵开路(清)戴炳骢  
 新妇三朝坐筵(清)梁章钜  
 截疫鬼(清)黄 汉  
 获病祈禳(清)孙同元、徐希勉  
 祛病(清)郭钟岳  
 师公(清)郭钟岳  
 纳猫法(清)黄 汉  
 种稻之法(清)郭钟岳  
 老师(清)陆 进  
 墓(清)孙同元  
 食物志(清)陆 进

海错 (清)梁章钜  
 温郡多鱼(清)孙同元  
 石首鱼(明)陆 容  
 龙头鱼(清)郭钟岳  
 章鱼(清)郭钟岳  
 跳鱼(清)郭钟岳  
 阴阳之产(明)杨 慎  
 蜻蜓斗虎(清)黄 汉  
 香螺海月(清)纳兰常安  
 萝螺 (宋)唐慎微  
 右旋螺(清)梁章钜  
 红螺(清)黄 汉  
 木履山(清)光绪《玉环厅志》  
 张隐居(清)光绪《玉环厅志》  
 谢公山(清)光绪《玉环厅志》  
 石峰山(清)光绪《玉环厅志》  
 正阳得名(清)光绪《玉环厅志》  
 龙过门(清)光绪《玉环厅志》  
 白龙山有龙母(清)光绪《玉环厅志》  
 村落间鱼虾遍地(清)光绪《玉环厅志》  
 海鳅浮毙水中(清)光绪《玉环厅志》  
 陈岙青峰庙(清)光绪《玉环厅志》  
 鹮鵠鸟(清)光绪《玉环厅志》  
 天久晴(清)光绪《玉环厅志》

## 逸 事 铁 闻

按：清张坦熊雍正《特开玉环志》备述展复建厅事，杜冠英、胥寿荣光绪《玉环厅志》但载设厅以后事。此前此间之玉环，凡见于前人纪载者，或不之采，或在编者涉猎之外，稍存微憾。予数十载读书读史，略有发见，林林总总，随记之余，颇觉宜据藉补之。惜有所恃而无可考者，亦随阅而拾录，以补阙遗。本不存私享之心，惜无机会示以同好。借本辑文史资料付编，若不所献，恐日后难得缘会。毕竟出自个人随摘，错失漏误或存，亦望引用者慎重，以查原处为要。是为按。

## 瓯 越 食 俗

东越海蛤<sup>①</sup>，欧<sup>②</sup>人蝉蛇，且瓯文蜃<sup>③</sup>。

(晋·王 会《逸周书》卷七《王会解》)

编注：①晋孔晁注：“东越，欧人也。”

②欧，一本作瓯。

③晋孔晁注：“且瓯在越。文蜃。大蛤也。”黄汉《瓯乘补》卷一：“且瓯，有读为七野切，有读为子余切。或云且，暖也；《尔雅》六月为且。以瓯地暖，故曰且瓯。其义似通。”

## 木榴山一名地肺山

地肺山者，王演《山记》谓之“木榴山”，一名“地肺山”。

(南朝·宋·谢灵运《游名山记》)

## 东带采海门

乐城县木履山东带采海门，凡海采者皆由其门，故此为名。多产香螺、文蛤之属。

(南朝·宋·郑缉之《永嘉郡记》)

## 尘 岘

尘屿有庐限，又有茅岘，去庐限二十五里。

(南朝·宋·郑缉之《永嘉郡记》)

编注：《初学记》八州郡部引《永嘉郡记》同。孙诒让按：今玉环二十二都有茅岘山，在海中。又十三都有芦岙，疑即芦限，尘屿疑即木榴屿也。

## 第七十一福地玉瑙山

第七十一福地玉瑙山，在乐城县。

(唐·杜光庭《洞天福地岳渎名山记》)

## 洞天福地

华盖山容成<sup>①</sup>太玉洞天四千里，在温州永嘉县。东仙源，在温州白溪<sup>②</sup>。玉瑙山<sup>③</sup>，在温州海中。陶山，在温州安固县<sup>④</sup>；贞白先生修药处。大若岩，在温州永嘉县；贞白先生修《真浩》处<sup>⑤</sup>。三皇井，在温州仙岩山<sup>⑥</sup>。

(唐·杜光庭《洞天福地岳渎各山记》)

编注：①容成，即容成子。相传华盖山为容成子修炼之所，为道教三十六洞天之一。

②白溪，今为乐清白溪镇。其地旧设黄山驿，为温、台交通要道。

③玉瑙山，即玉环岛。

④安固县，即今瑞安县。陶山相传为南朝梁陶弘景（贞白）炼药之处，有升仙台、炼丹石鼓、洗药池等遗迹。

⑤按道教又有所谓赤水山、赤山、赤岩、烧山者，即大若岩。清薛大训《古今列仙通纪》卷二一载朱孺子学道赤水山中，注云：“赤水山，在郊县南千里，从稀溪口大三百里。山正赤色，周回五十里，高千余丈。如此，则应是临海永嘉东北有所谓赤岩者也。许先生所住开出，一名烧山，即此。”按朱孺子居大若岩，事王玄真而得道，见南唐沈洲《续仙传》卷上。此处所谓之赤水山，按其地理方位考之，当即永嘉之大若岩。

⑥仙岩山，在今瑞安县。按自东仙源至三皇井，皆列名道教七十二福地之中。

## 玉 环 山

玉环山……在海中，周回五百余里，去郡二百里，上有流水，洁白如玉，因以为名。

(宋·乐史《太平寰宇记》卷九十九)

## 陶 隐 居

陶弘景，自称华阳隐居。天监七年东游海岳，权驻会稽、永嘉。十一年始还茅山。

(宋·陈思《宝刻丛编》卷一四)

## 双穟南北天富盐额

至岱山、昌国，又东南为温州双穟、南天富、北天富，十分著为定数。盖自岱山及二天富，皆取海水炼盐。所谓熬波也。

(宋·姚宽《西溪丛语》上)

按：此记元丰初两浙提刑卢秉所定煮盐分數。盖温州水最咸，成盐最易，故分數独多。

校笺：双穟，通常作“双穗”。卢秉为两浙提刑在熙宁五年。“元祐初，言者论秉推行浙西盐法，务诛利以增课，所配流者至一万二千余人，秉坐降职。”(《宋史·食货志下四·盐中》)北宋盐額，“温州天富南北监、密甿永嘉二场。七万四千餘石。”(同上)

《宋会要辑稿补编》721页载：“行在金部具绍兴三十二年盐額”，其中“温州：在城一万六千九百八十九贯九十文，永安场三千

一百四十一贯九百九十三文，瑞安场一千九百三十二贯五百八十三文，平阳场二千六百六十九贯三百七十一文，前仓场二千二百五十二贯二百七十文，乐清场一千一百五十五贯八百二十九文。”

同书735页录《乾道会要》：“浙东路八十四万八千二百八十三石九升二勺。”其中“温州：一十九万四千三百七十九石三合；永嘉买纳场二万六千九百五十一石八斗八升六合，双穗买纳场二万四千二百六石一斗四升四合，长林买纳场二万一千七百六十三石一斗四升四合。天富南监买纳场七万九千二百八十七石九斗五升九合四勺，天富北监买纳场四万二千一百六十九石八斗五升七合六勺。”

《宋会要辑稿》食货二八之一载淳熙元年(1174)四月浙东提盐司奏：“温州五场，元额买正耗盐一十九万四千三百七十九石。今斟量裁减，欲买正耗盐一十三万八千六十九石。其灶眼亦合减并；天富南监五十八灶。煎纳正耗盐七万九千二百八十七后，今减并作四十灶，每年煎纳正耗盐五万二千八百石；天富北监六十三灶，煎纳正耗盐四万二千一百六十九后，今减并作四十二灶，每年煎纳正耗盐二万八千六十石；永嘉场三十九灶，煎纳正耗盐二万六千九百五十一石，今减并作三十四灶，每年煎纳正耗盐二万六千六百石；长林场二十一灶，煎纳正耗盐二万一千七百六十三石，今减并作十四灶，每年煎纳正耗盐一万四千四百七十石；双穗场一十九灶，煎纳正耗盐二万四千二百六石，今减并作一十三灶，每年煎纳正耗盐一万六千一百三十二石。”

又，同书食货二七之二四载温州州盐仓再设于绍兴二十八年，乾道四年(1168)“八月十七日，知温州王速等言：温州管下南北天富监、永嘉、双穗、长林场，并产盐去处，见今依祖额每年买纳。自初置盐场，唯藉处州客旅铺户就场算清袋盐，并本州四县住卖，别无他路发泄，客钞稀少。究其利病，盖缘改置州仓……”“今

若罢去州仓，其利有八……”从之。“其下又与淮盐比较，谓乾道六年。两务卖淮盐六十七万二千三百徐袋，总收钱二千一百九十六万三千徐贯。然淮东盐灶止四百一十一所……浙盐二十万二千徐袋。收钱五百一万二千徐贯，而二浙盐灶乃计二千四百徐所”。是“二浙私盐侵损国家利入几十之六七”。

同书食货一六之八载熙宁十年商税额。“温州：旧在城、及瑞安、永安、平阳县。前仓、柳市镇六务，岁二万二千一百四贯。熙宁十五年，在城二万五千三百九十一贯六文，瑞安场六千二百八十七文，永安场四千七百三贯九百九十九文，平阳场二千四十一贯二百三十四文，前仓场一千五百一十二贯一百三十文。乐清场二十四九贯七百九十四文。”五年之间陡增三倍。虽未见南宋时温州税额，然其成倍于熙宁十五年，可以想见。

又，产盐之外，宋代温州又以产茶叶著名。同率食货二九所载“茶号”（等级），温州茶叶属“中等”。“产茶额”盖据“户部左曹具绍兴三十二年诸州路军县所产茶数录人”，其中“温州永嘉、平阳、乐清、瑞安五万六千五百一十一斤”。“温州片茶中号每斤百六十五文，散茶第五等每斤八文……”“温州第三等九十五文……”“温州散茶每斤五十文……”“温州供般大片第三等每斤七十文，第五等散茶三十六文。”

### 隐居高第

周子良，字元龢，内讳太玄，字虚灵，永嘉人。隐居高第弟子也。挺命降真，以梁天监十四年十月廿七日尸解，时年二十。隐居检集平日真降事迹，类为四卷，进之武皇帝，即《周氏玄通记》也。

（元·刘大彬《茅山志》卷八）

编注：隐居 即陶隐居陶弘景。

### 刘元芳休休室

温乐清之玉环山。有刘元芳氏，年且五十，属家事于其子，谢绝世纷，于居宅旁构屋三间，而辟东西为燕居之所，乃名其东曰休休室。来徵予铭。予间其休休之说。元芳曰：“人之生也，寓形宇宙，视光景之迅迈，犹驹过隙耳。而举世营营役役，末至于死，则末有休息之期。既贵矣，而益思丰其禄位，崇其班资，是贵者不知休也。既富矣，而复思蓄其货贝，广其田宅，是富者不知休也。贱不能安分而致慕乎贵，乃汲汲于形势之途，则贱者不能休矣。贫不能受命，而欲求其富，乃逐逐于刀锥之末，则贫者不能休矣。是故自少丽长，长而老，老而死，而莫有休者焉。吾观古之达者，避名遗荣，土金芥玉，澹泊以自持，道遥乎无为，中心诚有慕焉。吾故休息于兹，以终乎暮齿，或有以世事相及者，则应之以休休而已。”

（元·陈高《不系舟渔集》十四《休休室铭》）

### 刘仲彬数学

往岁予在四明，乐清刘仲彬自乡中来，以善数学，能推人生年月日时多中。上官有据权势者。方骄肆得意甚，仲彬布数为言不避去将败。末儿果败，人咸神之。予始知仲彬之精于术也。

（元·陈高《不系舟渔集》十一《送刘仲彬序》）

### 刘仲彬养真院

忽有着道士衣冠者翼如而来，径入予室中，揖予而坐。予初不识其何人，怪而问之，则曰：“吾固弃俗而为黄冠矣。始吾以术动公

卿，渭富贵可立致，往来吴越之间七年，又涉世故，亦尝濒于死。今吾规世之荣名利达，犹春花秋叶耳。吾母年老，奉之隐居，因作养真道院于玉环山凤林岙中之梅屿，将以终吾身焉。”

（元·陈高《不系舟渔集》十一《送刘仲彬序》）

### 玉环灵山

浮图宗旨南。居玉环之灵山。

（元·陈高《不系舟渔集》十《山中白云诗序》）

### 养真道院

吾母年老，奉之隐居，因作养真道院于玉环山凤林奥中之梅屿，将以终吾身焉。

（元·陈高《不系舟渔集》十五《送刘仲彬序》）

### 灵山禅寺

宋祥符间，江北北山里俱刘姓地。刘居山麓，累夜闻山顶有钟鼓声，因招僧结庵其上。僧又闻刘宅钟鼓夜鸣，邀刘上山听之，共相嗟异。后刘居此不吉，遂舍宅为寺。有司奇之，因以上闻，敕命“灵山禅寺”。

（明·《戴氏谱记》）

### 倭寇

洪武二年二月，寇崇明。吴淞江指挥翁德、朱文击败之。转寇温州中界山、永嘉、玉环诸处。沿海剽掠，至于惠、潮。

十六年，寇浙江之金乡、小荻亭。

二十六、七年，并寇小尖亭。

三十四年，寇蒲岐所。

永乐二十年，寇浙东。朱亮祖破之于温州。

（明·谢杰《虔台倭纂》卷上）

### 陶弘景《永嘉邑居图》

郭若虚《画论》有陶弘景《永嘉邑居图》。考之地志，玉环山之木流岙、贤宰乡之永宁山、永宁乡之绿嶂山、清通乡之乌石、白泉山均为弘景流寓之区，见有遗迹存焉。第不知所图者果何属耳？苏长公<sup>①</sup>云：“能使江山似永嘉。”永嘉山川秀甲海内，著名非一日矣。

（明·姜准<sup>②</sup>《岐海琐谈》）

编注：①苏长公，即苏轼。

②姜准，字平仲，号良峰，永嘉（今温州市鹿城区）人，生卒年不详。据《岐海琐谈》内所记年月考之，当生于明代嘉靖年间，卒于万历末年。

### 岁时节会

岁时节会，元旦夙兴，放火爆启门，燃香烛，望空而拜。次拜祖考，次及闺家长幼尊卑，外而姻族，往来至初四五方止。元夕，张灯

街市及神庙，起十二三至十七八方止。街市结盖松棚，或用欢门。神庙如仁济、忠靖、惠民、广惠诸所，以珠囊竹丝灯等华灯，角胜争奇，游观者肩摩踵接，几无置足之地。村落糊楮，象龙首尾，裁版为身，机转辘轳，簧灯于上，从以金鼓，沿门索赏，谓之“龙船灯”。

立春先日，迎土牛，委县厢隅里长，各行铺户扮饰优者为诸项故事，乘载抬阁、马匹，导以金鼓，间以香亭、彩门，自郭外迎入府治，谓日“迎春”，观者填衢塞道。

清明，插柳于门，携榼放舟，上坟祭扫，挂纸泉于墓，亦有因之拉宾行乐者。

端午，悬蒲艾于门，造角黍、黑饭以馈遗亲戚者，以雄黄、菖本泛酒饮之，仍用以沫小儿诸窍。复以色丝为索，名“长命缕”，系其臂足。煎百草为汤，老幼毕浴。社庙备龙舟竞渡，几至浃旬。

六月六日，洗濯什器，沐发、浴猫犬。

七月七日，制米面为各项巧食。除去彩缕。

中元日，祭先或作盂兰盆追荐。街坊好事者延僧道普施孤魂。

中秋夜，办酒肴赏月，贫窭亦然。不因雨阻。倾城男女往双门观潮，亦有鞠之以礮面者。

重阳，俱往登高。携饬者罕。

冬至，唯官府拜节，民庶则否。制称米为丸糍祖先。

腊月，选吉扫尘。既望后，随家丰俭，俱备具牲醴祖神，谓曰“还冬”。仍以俟余互相邀款。

廿四夜，以饧果祭灶或倩黄冠送灶君。人家厅宇及衢巷燎火、放爆，往往皆然。

除夜，易桃符、春帖，沃米为饭敷以充新正之食。燎火放爆，一同前日。合家长幼拥炉团坐，名为“守岁”。诸房屋燃烛，名“点岁灯”。造色楮为泉，曳而长之，悬诸楣楹。至若井灶圈圈，设纸马。炊粉米为糕糍，倚以果品腥牲，交相馈遗。列香烛、糕果供奉家堂香

火。披祖先遗像于家及祠，一如奉神之礼，越新正第五日方除。俗号“珊瑚盘”。焚其所挂楮钱，曰“烧年纸”。于是诸色人等，各执所业，曰“开年假”。

(明·姜准《岐海琐谈》)

## 面花穿耳缠足蝉鬓原始

妇人面饰用花子，吾温谓日“面花”，惟嫁日用之，一至夫门即将收置，永不复设。其制起自唐昭容上官氏以掩黥迹。大历已前士大夫妻多妒悍，婢妾妾小不如意，即印面，故有月黥、钱黥。事见《酉阳杂俎》。

或者谓晋、唐间人所画士女，多不带耳环，以为古无穿耳者。然《庄子》曰：“天子之侍御不叉十二十二指，不穿耳。”则穿耳自古亦有之矣。

妇人多事缠足，以不事为耻。惟乡妇及人家婢妾，间或不然。张邦基《墨庄漫录》云：“妇人之缠足，起于近世。前世书传皆无所谓，惟《道山新闻》云‘李后主宫嫔窅娘，纤丽善舞。后主以帛绕脚，令纤小屈上作新月状。素袜舞云中，回旋有凌云之态。’唐诗曰：‘莲中花更好，云里月长新。’因窅娘作也。由是人皆效之，以纤弓为妙。”以此知扎脚自五代以来方为之。如熙宁、元丰以前，犹为之者少也。

蝉鬓始于魏帝宫女莫琼枝，今多效之。

(明·姜准《岐海琐谈》)

## 朱諫童年善对

乐清朱諫充郡掾[掾]，寓居郡腐。子君佐谦，聚髪随侍。早晨往

从师蒙塾，适三山项守澄升堂署事，道经案下，置伞于地，向之施揖。问左右，知为鶡[椽]子。乃诘：“小子能解偶句乎？”针命题曰“手拿一把黑雨伞”，朱以“脚踏万丈青云梯”复之。项守奇其语，降座相接。曰：“两跳跳落地。”朱曰：“飞飞上天。”复指堂下戒碑曰：“甫道亭前戒石碑。”朱曰：“姑苏城外寒山寺。”遂出桃唤之，指桃曰：“半边红似佳人脸。”朱曰：“一点青如太守心。”无何，学宪按校，选充弟子员，楷同进者渴守。守曰：“三个秀才朱第一。”朱随应以“一朝公相项无双”。其警敏拔萃，见于童稚之年者类如此。连捷弘治乙卯、丙辰乡、会科第，官至江吉安府知府。以诗词鸣于世，所著有《李诗选注》。

(明·姜准《岐海琐谈》)

### 朱君佐诗释优人

朱君佐忠尝开宴款当道，其朋筋优人先日以事系狱，朱以诗柬主者云：“杜陵最爱李龟年，一曲清歌抵万钱。今日绕梁人不见，枉教桃李斗春妍”。即时释放，赴席讴歌。

(明·姜准《岐海琐谈》)

### 年祥朝拜

三十四都赛祷有名“年祥”者。预从客岁交年之日，斋沐洁衣，届元正八日，其人裹首以帕，阑腰以裳，缀楮马于背。旦日集同事诸人，从社庙发韧，鱼贯而行。每七步辄鸣金一声，稽盲于地。遍历境内，仍返故所而散。朝拜者纠髻毗斯者十人为群，身穿各色罩甲，手捧炳炉，列行年祥之先，视彼稽首，此即拜手。亦复社庙，每群令一人擎其楷伞，周旋竞趋，谓之“走散”，赛愿毕矣。

•158•

余乡元望多事迎神，置神于辇，俾人异之。导以幅盖鼓吹，循行境内。有因望门而进者，有驻于门外者，俱奠以果醴申敬。六都迎神大约相同。每至人家，有诺愿未偿，即留不去。虽拽外向，内进愈坚，须再订盟，舍之他往。夫瓯俗好鬼，迎神赛社，其来尚矣。然以酬愿之故，留以待索，不几于琐屑与？其年祥朝拜仅见于一身着，竟不知其何故也！

(明·姜准《岐海琐谈》)

### 出哨遇飓

雍正十年六月二十八日，温属之玉环营守备邱宗义管坐“晏”字八号战船，责令出洋，遇飓。至二更时分，风势愈猛，将船打至官山洋面击碎，淹毙兵丁一十九名。守备邱宗义抱板得生，腿脚受伤。

瑞安营千总杨元管坐“清”字五号战船，是日遇飓。至夜，将船打至黄家山下击碎，千总杨元抱桨得生，腰足被伤，淹毙兵丁三名。又功加林逢春管坐“清”字九号战船，内兵三十名，余丁二名，同时遇飓，飘失无踪。沿边水陆探访，寻至虎石坑，见有本船字号推窗板并棋盘盖、后惨等物，又本船兵丁姓名年籍腰牌以及枪壳、火箭杆各项形迹，是该船实系沉失。

(明·《世宗宪皇帝硃批谕旨》卷一五九)

### 进士致仕

陈璋正德乙丑登进士第，疏归，欲终养。淑人让之，促北上。以戊辰抵京，值逆谨窃政，获罪，遂矫命令致仕。太宰许襄毅公宣于朝曰：“古今曾有以进士致仕者乎？”欲为周旋而力不可。同事者咸

•159•

强贿之，璋曰：“官以贿成，吾不为也。”即怡然就道。及家甫二旬而母淑人告终，识者以天所以成孝子也。

（明·过庭训《本朝分省人物考》卷五六）

**编注：**陈璋 字宗猷，号省斋，竹冈人。明弘治十八年（1505），进士，累迁至大理寺卿、刑部左侍郎。乙丑为弘治十八年，此谓正德乙丑，未确。

## 天 花 菜

陈璋升云南按察司副使，有武弁以赃非其罪系狱，鞫者咸冤之，而避嫌不肯决。及署臬，毅然曰：“吾知所矜者情也，所守者法也，何避而嫌之有？”即减而出之。乙酉，升太仆寺卿。濒行，武弁令其子驰数百里外馈以天花菜二囊。璋手之，觉其中皆金宝也，麾而还之。金事傅君尚文贴书称颂，而滇中至今以为美谈。

（明·过庭训《本朝分省人物考》卷五六）

## 县称神君

朱谏知歙县，其治锄抑暴强，植立孱弱。县有人诱富民子而杀诸山谷中，迹甚秘。富人讼于县，久之，莫能得也。乃淋浴默祷于神，神夜见梦。翌日，如梦捕之，县称神君。

幸淹彭公守徽，目其行事，叹曰：“朱令殆天才，吾弗及也。”时直隶最称歙县治。

（明·过庭训《本朝分省人物考》卷五六）

**编注：**朱谏 字君佐，号荡南，乐清人。明弘治九年（1496）进士，授歙县知县，历迁赣州、吉安知府。

## 庆贺表文

王瓚升南祭酒。六年，南礼部移文本监，撰述庆贺皇上尊慈圣康寿太皇太后、慈寿皇太后表文，瓚以非奉旨不敢撰述答之。部复查有成化二十三年旧规，本监乃与南翰林公同撰述。

（明·过庭训《玉堂丛语》卷六）

**编注：**王瓚 字思献，号助滨，永嘉场人。明弘治九年（1496）进士第一授翰林编修，历官国子祭酒、礼部侍郎。卒，赠礼部尚书，谥“文定”。

## 司寇大理

陈璋升大理寺卿，时锦衣捕获群盗数十人，罗织奏送法司定罪，中有十二人，实平民也。司寇静淹胡公世宁知其冤而未之出，送大理审。璋曰：“笞一减获于庭，不当其罪，人且得而议之，况置十二人于非命乎？狱虽成，不得不辨。”乃驳回。胡公喜曰：“此先得我心者也。”遂为开释。

一日，与胡公议罪不合，各奏请下廷议，竟是璋言，且行中外法司以为成式。未几，胡致政，语人曰：“陈公知法而能恕，司寇非此人不可。”胡，刚气人也，与璋若不合而卒敬服之如是。

（明·过庭训《本朝分省人物考》卷五六）

## 宜令致仕

嘉靖十四年七月己卯，御史曾翀、戴铣论劾南京兵部尚书刘龙、刑部尚书聂贤、刑部左侍郎陈璋、南京太常寺卿洗光各不职状。诏吏部秉公议覆：称龙等皆旧臣，无大过，宜留意。上召大学士李时，谕之曰：“近年言路不开，外廷咸归罪张孚敬；殊不知科、道官陈奏，大段多私。今吏部覆此疏，亦私意耳。贤老矣，与陈璋、洗光俱觉衰耄，宜令致仕。贤令自陈，全体貌耳。”翌日，遂诏璋、光致仕。

（明·张鼎《宝日堂杂钞》）

## 王瓊知陈璋

陈璋升云南按察司副使。云南去京师万里，邻接吐番诸夷，种类不一，多有不能尽法者，人或难之。宗伯王文定公瓊独曰：“为政不难。先生素不以势挠，不以利疚，严毅端方而出之以和，平恕慈祥而断之以义，施诸刑曹者，即其可施臬司者也。”

及至，果宽严相济，用得其情。

（明·过庭训《本朝分省人物考》卷五六）

编注：陈璋曾为刑部郎中，奉命审录福建狱囚，有《恤刑录》行世。

## 往谏受杖

毅皇帝欲南巡，陈璋偕郎中陆君俸等谏止，触帝怒甚，罚跪门五日，杖五十。先是，璋病痟，人皆惧而止之。璋曰：“食其食者死其

事，吾何以全身为？”奋然往谏。既杖，出，臂无完肤，伏枕阅五月而后起。太师张文忠公孚敬时方释褐礼部，亟往贺曰：“宠辱不惊，死生不贰，先生有焉。”

（明·过庭训《本朝分省人物考》卷五六）

## 玉环东程陈氏

世为闽之长溪人。五季时有曰似忠者，博学多才，学徒尊之曰东里先生，宦游温之乐成，遂定居于玉环之东程，是为始迁之祖。

（《介庸集》十三《云松居士陈君墓志铭》）

## 玉环陈氏迁乐清

陈君名良楚，字存禅，号慎吾。先世自贵八公以蒙古末由玉环迁乐成之迎恩桥，凡数传至桥滨公，即君之大父也。

（《汲古堂集》二十六《陈存禅生圹志传》）

编注：“蒙古末”谓元之季也。

## 林国材闭门著书

林斡，字国材，乐清人。崇宁初，士皆以舍法论秀登名。斡独不事举业，屏迹田里，闭门著书。居木榴山，因号木榴子。著《渊通》四十八篇，以仿老子《道德经》，著《覃思》十三篇，以仿扬子《法言》。其他著述颇多。

（《万姓统谱》六十四）

编注：与《郡志·隐逸传》互有详略。

## 温州全图

于郡守《温州全图》原识：“右图为玉环、温中、温左、瑞安四营。水汛为玉环、乐清、大荆、磐石、温城、温中、平阳七营，陆汛为玉环、永嘉、乐清、瑞安、平阳一厅四县。水陆兼辖，其舆地、海洋均查照新旧各图及志书考订无讹，惟旧图内乐清县巧与玉环厅、温中营与玉环营系以横址、双排为界，自嘉庆年间将乐清县及温中营原辖之山坪、札不断、鲳鱼礁、鹿西、口筐、东臼六处划归玉环厅、营管辖，故墨线改自横址直东，不复以双排为界。现查乐清县呈图，仍签称鲳鱼礁为该县所辖，系属错误。至瓯江口单、双冠两涂，郡《志》称为单昆、双昆，总名灵昆，向系永、乐二邑海涂，离玉环极远，不知何时改归玉环厅辖。现由玉环厅征粮，无从得其原委。今查《志》载‘温港出人船只，如在北港经曲，即赴□衙汎挂验，其失察事件悉归玉环营并乐清县专责，或由南港出人，即赴左营蓝田汎挂验，其失察事件，悉归镇标左营并永嘉县专责’等语，是两涂呈归玉环，而涂南水面仍归永嘉，涂北水面仍归乐清，官斯土者不可不知也。道光二十一年仲春月，彝香于鼎培识。”

（清·黄汉《瓯乘补》卷二〇）

编注：《温州全图》，于鼎培订。于鼎培，四川营山人，清道光十八年（1838）任温州知府。黄汉于此条后按云：“温属洋面各营、县所辖地段微有差谬，道光辛丑，于彝香郡尊荟萃新、旧图志，考核而订正之，绘为长图。其中各城、所及水陆塘汎、大小岛屿，纵横错综，了如指掌，题曰《温州全图》，并叙其订正颠末于左，视郡《志》旧总图较为联贯详核。刊刷分布，俾有遵守。”

## 闵鑑玉环之政

闵鑑，字照堂，南昌人。乾隆甲戌进士，任遂安知县。大计卓异，引见记名，升玉环同知。玉环地濒海，三面皆大洋，多盗贼。鑑严保甲，立捕缉限。海门隘口与营弁互相稽察，又多蠹役，前官每以亏挪受累。鑑悉心剔抉，吏肃而税足额。沿海煎盐，盐灶本官为收发，往往渔利。上官某求货于鑑，不听，曰：“竭穷灶户之钱以媚上，吾不为也。”邀衔之。擢延安知府，得任后数月不能行，衔之者始释然曰：“闵鑑果真清官也。”为称贷以资其行。

（清·同治《南昌府志》四十二《仕绩》）

## 玉环仙洞

介温、台二郡海中有玉环山，延广百余里，山海交错，地肥饶，兼鱼盐之利。旧为弃壤，惟滨海贫民拾虾蚌、采薪蒸者往焉。制府李公<sup>①</sup>以其逼近内地，宜就约束，选太平令张公坦熊开辟而镇抚之。度地筑城，垦田十余万亩，榷盐捕鱼，遂成沃土。设温台玉环同知，即擢张公往莅。时雍正庚戌、辛亥间也。

余分守温州，以公事至其地。张公治具招游仙洞，恍然得世外桃源。洞距城西十二里，千山环抱，径路幽折。瀑布数十丈，蜿蜒三折而下，汇为溪潭。潭侧有亭，有台，有船房数楹。四周树木丛密，多异花藤萝，莫能举其名。入坐良久，啜山中新茗，两腋风生，几忘此身在尘寰中。瀑布之上，遥望丛篁翠蕉间隐隐有一洞门，艰于足力，不能上。

余在毗九载，凡三至玉环，必憩息竟日，于山灵似有缘者。

（清·徐昆<sup>②</sup>《遁斋偶笔》卷上）

编注：①制府李公 指时任浙江总督的李卫。李卫，字又玠，江苏铜山人。清雍正年间曾任浙江巡抚、总督。

②徐昆 字国山，号遁斋，江苏武进人。清雍正元年（1723）恩科举人，官温州府同知。

### 出使朝鲜

陈钝，字斯钝，太平人，乐清籍。以孝闻，起家甲科。官行人，历使远藩。至朝鲜，世子亲馈，毫无所受，凡再进再却；且谕以诗，有“天使非关贿赂来”之句。进文选郎中。乞休，归竹冈。有《全归集》

（清·戚学标《台州外书》卷三）

### 披山洋之役

温州海洋辽阔，为盗匪出没之区。近日此风尤炽，而舟师所获，不过零星小伙，故无所忌惮，积日滋多。

戊申腊月十七日，新获任叶玉田镇戎万青巡海至披山洋，遇洋盗大船五只，率所属战船悉力攻击，生擒巨盗林蒂等五十余名，又登时击毙及轰沉落水数十名，救释被胁难民数十名，并收获炮械无数。余因过镇署，亲见堂上器械林立，有大炮六位，并重至数百斤，皆从盗船中运来者也。

是役获盗颇多，为近今所稀有，故闽中大府颇以为疑。余因致书详哉言之，亦冀后来者有所劝云尔。

（清·梁章矩《浪迹三谈》卷四）

编注：戊申 指清道光二十八年（1848）

### 灵干岛飓灾

温州永县状元桥外有地名灵干者，其地为屿，兀在海中，周回六七十里，成一大村落，烟灶计千余家。前数日飓风大起，洪潮直立，高与塘齐。屋宇倾塌，一扫而空，其间无老无少，均葬鱼腹，至尸身随流漂没，有夫妻以发相结者，有一家七八人以布带系腰就死者，海滨诸乡，纵横于涂边无数，举目之下，实动悲酸。

（清·林 骏《颇宜斋日记》）

编注：灵干 或作林干，即灵昆岛。位于瓯江入海口，原属玉环厅管治。

### 永嘉邑居图

郭若虚<sup>①</sup>《画论》有陶弘景《永嘉邑居图》，考之地志，如木流屿<sup>②</sup>、永宁山、绿嶂山、白泉、乌石，均为宏景<sup>③</sup>流寓之区，见有遗迹存焉，第不知所图者果何属耳。苏长公诗：“能使江山似永嘉。”则永嘉山水，著名非一日矣。

（清·劳大与《瓯江逸志》）

编注：①宋郭思《画论·叙图画名意》云：“风俗则南齐……陶景贞有《永嘉邑居图》。”按作《画论》者为郭思，非郭若虚；若虚所撰别有《图画见录》一种。郭思为郭熙之子，元丰间始成进士；若虚则于熙宁时已立朝。又据《画论》，作图者为陶景贞，亦非陶弘景，疑别是一人。此条亦见明姜准《歧海琐谈》卷四，所误相同，特为辨别如此。

②木流屿 即今玉环之木榴屿(旧属乐清)，亦即前蜀杜光庭《名山洞天福地记》所渭之玉璫山，为道教第七十一福地。

③宏景 即陶弘景，字通明，号华阳隐居。南朝梁时秣陵(今南京)人。相传曾至永嘉，入楠溪青峰山修集《真诰》。今永嘉、瑞安，皆有其遗迹。

## 死有异香

乐清西乡高垟林邦光初居玉环鹿西岙，业渔。后旋里，力任地方公益，如浚河、筑路、兴学、平粜、施医、掩埋诸事，无不乐助。每日课诵《三官经》及《大悲咒》各三卷，十余年无间断。民国十五年十一月二十日得微恙，次日七时起坐，垂目十分钟许而逝。歿时异香满室，傍侍者咸闻之。卒年六十有六，子六人，孙十人。

(清·刘绍宽《果报征信录》)

## 气候之异

《温州府志》及各县《志》并云自温峤以西，民多火耕。虽隆冬恒燠，故名温州。余初闻而喜之。于丁未十月二十六日抵温。初尚喧霁，冬至前后则连日阴暗。风雨交加。逾月不止，而寒谊愈甚。始窃叹尽信书不如无书也。至岁除早起，则大雪纷如。金谓数十年来所未见。窗前有大腊梅一株。嫌其为狗英，略弗盼睐，至是乃竟成琼柯玉叶，幻出奇观。思作一诗以纪之，而瑟缩畏寒，弗能成句。至晚而雪愈大，乃口占五十六字云：“温州自昔以温传，我至方知不尽然。匝月顽阴长蔽日。连江寒雨欲弥天。忽看急雪来残腊。喜趁新春人旧年。独有客窗增栗烈，裹头只合酒为缘。”

次日元旦，忽大晴，急披衣起，则朝暾射眼矣。复得五十六字

云：“欣报窗暾照眼开，庭柯噪鹊已喧腾。谁知苦雨穷阴后。也有祥风暖旭来。半日阳春初布濩，万家淑气早恢台。老翁事事成疏懒，但转吟肠日几回。”此真打油腔也。以纪温州气候之异，姑题为《除夕大雪》。《元旦新晴》二律。

(清·梁章钜《浪迹续谈》卷五)

## 风 痴

自夏徂秋，常观云以候风。日间云或黑或赤。低重凝澄，密而不散，则居民海贾，咸以为忧。方末风时，蒸溽特甚，而波涛山涌，若或驱之，谓之“海动”。既而暴风起，其色如烟，其声如潮，振动天地，拔木飘瓦。风稍息，则雨大倾；雨稍霁，则风复作。一日之间，或晴或雨，无虑百数。谓之“风痴”。其始发东北，微者一昼夜，甚者三数日。已而复有西南之风。随其一昼夜、三数日以报之。谓之“风报”。凡风雨作，则无雷；唯得雷而后则霁止之期。每五、六月以往，邦人率以为可虞，造秋、冬方始相庆，谓谓可无恐。方风之采，狂暴而喧虺不止，故谓之“痴”。

宜斋曰：康熙甲子六月廿九日，狂风大起，拔木飘瓦，人人惊恐，才得二日耳。乙丑七月十六日，天气忽变，骤雨狂风，或晴或雨，几至月余。真有如前所沃者。兼之湿热困人，不能终日。苦不可言。日候雷发，杳不闻声。所云秋、冬相庆。何未尔也？书此以志闷。

(清·劳大与《瓯江逸志》)

## 二

《韵会》：“飓，海中大风”。《投荒录》：“岭南诸郡皆有飓风。以

四面风俱至也。”《南越志》：“飓风者，具四方之风也。常以五、六月发。”永嘉人谓之“风痴”。

余在温住久。尝遇风痴。大概六、七、八数月之间。雨后忽见淡日色。即有五色之晕如带，起于云间，长竟半天。与虹相似。一、两日内，风痴必作。据余目验，其字从贝作颶。义似较胜<sup>①</sup>。至前说具四方之风，取名为颶。余见温郡之风，每日东南风居多，即风痴亦然，未见必具四方之风也<sup>②</sup>。《瓯江逸志》言：“一日之间。风稍息则雨大倾，雨稍霁则风复作，谓之风痴。”亦不尽如是。大概发时必一昼夜。若不即息，则必至两昼夜，其时得闻霹雳。可望即止。

《志》引万历《志》云：“有风痴草<sup>③</sup>，其叶一折，风痴一次；二、三，如之。土人恒占焉。”又引《瑞安县志》云：“草生山间。其叶如箸。每年视叶之截，知风之次数及先后。”近日俗入并言此草惟余学署有之。恐不足信。余见草形与茅草相仿佛。就以所折之数验风痴之数。亦多不合。姑妄言之。姑妄听之而已。

（清·孙同元《永嘉闻见录》卷下）

### 三

风痴者，飓风也。立秋先后。如数日阴雨无雷。则风痴将作。作则风起雨止、雨起风止。数日不休。海船遇之必倾。故航海者有“停秋”之说。风痴闻雷则止每以为验。

雷亦每有所击。或人，或树木。岁频有之。岂海上为蛟龙窟室，风雷故多灵异与？

（清·郭钟岳《瓯江小记》）

编注：①颶 字书或作“□”。宋戴侗《六书故》卷二〇云：“颶”，海之灾风也。俗书误作‘颶颶’”。明杨慎《升庵集》卷七仁四有“颶风”条。引佛经“风虹如贝”及柳宗元诗“颶母偏惊估客船”。

唐庚诗“云黄生颶母”等例为证。

②原注：《康熙字典》“颶”字注载李西涯讥许氏从具，谓具四方之风，乃北人不知南人之候。误以贝为具耳；今检《说文》，并无“颶”字，不知何据。

③风痴草，又名知风草、迷阳草。

## 俗务外饰

温限山阻海。地不宜粟、麦，而事鱼、盐。务桑、麻。织席贩木。得利颇饶，地称殷富焉。然其俗务外饰而好游观。宴会必丰腆，嫁女必盛装奁，优伶是尚，歌舞相矜。士子入泮后，求婚者累累。卖婚之议，固昔人所讥，而习俗相沿，遂恬不为怪矣。惟是家爱读书，士不入泮，终不定婚。

（清·纳兰常安《受宜堂宦游笔记》卷二八）

## 俗风近古

民勤于稼穡，比他处游惰较少。乱后杭、严、湖等处招垦，平阳、瑞安之民每远徒就垦。然本地山陬海隅不乏沃壤，使能食之地皆耕。则民不待远徒而后可也。

地居偏僻，俗风近古。缘民心机变不熟。故末与时变迁。若以敦庞之习言之，转深幸其不为遇都大邑矣。

（清·郭钟岳《瓯江小记》）

## 地僻人美

壬辰六月四日，有平阳北港山门人来馆。自说其村方数十里。

内皆以番薯为粮，米饭惟尊客得食。无瘟疫病，人多寿，谓是饮食淡泊所致。地瘠而贫，称为富室，亦无多田产。不过十亩、廿亩而已。虽有鱼虾，贩者、买着并少。蔬止所种菜，或采蕨腌之，味甚清。婚礼尚行古奠雁仪，合卺日，某时吉，即迎妇以归，不必昏时也。

(清·赵 钧《谭后录》卷下)

### 楹 联

好书楹联榜门首，婚丧喜庆，随时易之。尝见门首联“牛眠卜吉，马鬣封荣”云者。余讶以为生圹。询土人，知卜葬后所用。以墓圹句施诸户首，可骇可笑，想不学者方如此也！

(清·郭钟岳《瓯江小记》)

### 祭 灶

灶为五祀之一。致祭礼须牲鲜。《月令》注所谓“夏祀灶，祭先肺”是也。温俗以灶神不茹荤，备列素食。佐以火米豆糖。几同儿戏。

(清·金 璞《漱芳斋卮言》卷三)

### 滚 灯

元宵节有滚灯之举。削竹为骨，黏纸为龙。头之大者，至数十抱。儿童逐其下，状至可哂。薄暮上灯，光彩焕发，亦颇有可观处。

(清·孙同元、徐希勉《永嘉闻见录补遗》)

### 燐 春

瓯俗，每岁立春之时，燃樟叶、爆竹于门、堂、奥、室诸处，名为燐春。口号云：“燐春，燐燐；猫二眼光；燐燐，老鼠眼摸糖。”盖咒鼠目之瞎也。有应者，终年鼠患为稀。

(清·黄 汉《猫苑》卷上)

### 二

温州俗于春至时，大户院落及小户门首皆预折樟树一小枝。带叶烧之，并有俚俗咒语。名之曰“□春”。

(清·梁章钜《浪迹续谈》卷五)

编注：□春 即燐春。梁章钜释云：“按《集韵》。□音谈。燎也。瑞安洪守一《重辑俗字编》谓温人于立春日焚樟叶曰□春。”

### 清 明

清明扫墓。必广邀戚友宴集舟中，击鼓铿金，声闻数里。故每二、三月，南河一带。画船箫鼓，络绎不绝。从旧例也。

(清·孙同元、徐希勉《永嘉闻见录补遗》)

### 二

清明日，瓯人小儿及猫、犬皆戴以杨柳圈。此亦风俗之偏。

(清·黄汉《猫苑》卷下引《瓯中纪俗诗》)

编注：《瓯中纪俗诗》 朱烽著。朱烽，字炼之。本名联芝，永嘉人。眇一目而有学行。清道光十一年（1831）卒。《猫苑》引其《瓯中清明纪俗诗》云：“女猫男犬贱称名，杂养贪教易长成。圈颈一般新柳绿，今朝佳节正清明。”

## 竞 渡

端阳节竞渡龙舟。好事者争先恐后，时有坠足灭顶之祸。官厅虽悬为厉禁。终不能梗众议。恶习移人。良堪浩叹！

（清·孙同元、徐希勉《永嘉闻见录补遗》）

## 龙船银

吾乡端节龙舟竞渡。俗例必向初定婚婿家索搞赏费。有下湾钱某间赤岩公家粜谷。抵暮，还谷取钱。公问：“价昂耶？”曰：“否，我有子。聘于贵族。需龙船银若干。我乏钱。宁忍饥以付。不敢违例。”公笑曰：“若第携谷去，龙舟费，吾为若偿。”即日会亲族，语以故，禁龙嬉毋为姻戚累，乡里便之。

（清·戴炳聰《戴氏旧闻录》）

## 尝 新

新谷既登。必祀其先。然后老幼聚食之。名曰“尝新”。荐其时食，礼也。

（清·郭钟岳《瓯江小记》）

## 麻糍糖糕

麻糍，以米粉为粉团。糖糕，以糖粉为糕。聘婚纳采日，婿家送数百双，多至千数于女家，女家分送诸戚。诸戚赠嫁添奁，视麻糍、糖糕多寡为等级。

（清·郭钟岳《瓯江小记》）

## 筵 坐

新婚有坐筵<sup>①</sup>之礼，余久闻其说。壬寅四月到永嘉次日。有王氏娶妇，余往观焉。新妇南面坐。旁设四席，珠翠照耀。分已嫁、末嫁为东西班。重门洞开。虽素不识面者，听入平视，了无嫌猜。心羡其美，则直前劝酒，女亦答礼。饮毕。回敬来客。

其时向西坐第三位者，貌最佳。余不能饮，不敢前，霞裳欣然揖而酬焉。女起立俛拜，饮毕，斟酒回敬霞裳，一时忘却，将酒自饮。候相呼曰：“此敬客酒也。”女大惭。嫣然而笑。即手授霞裳。霞裳得沾美人余沥。以为荣。

大抵所延皆乡城豪者，不羨不请。请亦不肯来也。太守郑公拟为非礼。将出示禁之。余曰：“礼从宜，事从俗。此亦亡于礼者之礼也。”乃赋竹枝词六章，有句云：“不是月富无界限，嫦娥原许万人看。”太守笑曰：“且留此陋俗，作先生诗料可也。”诗载集中<sup>②</sup>。

（清·袁枚《随园诗话》卷一二）

编注：①清周瀕《藕农文钞》有《书坐筵事》云：“坐筵礼，昏礼后三日，或七日，行庙见礼，延亲友老少女眷与新妇相见毕，排列盛席，新妇首坐。老少以次陪坐。用客礼也。至更席，宾党上坐。新

妇下坐，用主礼也。其时门轩洞开，鼓乐喧闹，灯火如昼，照耀珠翠，望之者隐如仙宫。约半夜而毕。在昼者至日昳而散。约用《仪礼》昏礼》文，则其风古矣。”

②袁枚《温州坐筵词》六首，见《小仓山房诗集》卷二八。其序云：“温州新婚三日。其家张饮设乐，遍延郡中聚者东西列坐，新娘南向。主人多户，任客闹入平视。不以为嫌。悦某美。飢往斟酌酒，某酬毕。随使拜答之。报爵则小往大来，故非洪于量者亦无敢先焉。相传不如是，则其家氏系不繁，故非殊丽不延。延亦不肯来也。余久闻此说。疑是谰语。四月十九日到永嘉。二十日王氏新婚。二十二日晚坐筵席。余往观，信然，遂命霞裳引例成礼。”

### 聘死婚

俗之未婚而死者。当立嗣，须聘一已死女子为之合葬，然后立嗣。谓嗣子不能有父而无母也。而女之死者，生前已许字未嫁，其尸可别与死后聘定之家合葬。若生前聘定之不愿，则必听女家需求。必满其欲，方得将棺槨领归，否则。改适之名蒙于地下，使薄命之红颜为不贞之白骨。虽多方劝诫，必谓仓舒末殉，庭坚不祀，其惑固结而不可解矣。噫！

(清·郭钟岳《瓯江小记》)

### 少女画眉

女未及笄而鬟鬓画眉。土人云：否则，貌美者恐为洞主摄去作妇。相沿如此。呜呼！此亦河伯娶妇之故习也。安得宰此者一作西门豹哉！

或谓明张孚敬当国时。有奏请选温之闺媛为妃嫔事。故饰女

为已嫁之貌。余思罗山品行虽卑。当不致此。

(清·郭钟岳《瓯江小记》)

编注：张孚敬 即张聪，字秉用，号罗峰，永嘉人。明正德十六年(1521)进士。嘉靖时官至大学士、内阁首辅。明世宗赐名“孚敬”，赐字“茂恭”；卒，谥“文忠”。世人称之为“张阁老”。

### 解筵开路

俗例，产生男女三日内。其家必延道士焚符诵咒净坛。名为解筵，即解秽之意。人死。于大殓后。延僧道诵经忏读净旨。名为开路。惟二房含斋公、赤岩公两家除此积习，传至子孙。仍踵行之，即住居四退屋者，亦然。故二房有“生不解筵，死不开路”之俗语。

(清·戴炳聰《戴氏旧闻录》)

### 新妇三朝坐筵

若新妇三朝坐筵，则陋习相沿已久，不过即三朝庙见之礼踵事增华、变本加厉而已。盖是日专延女客，不延男客。而稍有瓜葛之男客皆得约伴牵连而至，直抵筵前，并可周览新房，主人亦不之禁。若袁简斋老人所云，客可与新妇互相酌酒。并可择筵中之貌美而量洪者，以巨觥相劝酬。则询之此间衿耆，实无其事。间有无赖少年藉口于简斋老人之语而稍露萌芽者。即为贤太守所惩创而止，简斋老人于裙履脂粉之艳谈，无不推波助澜以助诗料，初不计其言之过情。其诗所云“不是月中无界限。嫦娥原许万人看。”亦是强词夺理，并非事实也。

(清·梁章矩《浪迹续谈》卷二)

## 截疫鬼

龙畏铁。虎畏绊。故凡滨海人家，夏日常搬铁器压放瓦上，以却龙也；山陬人家，常以草绳绕屋打圈，以却虎也；是皆实事。至于邻境有瘟疫，亦以草绳横隔其路。谓截疫鬼于绳外，盖取绳同城之义。然里俗臆想，未免往往有此不经。

(清·黄汉《虚受斋随笔》)

## 获病祈禳

昔东瓯王信鬼。其风至今未替。故俗获病祈禳，演剧酬神之事，终年不绝。上之好。下必好之。官，为民上者，可不慎诸！

(清·孙同元、徐希勉《永嘉见闻录补遗》)

## 祷 痘

温人好巫信鬼，所最不解者，若有疾病，必祷于神。祷之日，虽亲族不得询问，医者不得诊治。有误问疾者，主人视以为仇，谓为其冲破。其祷不应。或三日、五日不止。遂坐致其病由浅而深，由可药而不治。

愚谓淫祀巫祝有于例禁。若此者。当坐以见死不救罪，更照服制加等。

(清·郭钟岳《瓯江小记》)

## 师 公

师公，巫也。每遇大旱，则于野叠方桌七、八张。旁立二竿。师公白衣登其巅，攀竹跳跃而呼“皇天”，窃有应。

(清·郭钟岳《瓯江小记》)

## 纳猫法

瓯人纳猫，用草代箸。量猫尾同其长短，插草于粪堆上。祝之：“勿在家撒屎。”与《通书》大略相同。

(清·黄汉《猫苑》卷下)

编注：《通书》指《崇正辟谬通革》。《猫苑》引《通书》曰：“纳猫法：用斗或桶，盛以市袋。至家讨箸一根，和猫盛桶中携回。路遇沟缺，须填石以过，使不过家，从吉方归。取猫拜堂、灶及犬毕，将箸横插于土堆上，令不在家撒屎，仍使上床睡，便不走往。”

## 种稻之法

地多沃衍，稻再熟。盖温俗种稻，先插早禾；毕，即插晚禾于早禾行空处。早禾长。晚禾荫于其下。早禾刈，剔其根以壅之。地本沃饶，且气温早熟，故晚禾仍及秋成。晚禾得早禾之雍草以肥之。亦易成熟。所谓再熟者，待熟有先后耳。他若山巒黄土，多种番芋，土人贫者以代谷食，或切末丝，或磨而为面，诚救荒之助也。

(清·郭钟岳《瓯江小记》)

编注：明长谷真逸《农田余话》卷一，即有关于温州双季间作稻的记载，其法与本条所记略同。又清初裘君弘《妙贯堂余谭》卷六亦云：“宦甿者言甿俗早、晚两秧同时而植，参差田中，根苗不乱，特刈获有先后耳。”并可参阅。

《御定佩文斋广群芳谱》卷八云：《伪越外纪》：“稻一年再熟。今浙江温州稻一岁两种，广东又有散种田，地气暖故也。”

## 老 师

称工匠为老师。旧岁学官圯，工匠咸集。余偕同寅及诸生经始，而役作诸人无不称匠人以老师者。余笑谓：“奈何以我之称称彼。”客有起而请曰：“彼呼役事之师。公号词坛之匠，莫怪篇？”

（清·陆进《东瓯掌录》卷上）

编注：清陈其元《庸闲斋笔记》卷四曰：“古之官名，今拟之呼执艺者。难发曰待诏，工匠曰司务，典伙曰朝奉，皆不可解。”明、清六部官有司务。以司务称工匠。为明、清时习语，温州方言司、师同音，其称老师者，或即承明、清“司务”一语而来，其字宜写作“老司”。清光绪三十二年（1906）永嘉县《伞业各司铺重整条规示谕》碑文。有“在店之司”、“在店老司”等语，似亦可证“老师”实应作“老司”。

## 𡇗

各乡多以“𡇗”字为地名。《康熙字典》不收“𡇗”字，疑即隩字之变体。《尔雅》：“崖内为隩。”《说文》：“隩，水压限也。”又里名俱称为花。其名甚雅。

（清·孙同元《永嘉闻见录》卷下）

## 食物志

永嘉诸生李朝贤，字首愚，于迁徒后著《瓯江食物志》，以胎后人，虽鳞介之族繁不止此，即此亦足以见泽国之风味矣。《志》云：

黄鱼，初出水黄如金色，故以为名。脑有石如羊脂，故又名石首。捕自内江，则称户鱼。俗以竹扦江，如列户然。捕自外海，则称豹鱼，子发欲放，水中声如豹吼。四时皆备，尤盛于春。其利不可以万计也。

鲈鱼，巨口细鳞，味不下松江之鲈。粗者日黄鮰，又粗者曰茅口。春夏有之。

鲨鱼二十四种。小者重斤数两，翅晒干，味最清脆。大者数百斤，能食人。

鳘鱼，有十数斤，巨鳞阔口，膘与脑俱佳。

带鱼，长可三四尺，形如白练，与鲳鱼并味。

鲳鱼，形如满月，无雄，求凡鱼为匹，称为鱼中娼。

鱠鱼，类赤鱬鲤，味平平耳。

鯙鱼、乌鲤、八须、马鲛，亦有食之者，鄙不足贵。君鱼、王鱼、火鱼，又次之。魟鱼腥甚，最贱，成群更名纖。

鳗有河鳗、江鳗、海鳗，状皆如蛇。

鱠鱼，又如河鳗，于田中得之。

白鱼、马鲛、社鱼，身小类刀。惟社鱼春社而生，多子。以油煎之，或火炙成干，皆美。

梅鱼，则石首之小者也，终其身为三寸。

比目，烹不可著铁，以香菇麻油蒸熟为宜，即四明所谓辖鱼也。

油蜃、沙鳅，小不足数。

跳鱼如鳅，又名弹涂。

银鱼，细白鲜美，以绿豆粉调羹为上。

海水之鰐，鲜而少骨，滑而不腻，干曰龙头扣。

鯈鱼，一名网儿鱼，鳞稀似网眼，自冬而春有之，乃若则鱼之细者。

鮓鱼，大者重十余斤，鮓鱼味弗及焉。

鲫鱼，河海皆有，海脚骨硬难食。均不若湘潭之妙。青鳞细小而青胜。

妖孽鱼，每从海提之而上，其光如灯，遂名鬼灯鱼。

\* 乌鵲，满腹皆黑水，又名墨鱼，晒干名“明脯”，味如潮州之马夹柱，福清之江瑶柱，骨曰海膘鞘。

虾，有江虾河虾，红白大小不一。惟盐淡水汇而生者，曰蚕虾，味清而质厚。条虾，皮嫩肉细，亦佳。对虾，相其材而匹之，非果有比翼连枝之奇。虾饥，一箸可得数百枚，重盐甜糟腌而成酱。虾狗，形如穿山甲，多鳞多脚，煮汤为美。

江蟹，双螯八足，膏结如琥珀，非河蟹可比。乡人生食之。蝤蛑，状亦如之，月满则瘦，月晦则肥，肉又美于江蟹，净以和羹，不假别味，固自足耳。彭蜞大脚，越无讥焉。

春夏煮汤则花蚬、瓦楞、蛤蜊、蛏子，皆上品也。蛤蜊最大者，肉出一寸，细嫩而白，曰“西施舌”。

冬而历春，又有壳菜，一名淡菜，又名“东海夫人”，以其形如牝户也。

鬼眼，露肉，有壳无盖，体圆不满半寸，五官皆无，抽其肠如小丝。

海柿虾，无壳无皮，去其附体之砂，则呵食。

喉嘴蛎，膏皆岩髓也。性寒，偏宜于冬。

螺则香者供上席。乌螺肉小，碎而爽，以醋调之，汁皆成冻，亦

有冷趣。其余则犹土铁之细者，为贱者之食也。

鮀鱼一名海蟇，头红身白，浮漾水面，以虾为目，动则沉。此鱼一发，利可数千金。

章鱼，头光，八须，称为“海和尚”，小曰“既崛”，大曰“望潮”，即郭《赋》所谓崛蟾也。

沙蒜，酷肖人势，鼓之益壮，如知人道，又不可与“东海夫人”、“海和尚”同日语耳。

草金鱼，头尾如鲤，色淡红而黄，长大不等，穷谷之人豢而食之。

介鱼若鳖，随地皆产。此皆常供匕箸之需者。若海错之中，生平所食而不及复尝者，尚多也。

右李《志》若此。余任瓯日久，邀惠阳侯备悉其味，姑录之以俟续志《齐谐》者采焉。

(清·陆进《东瓯掌录》卷下)

编注：西施舌 即海蚌。清纳兰常安《受宜堂宦游笔记》卷二八云：“西施舌，似车螯而扁，生海泥中，一名沙蛤。长可二寸，常吐肉寸余，类舌。俗以其甘美，因名。”

## 海 错

龟脚即石蜐，郭景纯《江赋》：“蜐应候而扬葩。”注引《南越志》云：“石蜐形如龟脚，得春雨则生花。”江淹有《石蜐赋》序云：“一名紫器”。又《本草》作石蜐，一名紫蜐，生东南海中石上。又《平阳县志》一名仙掌。吾乡谓之促蜐，其花似爪，爪下皮内有肉，甚美。惟长乐海滨有之，不能至福州。余至长乐始得屡食，而署中上下内外人等皆末曾见过，方相与笑诧其形，更不知如何烹制矣。

海蒜即吾闽之涂笋。郡《志》引《海族记》云：出沿海，又名涂笋，则与吾闽同。其状如蚯蚓之大者，浑沌无首尾头目，而其味则绝美。庖人不知煮法，厨下仅一闽人，亦未曾见过，故至今尚未得朵颐。瓯江虽有此物，想土人亦所不嗜；即如海鳗，为鱼中佳品，而土人不敢鲜食，必腊之而后登盘也。

蛎具体而微。郡《志》引《天中记》云：乐清县新溪口有蛎屿，方圆数十亩，四面皆蛎，其味偏好。谢灵运《答弟书》云：前月至永嘉郡，蛎不如鄞县。又引永嘉旧《志》云：瓯江蛎黄，最佳。余至此，每日皆饱餐之，然味略如吾闽之石蛎，洛阳桥下最多，不如长乐所种之蛎房，其肥美足为海错之冠也。

蚶味与吾闽相仿，而质较小，故肉与血皆不能丰满。浙蚶以奉化所产为最佳，杭州有之，而温州转无，则以本地所产既充，不必借才他处也。然《温州府志》“物产”门却无蚶，不知何故。

石首鱼、江瑶柱、西施舌随时皆有。平心按之，石首鱼不如福州，江瑶柱不如宁波，西施舌不如登、莱、青各府，聊充常馔，不足为口福之夸也。

（清·梁章钜《浪迹续谈》卷二中蛙）

编注：清孙同元《永嘉闻见录》卷下曰：“又有龟脚，先用水煮熟，再用酱油、甜酒醉食，味亦鲜美。”今温州食龟脚仍用此法。

### 温郡多鱼

余性不嗜鱼，温郡鱼类甚多，而腥气较甚。三四月间，有子鲚，用香油煎食，尚可适口，其味美盖在子也。苏州则晒干纸包，以为下酒之品。又有香鱼，为乐清雁山五珍之一。干，色如黄金，温人以为美品，其实淡而无味。又多墨黑鱼，又名乌鰋，亦名乌贼。《正

字通》：“状如算羹，无鳞，两须长似带，腹下八足，聚生口旁。缩喙在腹下，怀板含墨，见人及大鱼至，则噀墨，方数尺。背上一骨，独厚三四分。两头尖，色白，轻脆如通草，入药名海漂鞘。俗又呼为‘明府鱼’，以含墨噀人，义同贪墨之吏耳。煮不易烂，味亦绝淡，毫元足取也。”

（清·孙同元《永嘉闻见录》卷下）

### 石首鱼

石首鱼，四五月有之。浙东温、台、宁波近海之民岁驾船出海，直抵金山、太仓近处网之，盖此处太湖淡水东注，鱼皆聚之。他如健跳、千户所等处固有之，不如此之多也。金山、太仓近海之民仅取以供时新耳，温、台、宁波之民取以为鲞，又取其胶，用广而利博。

（明·陆容《菽园杂记》卷一二）

### 龙头鱼

龙头鱼，俗名鼻涕鱼。钓带鱼以此为饵，亦可食。贡，张罗山奏罢之。

（清·郭钟岳《瓯江小记》）

### 章 鱼

章鱼如羹，土名“蒙皂”，盖望潮也。

（清·郭钟岳《瓯江小记》）

编注：按清黄汉《瓯乘补》卷三云：“望潮状与章鱼虽相肖，颇小而短其须，有可辨认。望潮多食无弊，而章鱼有微毒，多食则饱慄不安，俗谓之‘章鱼霸’也，须樟树柿煎汤解之。”据此，则章鱼与望潮状虽相似，而实为两物。

### 跳 鱼

跳鱼，状如蜥蜴，名弹涂，俗呼若“阑胡”。潮退，土人于泥中拾之，可食。

（清·郭钟岳《瓯江小记》）

### 阴 阳 之 产

《唐韵》：苴，音涅，菜名，似蒜，生水边。今温州有之，名沙蒜，其茎酷似男根。又有淡菜，绝类女杀，亦阴阳之产也。

（明·杨慎《升庵集》卷八〇）

### 蝤 蛴 斗 虎

余过蒲门，卢主人出蝤蛑作羞，大如锅盖。余疑非常类，主人曰：“此犹小者也，其大者，则此处城门仅足容其身耳。”余尚不以为然。后读方信《颖书》载蝤蛑大者，八月能斗，虎不能胜。于是信主人之言非谬。

（清·黄汉《虚受斋随笔》）

### 香 螺 海 月

香螺味亦佳。又大如小镜，白色，正圆，其柱如搔头者，曰“海月”。与江瑶柱等，其味甚美。沈一中尝称其乡之海错，如海月、江瑶柱，可敌三吴百味。

（清·纳兰常安《受宜堂宦游笔记》卷二）

### 蓼 螺

蓼螺，无毒，主飞中游蛊。生食，以姜、醋进之弥佳。生……海中，味辛辣如蓼，故名蓼螺。

（宋·唐慎微《证类本草》卷六）

### 右 旋 螺

温州海滨有以右旋螺壳来售者，其质甚小，横径不及寸，而使不过寸余。因忆吾闽藩库所藏之右旋白螺，其大视此螺不啻十倍。知此其细已甚，未必通灵，且所价甚昂，遂置之。

（清·梁章钜《浪迹续谈》卷五）

编注：旧称右旋螺能镇风暴，航海者携带于舟，则吉祥安稳。清嘉庆五年（1800），赵文楷、李鼎元充册封琉球国使，蒙赐右旋白螺，供奉舟中。后此螺留福建布政使司库，凡使者渡海，皆携以自随。

## 红螺

平阳有红螺，一名香螺。

(清·黄汉《瓯乘补》卷三引《雨窗琐录》)

## 木履山

《永嘉郡志》：乐成县木履山东带采海门，凡海采者皆由其门，故以为名，多香螺、艾蛤之属。《太平御览》九百四十一鳞介部引《永嘉郡记》同。孙诒让按：今乐清无木履山，盖即木榴山，履、榴，一声之转。附考：采海门疑即大门、横坎门、楚门一带所属，凡海艘皆由此出入，其东岛屿错列，产螺蛤尤盛，海采者四时不绝。

(清·光绪《玉环厅志·存疑》)

## 张隐居

《永嘉郡记》：乐成县民张荐者，隐居颐志，不应辟命，家有苦竹数十顷，在竹中为屋，恒居其中。王右军闻而造之，荐逃避竹中不与相见，一郡号为高士。《太平御览》九百六十三竹部引《永嘉郡记》同。吴淑《事类赋》、无名氏《五色线》、万历《温州府志》三引并同。惟皆以荐为薦。按：玉环有大小苦竹岙，其地多竹，一名普竹，近接西青山，旁有仙人洞，又名小霞洞，相传张小霞隐此飞升，或疑即张薦也。附识俟考。

(清·光绪《玉环厅志·存疑》)

## 谢公山

即寿星山，在十三都琛浦山巅。土地平旷，峰峦秀丽，今皆谢姓居此，俗名谢家山头。相传谢康乐游山至此，故一名谢公山。按：谢灵运《游名山志》载：地肺山谓之木榴山，一名地肺。徐坚《初学记》引之。孙诒让校集《永嘉郡记》序文亦有“地肺探幽，名山著其游志”云云，似谢公当日游屐曾经之处。地以人传，殆其然与。

(清·光绪《玉环厅志·存疑》)

## 石峰山

古城头山南有石峰山，相传前朝有仙人驱海石筑寨城，路遇土人，问：“有群蜂飞过否？”答曰：“无之，但见石耳”。石遂纷落于此，至今石黑土赤，遍山攒簇，宛如群蜂。苏海诗：当年驱石作蜂飞，谁向山前识破机。今日黄花开满地，蜂群攒簇石成围。成羊喷饭事依稀，一落空山久不飞。拟割蜂房收石蜜，是蜂是石未全非。

(清·光绪《玉环厅志·杂事》)

## 正阳得名

乾隆间，有丁先生，瞽双目，寓西城外杨府庙，善子平。夜梦双目忽明，正见太阳当空照耀，狂笑而醒。醒则双目如故，又大悲而哭，坐以待旦。适林廷鉴举一子，以年庚嘱其推算，先生喜谓林曰：“不意夜间所梦应在君家，此子将来必贵显，吾为若名之‘正阳’，二字可以持赠。”后正阳官至总兵。

(清·光绪《玉环厅志·杂事》)

## 龙过门

嘉庆间秋七月，楚门村妇女在园地收采棉花，忽闻腥臭，仰见一龙蜿蜒自龙过门出海，尾垂于地，鳞爪光明照耀，微雨随之，众皆屏息。须臾雨霁，空中落鱼虾无数，满地跳跃，纷纷拾取食之，味甚鲜美。

（清·光绪《玉环厅志·杂事》）

## 白龙山有龙母

乐清县东白龙山有龙母宫塑像，虔诚迎请，祷雨辄应。道光间玉环亢旱，官民诣白龙山迎像渡铧锹，众见白龙蜿蜒随帆过海，微雨洒空，比至山川坛。龙复从庭樟挂下，鳞甲宛然，大雨倾盆约两时许，溪河横流，枯苗勃兴，重为装塑神像，修葺龙宫，送还山焉。嗣后每逢久旱，诣请下山，亦无不大沛。

（清·光绪《玉环厅志·杂事》）

## 村落间鱼虾遍地

嘉庆间飓风大作，淫雨倾注，溪河一望无际，忽半空云气中有物下垂及东岙河，旋缩而上，河水尽涸，少霁，见山腰村落间鱼虾遍地，而河水仍盈溢如故。

（清·光绪《玉环厅志·杂事》）

## 海鳅浮毙水中

道光间，鸡冠山渔船出洋，有海鳅浮毙水中，割其背肉，满载十余船，始用钩索系大商船尾曳上滩头，剖其腹，得人手足爪甲数升，肉不敢食，煎油以然灯，锯断脊骨，每节可容谷数斗，人皆取之以为臼。

（清·光绪《玉环厅志·杂事》）

## 陈岙青峰庙

陈岙青峰庙供九使侯王神，其神最灵。相传不喜妇女烧香，而喜接文人。玉俗，庙神寿诞皆有妇女烧香，惟此庙独无。殿廊下往往设馆授徒，凡应试求名请神降乩，言多微中。其祷雨尤验。道光间岁旱，乩书某日出坛必雨，届期众皆迎神祈求，时馆中肄业诸生在山门外私议曰：“万里无云，雨从何来，神言恐未必验矣，若果然，则当题额颂之。”是夜果大雨，侵晨复降乩，召馆徒问曰：“君等昨所议何事，幸勿食言！”众皆愕然，书“德赐甘霖”四字敬榜于门，至今犹存。

（清·光绪《玉环厅志·杂事》）

## 鸕鷀鸟

鸕鷀鸟，旧时所在多有。自嘉庆间禾生甲虫，形似龟而小，人呼为龟虫，专食稻叶。众请平阳法师遣之，师筑坛礼忏七日后，披发仗剑登台设法，龟虫果被遣一空，而鸕鷀种类亦自此永绝。或云鸕鷀多，则淫气所感化为龟虫，有不如无，未知驱遣龟虫何以并鸕

鸽而驱之，且何以绝不复来，其事其理无可征信，姑采之以俟博雅。

(清·光绪《玉环厅志·杂事》)

### 天久晴

同治间七月，天久晴，忽一龙从半空垂下庙湾河，鳞甲闪闪作金红色，农夫在田力作，见之俱狂叫。风雨顿作，屋瓦皆飞；时早禾甫登场，田间所积禾秆飘空悠扬，袅若游丝。有东岙人手持一伞被刮空中，顷刻间落于十余里外之垟根村。

(清·光绪《玉环厅志·杂事》)